

coll. complete.
25. 8

C 22.

33988/A/1

6 v. p. 134/35

Gay. 8 v. p. 134/35
Lost (blank) leaf
present.

F. III 5th & 6th prelim leaves
after p 134

16/e


92

JOHANNES LOMMII BURANI
 DE CURANDIS
FEBRIBUS
 CONTINUIS,
LIBER.


IN QUATUOR DIVISUS
 SECTIONES:

*QUARUM SINGULÆ SINGULORUM
 MORBI TEMPORUM,*

QUÆ TOTIDEM QUOQUE SUNT NUMERO,
 REMEDIA CONTINENT.



ROTTERDAMI,
 APUD JOHANNEM DANIELEM BEMAN,
 MDCCXX,





CELEBERRIMO VIRO,
JOHANNI FREIND,
M. D.

Collegii Medicorum *Londinensis*,
& Societatis Regiæ
S O C I O.



QUM morbi, quo jamdiu laboro,
depellendi spe, ad Te, Vir
Clarissime, nuper confugerem,
cumque ei Professioni, in quâ
Tu inter primos locum obtines, me no-
men dedisse intelligeres: non modò cum
summâ benevolentîâ valetudinis meæ sus-
cepisti curam, sed etiam de ingrediendâ
Studiorum viâ permulta mecum es huma-
nissimè collocutus. Ita, cum sanitatem
mibi quotidie restitueres, iis interim me

praeceptis informabas, quibus aliquando
aliis etiam salutaris esse possem. Illud qui-
dem conservatae vitae beneficium quam-
quam magni aestimare debeo, atque, uti
par est, aestimo: huic alteri tamen nequa-
quam esse censeo comparandum, per quod
efficis, ut quam vitam nolim otiosè tra-
ducere, eam, per Medicinae devia erran-
do, laboriosè inutilem non transigam. Si-
quidem hortabaris, ut quamprimum
ostenderem, memet esse, quoad aetas pa-
teretur, aliorum commodis inserviendi cu-
pidissimum. Id autem fieri posse judica-
bas, si ex hominum propè memoriâ jam
elapsum, Lommii, De Curandis Fe-
bribus Continuis, Tractatum Orbi Li-
terato redonarem. Ego verò lubenter
hoc suscepi munus; quippe quod neque re-
conditoris Scientiæ, neque ingenii quic-
quam, sed curae duntaxat aliquantulum
desideraret. Hoc in Te simul, tanquam
præstantissimi Ingenii notam, nequeo non
summopere admirari: quòd, dum nostrae
Ætatis Authores Scriptis obscuras Tuis,
alio-


aliorum etiam de Re Medicâ bene merentium Opera intermortua excitare, atque in lucem proferre contendas. Quod Tu quidem per alium rectè facis; quoniam, quod ab Aegrorum assiduâ curatione tempus Tibi reliquum est, id, tum in legendis, atque illustrandis Veterum Monumentis, tum in Arte praeclarissimâ per Tuas Lucubrationes ulteriùs promovendâ, studiosius impendis. Ecquid autem insperatius mihi nunquam evenire potuit, quàm ut hujusmodi quicquam mihi demandares, & operam ullam, cui quidem ego defungendæ par essem, Tui nominis celebritate commendari permetteres? Ecquid revera mihi magis fructuosum, quàm ut à Te, quem propter incredibilem Tuam, & in singulis Medicinæ partibus, & in omni Literaturæ genere Scientiam, summis laudibus efferunt Principes Gentis nostræ Medici, à Te, inquam, ego prima Artis elementa haurirem, & Studia mea in Tuâ ipsius Domino feliciter auspicarer? Ea persequi in

*Æde Christi gratissimum erit ; quam
Tu quidem non solum amas , & colis :
sed etiam claritatem eam , quam ab illâ
quondam accepisti , nunc in illam vicissim
refundis. De quâ Æde bona omnia spe-
rare nemo non potest , quamdiu ei prae-
sit , qui nunc praeest , Pater Colendissi-
mus , Tuâ nuper Arte celeriter à morbo
liberatus : & quamdiu Frater Tuus
Eruditissimus uberem ei quotannis arti-
bus optimis instructae Juventutis copiam
suppeditet. Illic , si non Tuo , at Amici
saltem Tui , Medici Scientissimi , cui
Opus immortale non ita pridem dicabas ,
colloquio nonnunquam perfruar ; illiusque
monitis , haud secus ac si essent Tua , ob-
temperare semper gestiam.*

Omni Gratitudine

Tibi devotissimus,

JOHANNES WIGAN.



LECTORI EDITOR

S.

LIBRUM Tibi in manus trado, *Lector benevole*, nisi semel antehac, quod sciam, idque annis supra centum & quinquaginta, non impressum. Eâ Artis scientiâ fretum, *Authorem* habet *Lommium*, ut Medentium studiis fit apprimè utilis: eâ loquendi venustate, ut, inter aliarum etiam Literarum cultores, non defuturos esse sperem, quos Opusculi brevitās, Sermonisque elegantia ad ejus lectionem, ipsis fortassè non mediocriter profuturam, invitare possit, atque allicere. Nam siquem, in utilissimâ jucundissimâque *Medicinæ* cognitione, plusculum operæ collocare neque animus ferat, neque tempus sinat: pauculas ei tamen horas otio-

so licet infumere, ut adversùs *Febres Continuas* se tueri queat, atrocissimum Morbi genus, maximèque vulgare. Ferè autem, inter initia valetudinis, ex quorum procuratione vitæ mortisque magnâ ex parte pendet eventus, ab ipsis *Ægris* gravissimè peccatur; vel quia, propter nimiam securitatem, non velint, vel quia, ob loci incommoditatem, Medicum non possint arcessere. Itaque nemini supervacaneum esse poterit, ut, in Morbo hoc acuto, ac brevi, vel sibi aliquam ipse opem præstare, vel saltem noxam non inferre addiscat.

Cui rei maximè idoneum esse hunc, quem jam publici juris facio, *Traëctatum*, quisquis eum legerit, facilè percipiet. Neque enim reperietur ille falsâ Philosophandi specie perplexus; quo scribendi genere ita nonnulli Medicorum insaniunt, ut *Ægrorum* deliria, pro veris rationibus, æquo jure amplecti potuerint: neque contrà *Præscriptorum* formulis confertus; quibus adeò *Recentiorum* intumescunt Volumina, ut inter varia Remediorum genera ipsam ferè Medicinam jamdiu amiserimus. Nihil certè proponit *Author* prudentissimus à communi pæne omnium sensu, captuque semotum; frequentem verò Medicamentorum ingestionem acriter impugnat: curationem ferè hujus Morbi per tempestivum debitum-
que

Hæc, aliaque permulta, *Lector benevole*, in hoc Libro, observatu utilissima reperies, quæ dignissimum effecere, qui, in magnâ certè bonorum Scriptorum raritate, ab interitu jamjam imminenti vindicaretur. Cæterùm opus hoc adeò mihi vitio non vertes, ut etiam felicitati meæ haud illibenter tribuere velis: cum *Virum* illum *Doctissimum*, qui superiore anno *Commentarios* suos in *Hippocratis Scripta Epidemia* (harum *Continuarum Historias enarrantia Februm*) summâ arte, ac scientiâ elaboratos, ingenio perpolitos, eloquentiâ illustratos, publici fecit juris, edendum mihi hunc Libellum in manus tradidisse cognôris. Tibi autem ego munusculum hoc gratissimum fore confido, cum id ab illo valde comprobatum, Tuxæ verò lectioni commendatum, ex ipsius *Domo* in lucem denuo prodiisse rescieris.



JOdocus Lommius Burae, oppidi in Guel-
driâ Batavicâ, propè Lingam amnem,
natus est. Anno 1557, edidit, de tuendâ
Sanitate, Commentarios in primum Librum
Celsi; quo tempore, Tornaci apud Nervios
egit; cujus Reipublicae, ut ipse dicit, Medi-
cus fuit Physicus. Postea, Bruxellae, Anno
1560, emisit Observationum Medicinalium
Libros tres; in quibus omnium Morborum
Signa, & quae de his haberi possunt Praesa-
gia, accuratissimè pertractantur. Quos Or-
dini Senatorio Reipublicae Bruxellanae dica-
vit; Nerviiis quippe relictis, in hâc tandem
urbe, honesto stipendio donatus, Medicinam
facilitavit. Hunc demum in publicum dedit,
De Curandis Febris Continuis, Librum,
Bruxellae, Anno 1562.



ILLUSTRISSIMO HEROI
CAROLO A BRIMEU,
COMITI DE MEGHEN,
Domino
DE HUMBERCOURT, DE HOUSDAIN, &c.
Equiti Aurei Velleris,
Gubernatori Geldriæ, atque Zutphanicæ,
JODOCUS LOMMIUS,
S. D.



*Aud levibus sanè de causis, Heros
Illustrissime, videtur accidere, ut
Homo prae caeteris animantibus
graviorum pluriumque insultu mor-
borum pulsetur. Nam etsi temperamenti ele-
mentorum perfectionem, causam sanitatis me-
liorem acceperit brutis, quae indies cernimus
suavem ferè vitam, taediique morborum cassam
transfigere, luxu tamen, varietatèque epula-
rum*

rum ac poculorum praeclara hac valetudinis seminaria corrumpit. Praeter haec, permultos quoque videre est temperantes homines, simplicique contentos mensâ, vitioso quodam corporis statu morbis haud parum multis naturaliter implicari. Scilicet non solum victus, aërque circumfusus taedia conciliant aegrotationum, sed & ipsa primitus insita natura, quae saepe haud aequè stabilem nobis valetudinem, atque caeteris animalibus, videtur contulisse. Tum adversus horum improsperam sortem hominum, tum ad corrigenda vitia aliorum, quibus vitae intemperantia sanitatem labefecit, vi praestantiâque mentis, quam soli homines inter reliquas animantes divinam aeternamque possidemus, ars quaedam est reperta medendi, quam ideo Therapeuticen appellaverunt. Cum enim à primi Parentis Adae lapsu corpusculum hoc non aequè, ut antè, absolutum vacuumque miseris, at mille taediis tum malorum opportuno aliorum, tum etiam aegritudinum, experiri Homo cœpisset, sicuti magnâ fuit necessitate coactus, terram, quò feracem alimenti redderet, indefessis laboribus colere, reliquaque vivendi praesidia duriter emoliri; ita planè quoque debuit adversus aerumnas morborum certa quaedam remedia ingenti solertiâ quaerere atque experiri, ut ita scilicet melius saltem traduci vita posset, quae optimè non potest. Tantopere verò haec ista morbos depellendi cupiditas,

tas, ne dicam necessitas, omnibus injecta est, ut jam inde ex tam longo aevo nusquam gentium non sit Medicina. Facile enim omnes sensere sanitatis esse incomparabilia commoda; aegritudines autem, tædii ac periculi plenas, animi corporisque functionibus officere. Itaque Virum Medicum, qui hâc in parte mortales juvaret, apprimè coluerunt, tanquam multis aliis, ut Homerus ait, præstantem. Cujus rei gloria complures olim ad Medicinæ studium excitavit sapientes viros; qui, cum se scirent non modò sibi, verùm juvandis etiam aliis hominibus esse natos, salutaris quoquè artis hujus professionem agitaverunt. Quorum ego insistere vestigiis, ex quo puerilibus literis sum exemptus, quantum pro virili licuit, caepi. Vel aliquam ratus laudis partem, inter reliqua societatis hominum officia, eo comparari labore posse, qui indies in avertendo excludendoque humanæ valetudinis hoste desudat. Itaque hætenus etiam eò operam meam omnem contuli, conferamque posthac, non solum mendo, id quod jam totum factito decennium, verùm etiam commentarios scribendo Medentium studiis utiles.

Ut autem pro tempore aliàs alia memoriae prodidi, ita nunc visum fuit continuæ febris versare curationem. Continuam voco, quaecumque vel ex omnibus nata putrefactis intra vasa humoribus, vel ex unico tantum, jugi
cont-

continuatâque accessione hominem exercet. Dignum apprimè id genus morbi visum est, cujus recta curatio proponeretur. Creber enim ejus est, ac ferme popularis per aestatem insultus, plurimosque is ipse mortales medio flore aetatis tollit. Siquidem praecipiti ac periculoso movetur impetu, adeoque celeriter vel resolvitur, vel occidit. Ut ne dicam etiam vix ullum morbum reperiri alium, in quo sanando aequè hodie frequenter, aequèque turpiter, ne dicam flagitiosè, peccetur. Nam vel sanguinis missio, sive intemperanter, sive alienis suscepta temporibus, quot acutè febricitantes neci dedit? quot item malè conciliata perdidit purgatio, jugisque continuatio medicationum? Nimirum in eâ feбри, quae unicam non est superatura septimanam, ut multi faciunt, primo die alvum solvere, secundo sesquilibram sanguinis, incisâ venâ, detrahare, tertio lenitivum bolum purgandi causâ dare, quarto injicere clysterem, quinto perpurgare, sexto septimove, ferocientibus juxta statum symptomatis, rursus secare venam, quid hercle aliud est, quàm aegrotantis vires vitamque unâ cum morbo studere tollere? Cujusmodi errores (quos certè gravi dolore animi committi video) ideo sunt detestabiliore, quòd cum aliis in morbis, naturâ longis, correctionem interpositis admittant temporibus, in acutis tamen febribus, ceu multùm alioqui mobilibus, non admittant, semperque multam in sese

sese secuti exitii claudant culpam. Ergo etiam hic, quid quâque parte sit peccatum, & quae vera curandi sit via, propono : quam quidem ipsam ratione comprehensam viam, atque antiquorum fultam praeceptis, longâque medendi experientiâ comprobata semper pro voto meminisse respondi.

Hos Tibi labores, Illustrissime Comes, ideo dicavi, quod nullum sentiam officii atque obsequii genus à me praeteriri oportere, quo saltem aliqua fieret grati animi significatio, pro favore illo praecipuo erga me Tuo. Qui quidem favor, inter caetera sui argumenta verisimilia, vel ex eo quoque perspicitur, quod ab aliquot jam elapsis annis me Tuae delegeris valetudinis custodem Medicum; ac libenter, multâque voluptate de naturalis sapientiae studio, adeoque de rebus medicis audias differentem. Quâ in re, etsi plura mihi abs Te tribui, quàm merear, scio, pergratum tamen est tanto Principi nostra non displicere. Quid verò Te non tantum ego Principem appellem, qui maximis animi virtutibus pace, belloque probatis, qui heroici generis claritate, qui fortunae dotibus es eminentissimus? His laudibus accedit, quod non modò Te iis benevolum exhibeas Mecaenatem, qui ingenio, professionéque liberalium studiorum sunt praestantes, verùm quod ipse quoque bonas literas nôris. Quàm verò praeclarum id demum videtur, ad nobilissimae familiae, imperato-

*ratorio stemmate oriundae, splendorem, item-
que ad artis militaris gloriam, rerumque forti-
ter gerendarum dexteritatem, studiorum quoque
cultum accessisse. His Te, Generosissime Co-
mes, ornatum laudibus, tanquam perpetuis tui
nominis insignibus, Deus Opt. Max. diu pa-
triae servet incolumem. Vale, ac tenue mu-
nusculum ab humili cliente, Medicoque profe-
ctum Tuo, hilariter admitte.*

Bruxellae Kalend.
Septemb. An. 1562.






DE CURANDIS
FEBRIBUS
CONTINUIS,

SECTIO PRIMA,

Quæ earum continet Principium.



CAP. I.



Ingentium plenæ periculorum, *Febres*
vitæque hominum inimicissimæ *Continua*
febres sunt continuæ. Assiduus *sunt peri-*
enim ignibus, atque symptoma- *culosæ.*
tum assultibus vim corporis la-
cessunt. Plurimosque mortales (ut si quod
morborum propè genus aliud) medio ætatis,
atque roboris vigore tollunt. Præceps etiam
his est febribus impetus, adeoque errori par-
vis de causis exitioso vel medentis, vel ægro-
tantis patet. Scire autem licet, modò ex
humoribus eas febres nasci simul omnibus,
modò ex unico tantum, intra maximas ve-
nas, atque arterias putrefactis. Prioris gene-

A


ris

2 FEBRIS CONTINUÆ

ris febres *Recentioribus* placuit continentes dicere, alterius continuas. Nos autem, quia utrimque febricitationis est continuatio, unicâ contenti voce, utraq;ue continuas appellavimus. Recta curatio est simul causam vitii abstulisse, simul excitatum inde calorem refrigerasse. Ergo etiam succorum, quæ nunquam ferè non jungitur, plenitudo vacuando detrahenda est. Siquidem hæc ipsa, propter meatuum constipationem transpiratione redditâ incommodiore, & dare, & fovere putredinem potest. Qui verò jam com-putrescit humor, quantum licet, corrigendus, concoquendus, commodæque opportunus excretioni pellendus est. Inter quæ tempora ipsi quoquè morbo in primis succurrendum, refrigeriique præstandum est temperamentum. Impetus quoquè symptomatum, quæ morbum comitantur, quoniam effrænatus est, coercendus est.

In morbis ægri vires spectanda. Ut autem hæc ista præcepta, ex rebus petita valetudinem offendentibus, stabili mendendi lege fulciuntur, ita penitus infirma, ne dicam, perniciofa sunt, nisi si par virium robur his respondeat capeffendis. Solæ namque vires, & morbos, & morborum fustigando remedia, vitam humani generis tutantur. Quapropter has etiam intueri, ac custodire incolumes oportet, ne vel immoderatis curationibus, vel ipsâ ægritudine debilitatæ collabantur. Servantur autem commodo cibo, potione, aëre. Visum est de his singulis, quæ suprâ comprehendi, ordine dicere, omnemque rem ita oculis subijcere legem-

legendium: ut quæ vera sit ratio atque via continuatas has febres sanandi, fatis superque sciri possit.



C A P. II.

De Missione Sanguinis.

QUoniam duo mittendi sanguinis capita, ac veluti scopi sunt, morbi magnitudo, viriumque robur, videtur profectò, si aliàs unquam, certè in continuâ febre tentandum id auxilii genus esse. Nam ut maximus per se est morbus, ita ferè proprius habetur adolescentium atque juvenum; quibus naturaliter sanguinis atque virium abunde est. Ergo etiam, ut primùm is ipse robore valentem aliquem invasit, ac cognitus (quod ferè secundo fit die) fuit, fas est sanguinem, nisi quid prohibet, incisâ venâ, confidenter detrahare, proque vi ægrotantis ac morbi vehementiâ fluere sinere. Levat hæc res, exoneratque corporis restricticem naturam; adeò ut ea faciliùs in posterum, quod reliquum est materiæ, vincat, & concoquat, quod concoqui potest, & id, quod alienum est, excernat. Nemo sanè id unquam genus remedii sine evidenti periculo in acutâ febre præteriit. Quos sine eo firmiores vires fortè servant, eos sanguis è naribus ubertim fluens, aut copiosæ sudationes vindicare ab ancipiti periculo possunt.

*Quando
cognosca-
tur Febris.*

Sed in quæstione positum id esse video; debeatne per acutam febrem puero quoque, vel seni, vel foeminæ gravidæ sectio venæ adhiberi? Puero *Galenus* infra annum ætatis decimum quartum sanguinem non mittit. Multi etiam id factum in sene, qui septuagesimum superavit, verentur. *Hippocrates* abortum etiam secuturum, si prægnanti sanguis mitteretur, affirmavit. Sed eximenda rei hujus controversia est. Antiqui magnas tentare vacuationes solent, quæ viribus parum firmis sunt inutiles. Itaque non immeritò has ipsas in iis fugere corporibus, quibus potens deficit robur, aut quibus aliqui firmis periculum abortus ex detracto sanguine, matri foetuique alimento necessario, immineret. Id verò ut ipsi prudenter suis in evacuationibus caverunt, ita nos jure præterimus, moderatis contenti inanitionibus, quæ, viribus etiam subinfirmis, non omnino sic incommodent, quin possit corrigi ea imbecillitas, servatâ hominis vitâ, possit. Dejectis superatisque viribus, cum vacuatio omnis, tum maximè missus sanguis officit. Verum quæ subtenues quidem sunt, parumque firmæ, quid vetat, quò minùs respondentem suo modulo sustinere inanitionem possint? Planè quidem sic res se habet, ut qui graves morbos experiuntur, iidem possint & illorum quædam ferre remedia.

An Pueris Sua pueris inest naturæ vis haud exigua,
sanguis quæ etsi fluxo, raroque corpusculo indita
rectè mitti facilè labascit, admittere tamen sub acutissi-
possit? mâ febrî qualemunque sanguis missionem
 potest:

potest: maximè si ætas haud multò inferior anno est decimo quarto. Quæ hinc evenit imbecillitas, corrigi ea pòst alimento facillè potest. Prorsus enim præstare videtur, præsentis mortis periculo, afflictis utcunque viribus, puerum eripere, quàm febre superatum perire finere. Quod quidem exemplum felicius, quàm *Græci*, *Arabum* familia secuta est. Nam quòd *Galenus* substantiæ puerorum uberem causatur fluorem, eumque abunde esse ad curationem profitetur, vicemque sanguinis missi gerere, nihil est. Debile enim id est, nimisque lentum præsidium, in acuto atque præcipiti morbo acceleratum efficaxque poscente remedium. Locus esse aliquis consilio *Galen*i potest, si de sanis audiatur pueris, quibus sui sufficit corporis fluxa resolutio ad insultus morborum avertendos. Quum autem febris hos acuta premit, permissum est sanguinem utcumque mittere, maximè si corpore viribusque sunt firmi.

De senibus autem firmis, quorum solidum corpus haud ita facillè resolvitur, quid attinet, dubitare, quin innoxie, cum acuta id postulat febris, sanguinem emittant. Hic verò *Razes*, Auctor *Arabs*, adeò sectionem venæ non horruit, ut vel ipsis etiam decrepitis, modò qualiscunque suppeteret vis, eam confidenter bonoque successu adhibuerit. Id quoque *Galenus* sentit: cum non modò numerum attendendum esse scribit annorum, sed & corporis habitum. Sunt enim, inquit, qui sexagesimo ætatis anno missio-

An Senibus?

6. FEBRIS CONTINUÆ

nem sanguinis non ferant, utpote præficci; ac promptè inarescentes, paucique sanguinis; cum quidam septuagenarii ferant, qui nimirum sanguine pollent, ac vires sortiti sunt haud impotentes. Id certè modò intelligas licet, ubique curantis consilium non ad ætates certis circumscriptas annorum finibus, sed ad vires dirigi oportere. Si juvenis, inquit *Celsus*, imbecillus est, malè sanguis emittitur. At firmus puer, & robustus senex tutò curantur. Quanquam meminisse convenit parciolem hìc esse debere inanitionem, minimumque fiduciæ de viribus facilè collapsuris habendum. Quapropter is etiam ipse *Celsus* existimavit, maximè in his medicum imperitum falli posse, quia ferè minùs roboris illis ætatibus subest.

*An mulie-
ri præ-
gnanti?*

Jam verò mulieri quoquè prægnanti inimica videatur venæ incisio, quoniam, erepto fœtui alimento, proclivis est abortus, maximè per acutam febrem, quæ & ipsa quoquè sanguinem incendio consumit, ac vires debilitat. Scilicet hìc post venæ sectionem viribus, justoque sanguine est opus, cùm ad morbi residui depulsionem, tum etiam ad fœminam, ejusque sustinendam fobolem. Ut mirum non sit, facilè periculum ab inanitione sanguinis esse, cum in unâ muliere duo corpora simul sustinentur. Speciosa quidem argumenta hæc, ut veri habere speciem videntur, sanguinisque dehortari missionem: ita prorsus debilia sunt, ubi pro nostri sæculi consuetudine moderatè sanguis mittitur, ad commodam virium prægnantis

nantis tolerantiam. Quid enim gravidæ offecerit, sub acutissimâ febre, quæ exitium, & matri, & fœtui intentat, ad uncias quatuor vel quinque detractus sanguis? Quid contrâ immitius, quàm miseram mulierculam, salutaris cassam auxilii, proterviæ sævissimi morbi dedere, ipsumque fœtum uteri clausum latebris, futuræ lucis spe destitui, atque emori finire? At magnis morbis magna convenire dices remedia, neque tantillo emissio sanguine acutè febricitantem mulierem juvari admodum posse. Verùm hîc respondeo: quoniam virium potior, quàm morbi est observatio, *Galenî* esse sequendum consilium: qui quidem, cum ingens ægritudo insignem detractionem exigit, quam tamen semel vires non ferant, iterari eam oportere scripsit; mediisque temporibus sic voluit sustineri alimento ægrotantem, ut tutò secundâ sectione dematur, quod semel demi sine periculo nequivit. Quanquam tamen unica ferè sufficiat missio sanguinis, quoniam multum detrudere in eâ fas non est muliere, quæ justum sanguinis modum & sibi, & fœtui servare debet: maximè si posterioribus temporibus in molem is fœtus grandescit. Primis autem imprægnationis mensibus tutò licet, si acuta invasit febris, pro hujus exigente magnitudine, sanguinem emittere. Tum enim ipsi etiam in corpore redundant succi, menstruis compressis, tenelloque fœtu exigui postulante alimentî fomitem. Hanc propter abundantiam, vitio etiam humorum sæpe implicitam accidit, ut capitis oriantur

8 FEBRIS CONTINUÆ

dolores, itemque nausæ, & horrores, & febres, & hujusmodi incommoda; quæ, uti primis mensibus urgent tribus, ita crescente in molem, & in quartum mensem foetu, sponte etiam cessare, quia majore opus est nutrimento, solent. Ad horum averfionem tædiorum, complures gravidæ (utique si his corpus naturâ succulentum est) primis mensibus venam sibi incidi curant, eaque providentiâ sese servari incolumes, atque editum foetum manere saniozem, minusque scabiei, ac similibus cutis vitiis opportunum experiuntur. Quod si sanè id genus auxilii rectè arripiunt, quid non faciant hæ, quibus atrocis morbi præsens necessitas id ipsum imperat? Neque verò par discrimen (ut quispiam existimet) à missio primis mensibus sanguine incumbet, quod à purgatione tum esse *Hippocrates* scripsit. Nam antiquorum purgantes potiones tenelli foetus nova debiliâque vincula convellendo facile dissolvunt, totumque simul corpus impensè exagitant, ut mirum non sit, ipsum subinde abortum sequi. At sanguinis missio, maxime etiam nostra, sine vi, sine corporis perturbatione, leniter id, quod superest, demit, matremque onere humorum, integris viribus, integrâque sobole levat. Quod si, etiam mediis prægnationis mensibus tribus, purgantia medicamenta *Hippocrates* indulfit, cur nefas sit tum quoque sanguinem, incisâ venâ, moderatè trahere. Adeò manet perpetua hæc, inconcussâque sententia: in gravidis acutâ occupatis febris, non videri solam
debere

debere conceptionem, sed vires æstimari, Si vires corporisque statum, & ex his conjecturam sufficiant, fieri, liceatne tutò periclitari, quod morbus semper postulat, auxilium. Itaque ubi magna acutittaque febris urget, semper emittendus est, mittendus si vires respondent, sanguis. est.

Porro hæ vires certis comprehensæ sedi- Quomodo bus hinc in omne corpus proficiscuntur: ani- vires æsti- males, quæ sensum motumque præstant è mari pos- cerebro per nervos: vitales, quæ calorem sint. vitæ conferunt è corde per arterias: natura- les jecori insitæ, quæ per venas nutritionis adjiciunt tutanturque beneficium. Hæ func- tiones atque hæc opera, si rectè fiunt, in- tegras vires arguunt: sin imbecilliter atque malè, infirmas. Ergo tenax vigilia, deli- rium, sopor, distentio nervorum, virium animalium testantur imbecillitatè. Pulsus autem parvus, obscurus, debilis, spiratio parva, difficilis, crebrâque, nisi pectoris pulmonisve sequantur vitium, infirmum ostendunt vitæ robur. Cruda autem excre- menta, vel penitus vitiata, itemque parcè prodeuntia, vel retenta, naturalium virium imbecillitatis sunt argumenta. Per acutam itaque febrem, ut certè in omni quoquè morbo magno, siquidem hæ vires firmæ sunt, vena erit incidenda: sin morbi faevi- tiâ, aliisve ex causis dejectæ esse cernuntur, temperandum ab emittendo sanguine est.

Caeterum ubi sic eadem sunt afflictæ, Cum lan- ut prorsus dejectæ non videantur, sed, at- guidiores trito tantum robore solito, languidæ, mor- sint, pau- boque tum magno, ut continuâ febri, si op- cam de- rare con- pugnan- venit.

pugnantur, nequaquam vel omittere sectionem decet, vel affatim multumque semel evacuare (hoc enim aegrum esset extinguere, illud sine ope libidini atrocis mali relinquere) sed paucam detractionem iterare convenit, medioque tempore vires reficere. Eam profectò secutus est viam, ut nuper dixi, *Galenus*, qui, cum parum firmus est homo, principio, quantum satè visum est, detrahit, & post, quod defuit, iteratione supplet.

Partitis At scire licet, hanc partitionem non esse
vena secti- in spatia rejiciendam complurium dierum,
onibus, sed eodem tentandam die, modò aliquot
quodnam interpositis horis, modò unicâ duntaxat: in-
spatium terdum & mox in ipso floris impetu, vel
interpo- dissoluto vinculo, vel vulneri superindito di-
nendum gito. Inter quam moram, supinus decubi-
sit. tus, vini odor, vel mali punici degustatus
 succus vires refocillat. Intervalla etiam haec
 pro viribus affectis praefiniuntur, quae vires,
 crescente morbo, semper fiunt imbecilliores.
 Vehementer fractae, longiora instaura-
 tionis spatia exigunt; paulò firmiores, con-
 tractiora. In acutâ tamen feбри, cui ceu to-
 tis corporibus inhaerescenti, iteratio, non
 etiam revulsionis, sed unius vacuationis gra-
 tiâ adhibetur, non ultra diem posterganda
 est; id quod ideo praecipitur, ut ne efferve-
 scens intus sanguis, vel in viscus aliquod
 irrumpat praecipuum, vel majorem putredi-
 nem, nisi maturè dematur, contrahat. Ad
 haec, posterioribus diebus vires redditae sunt
 ex morbo imbecilliores, ipsaque materia,
 quia

quia concoqui cœpit, atque à bonis succis separari, tum potius purgatione, quàm venae sectione, tolli debet. Quae res posterioribus abhinc locis patebit: arguetque gregalium illorum medicastrorum imperitiam, qui febribus etiam vigentibus, venam tundunt.

Sed redeundum nobis ad quaestionem vi- *In summa*
rium est. Controversum esse apud antiquos *tamen*
video: Sanguisne etiam tum debeat mitti, *imbecilli-*
cum ingens quidem id desideret febris, eo- *tate, huic*
que sine praesidio certa perniciēs sit, neque *remedio*
tamen id patiantur vires, vel ab ipso aegio- *omnino*
tationis principio, vel incrementis, vigen- *parcen-*
tisve morbi impetu (neglectâ per initia de- *dum est.*
tractione) imbecillissimae? *Cornelius Celsus*
in ejusmodi re satius putavit, anceps expe-
riri auxilium, quàm nullum. Si nihil, in-
quit, aliud apparet auxilii, periturusque sit,
qui laborat, nisi temerariâ quoquē viâ fue-
rit adjutus, in hoc statu boni medici est,
ostendere, quàm nulla spes sine sanguinis de-
tractione sit; faterique quantus in hâc ipsâ
re sit metus, & tum demum, si exigetur,
sanguinem mittere. Aliter verò *Galenus*,
meque iudice, rectiùs hanc rem judicavit,
parcendum semper remediis esse censens,
quae & vitae custodes vires delent, & me-
dico pro gloriâ dedecus, calumniamque con-
ciliant. Ergo etiam rectiùs praesagio usi, ab
omni culpae opinione conscientiam libera-
mus, & nominis existimationem, artisque
nostrae venerabilem dignitatem tuemur. Cru-
delis hominis officium facit, quisquis mor-
bum unâ cum vitâ aegrotantis aufert. Quam-
obrem

obrem semper vires, ubi quid exinaniendum est, intueri oportet; quae si penitus invalidae fractaeque videbuntur, magna praesidia relpuunt, blandioribus quibusdam, quamdiu supererunt, fovendae rebus. Id profectò humanitatis est pium officium, deploratos etiam aegros aliquo saltem artis nostrae beneficio consolari. Verùm excusandus utcunque (quantùm nobis videtur) *Celsus*, Auctor haud infimae inter antiquos notae; cujus praecepta, quoniam ubique artis magistrum sapiunt *Hippocratem*, fas non est temere repudiavisse. Locum esse suae praeceptionis praecipuum is Auctor scripsit, ubi nervi resoluti sunt: ubi subitò aliquis obmutuit; ubi anginâ strangulatur; ubi prioris febris accessio paene confecit, paremque subsequi verisimile est, neque eandem videntur sustinere aegri vires posse. Haec ista profectò satis arguunt, oppressas copiâ humorum vires, non in sese dissolutas, à *Celso* intellectas esse. Oppressas nimirum intelligo eas, quae propter affluentiam humorum complurium, caloré atque putredine nimis effervescentium, vel periculoso impetu partem aliquam impetentium vel occupantium, momentaneam, veluti ab onere molesto gravatae, speciem imbecillitatis falsam praebent. In eo autem rei statu, nisi detractio vires maturè sublevantur, in multo versantur periculo.

*In acutis
morbis, vi-
res vitales
sunt prae-
cipuè con-
siderandae.*

Nondum de viribus satis. In quaestione positum à nonnullis id fuisse video: Omnesne corporis considerari vires in acutâ febre, ut certè in omni quoquè morbo, ad missio-

nem

nem sanguinis debeant: an verò pleraeque ex his duntaxat? *Galenus*, in acutis morbis, fat esse putavit vitales tantùm intueri; quarum si robur valet, tutò secari posse venam scripsit. Id praeceptum rationes certè non prorsus rejiciendas habet. Acutus enim morbus, maximèque continua febris, quia brevi solvitur, haud magno sanè incommodo solidas afficere partes, ut longus, potest. Tum etiam, integro vitali robore, non usque adeò metuenda videtur virium animalium imbecillitas, ut quae, evictò morbo, sponte paulò post cessat. Memini videre acutè febricitantes haud parum multos, qui sub ipsam judicationem, gravi oppressi primùm delirio, dein alto sopore, similes moribundis, sine mentis usu, sine motûs sensûsque certo imperio, alius duas tresve horas, alius diem, & quidam apud *Nervios* biduum decubuerint, firmo tamen stabilique pulsûs robore: quae profectò res salutis rectique praesagii spem mihi verisimilem praebuit; id quod, profusis ortis sudoribus, atque dejectionibus alvi, feliciter secutum fuit. Prorsus *Quarum.* quidem sic sese rem habere existimo: Per *bonus in-* evacuationes acutis febribus accommodas, *dex est* pulsui, ut magnam tribuere viam, ita non *pulsus, sed* omnia medicum credere oportere, utpote *interdum* rei multùm ancipiti atque fallaci, quam fa- *fallax;* cilè mille res variant turbantque: aetas, sexus, corporum natura, infirmus stomachus, metus, ira, laetitia, ex improvviso ingressus medicus, similiâque sexcenta, quoniam spiritus afficiunt vitales, recta judicia


pulsûs

pulsus corrumpunt; ut imbecillus is homo videri possit, cui vires suppetunt, & valens rursus, quem deficiunt. Hujusmodi itaque remotis casibus, videre oportet, maneatne constanter firmi roboris pulsus; qui si sic est, confidentius per acutam febrem detrahi sanguis potest. Illud quoque sequitur, ut omnibus in morbis, si quid vacuandum est, consulendas ex aequo vires omnes esse: ita in acutis praecipue vitales, in vetustis naturales, in utrisque indifferenter animales. Acutae siquidem febres, quoniam & exiguo tempore magnâ vi corpus oppugnant, & profusis inanitionibus finiuntur, robur spirituum vitalium, quod illa tunc efficiat, tunc sustineat, maximè requirunt. Longi verò morbi non tam effusis, vel tam evidentibus vacationibus, quàm vetustate, lentisque concoctionibus, vincuntur. Itaque in his ipsis vis potissimum naturalis, seu concoctrix requirenda atque spectanda est, si quid rectè atque tutò vacuatum velis.

Et in acutis etiam aliquatenus haec quoque, cumque his animales.

Id postremum hâc in quaestione virium concludam; quanquam vitale robur primas hîc partes habet: nequaquam tamen habere in universum omnes. Nam etsi maximè, ac primum vis vitalis profusâ detractioe labefactatur, caeterae tamen unâ etiam concutiuntur, quarum casus aequè homini exitiosus, ut vitalis, esse potest. Porro, ut in acutâ febre, pollentibusque viribus, mittendi sanguinis necessitas (quod hactenus satis demonstravimus) certa est, ita ejus effluentis incerta variâque servatur mensura: prout febris

bris est magna, & alia atque alia corporis natura, itemque aetas hominis, & anni tempus, & hujusmodi non eadem. Quâ de re jam nunc agendum est: atque hinc idoneum tempus mittendi sanguinis praefiniendum.



C A P. III.

*Quâ Mensurâ acutè febricitantibus Sanguis
debeatur mitti.*

Sanguinem per acutas febres mittere, commune est; verùm convenienti eum mensurâ, ac moderatione mittere, haud aequè vulgatum, aequè expeditum videtur. Observationes enim haud leves habendae sunt, quibus certa sanguinis detrahendi quantitas definitur. Consistunt autem hae in collatâ morbi atque virium aestimatione: Magnus enim ac vehemens morbus, validaeque si coeunt vires, liberalem postulant vacuationem. Febris verò continua (ut primum de morbi magnitudine, ac mox de viribus agamus) quia in numero magnarum ponitur aegritudinum, ferèque bene habiti est corporis, ac calentis aetatis propria, multam exigit detractionem, maximè si continens sit febris (*βύρολον* Graeci vocant) quae venas nimîâ succorum pariter omnium mole distendat. Sub quo casu *Hippocrates* atque *Galenus* veriti non sunt, donec etiam animus deficeret, semel trahere. Quam ipsi rem ratione, experienciâque ducti tentaverunt. Profusâ namque hac inanitione primum

Conferenda est morbi, viriumque magnitudo.

Quousque in Febri continente mitti sanguis debeat.

mum homo in contrarium agitur statum; celerrimè ex defectu animi refrigeratus; post autem alvus subinde prorumpit, vel bilis ubertim evomitur, vel certè copiosis sudoribus corpus perfunditur, atquè hinc alios protinus contingit convalescere, alios plurimum juvari. Quò minùs placet, quòd *Avicennas* in Syncho putridâ missionem sanguinis in vices partiatur, parum memor ejus praecepti *Hippocratici*, magnis morbis magna remedia conferenda esse. Porro, quod ad animi attinet defectum, scire licet haud semper eum esse expectandum, verum citra hunc etiam semper à detractione desistendum, cum satis pro morbi, viriumque ratione emissum est. Sunt enim, quibus aegrè animus deficit, quos si huc usque vacuare tentares, perderes. Si tamen linqui animo aliquem, dum adhuc sanguis intra modum fertur, continget, protinus comprimenda fluxio est, semperque antè inaniendi finis faciendus, quàm animus planè deficiat. Ergo etiam pulsui intentum esse medicum oportet, ut ne pro animi deliquio mors occupet, & quum is ex magno parvus fieri cœpit, ex aequali inaequalis, ex vehementi debilis & obscurus, à detrahendo protinus cessandum est; maximè, si sanguis haud pari impetu fertur, animoque languere is, cui mittitur, cœpit. Haec autem defectum vel antecedunt, vel comitantur, pandiculatio, tinnitus aurium, oculorum quaedam quasi suffusio, & interdum (petente stomachum humore) singultus, atque nausea.

Haud

Haud aequè profusâ detractiōe hae febres gaudent, quas causâ discriminis, Graeci *Quo us-*
que in
continua.
 συνεχεῖς, nostri continuas vocaverunt, quoniam per has ipsas haud tantus, ut in iis, quas συνέχες atque continentes appellari volunt, affluit sanguis; sed aliquis per se solus in vasis majoribus computruit humor, qui moderatiore sanguinis detractiōe minuendus est.

Porro de viribus sic habeto: Si potentes *Virium*
 quidem hae sunt, liberalem inanitionem admittunt, dejectae verò penitus nullam, mediocres imperfectam quidem, sed tamen utilem. *magnitudo colligitur ex hominis.*
 Variat earum robur, prout sunt hominis, temperamentum, constitutio, habitus, aetas, itemque anni tempus, regio, coelum, consuetudo victus, genus vitae, incidens evacuatio, atque ea simul symptomata, quae incidere graviora per acutas febres solent. Incipiam à corporis naturali vel ascititio temperamento, &, qui ipsum proximè comitatur, habitu.

Temperatum itaque corpus, justam, morboque respondentem detractiōem sustinet. *Temperamento,*
 Calidum verò, ac simul solidis humidum fluxumque partibus, quale puerorum est, qui plurimum indies à calore innato dissolvuntur, parcius inaniri postulat. At si calidum, idemque non nimium solidis madens, multo sanguine affluit, quale certè Athletarum est, id omnium uberrimae par est evacuationi. Calidum autem, ac modicè siccum ferè laticus quoque venas habet, ideoque magis licenter id inaniri, quàm frigidum humidum-

B

que,

que, aut frigidum ac siccum potest. Utrumque enim hoc exiguas possidet venas, & caloris haud aequè multum.

Habitu,

Habitus autem corporis densus, firmus, plenus, musculosus, liberaliter sanguinem mitti posse docet; minùs autem, qui mollis est, & rarus, & obesus, & albus. Tenuium enim index venarum est, ac sanguinis paucioris. Modicè gracilis habitus, si latis est venis, uberioris sanguinis argumentum est: si tenuibus, imbecillitatis. Itaque, ut ille plus mitti sanguinis permittit, ita hic, quàm fieri potest, minimùm. Porro scire licet, fallacem interdum esse habitus notam, neque ex eo indicium semper haberi certum de sanguinis modo, atque de viribus corporis posse. Scilicet is ipse habitus certâ quâdam vitae, victusque ratione ascititiam constitutionem amissâ naturali, acquirit. Labor, vigilia, sollicitudo, parcus tenuisque victus, habitum naturâ pinguem saepe gracillimum fecere. Otium contrâ, plenior somnus, animus tranquillus, plenus frequensque cibus, ac potus, gracilem naturâ hominem multâ saepe carne, & interdum adipe oneraverunt. Ergo vera discrimina rerum harum ex ipsis petenda sunt venis, quae si latae sunt, vel in habitu etiam pingui faciliùs missionem sanguinis ferunt: sin tenues sunt, quanquam forsan gracilè corpus est, aegriùs id genus, vacuationis ferunt. Adeò rectè *Cornelium Celsum* dixisse video, vim corporis meliùs ex venis, quàm ex ipsâ hominis specie, aestimari debere. Commodum sese nobis

nobis offert, habitum corporis versantibus, multorum imperitia medicorum, qui, ubi sanguis est emittendus, id habitûs praeceptum adeò non intelligunt, ne dicam, contemnunt, ut sine discrimine per acutae febris insultum, omnibus & mollibus, & firmis, & gracilibus, & obesis intemperanter sanguinem demant. Huic Medentium errori potissimum expofiti sunt *Germani, Britanni, Gallique Belgae*; quoniam hi populi molliori, magisque inflato sunt corporis habitu, quàm vel *Graeci, vel Itali, vel Hispani*. Siquidem his gentibus, quia solidum musculofumque est corpus, ac venarum latarum, profusae etiam vacuationes, ubi ingens urget morbus, non efficiunt. Narrat *Galenus*, nonnullis se *Graecis* sanguinem, ad sex usque libras, magno successu, sine virium afflictione, misisse. Et *Itali* quidem *Hispanique* Medici saepe suis prudenter atque tutò sanguinem, ad duas etiam libras, demunt. Horum exemplum quisquis in nostris imitari corporibus per acutam febrem volet, adeò vires debilitaverit, ut pòst vel morbo succumbant, vel certè, si sanitas redit, ita maneant offensae, ut, complurium curriculo annorum, vix recuperare pristinum statum possint. Vidi equidem nostratum haud parum multos ita vacuatos inconsultâ temeritate Medicorum, alios praematurâ coactâque judicatione labefactatos perisse; alios in hydropem, alios in aliud, atque aliud genus vitiosi habitûs conjectos. Cum synochus invasit, si corporis natura gracilis est, & spissa, & dura, & copiosi

sanguinis (talis ferè est *Italorum*, atque *Hispanorum*) confidenter, ait *Galenus*, sanguinem mittes. At si traginta (inquit) annos is natus est, cui sanguis mittetur, sed laxus, mollisque sit, & pinguis, & albus, ac gracilibus venis, huic aut sanguinem non mittes, aut parum detrahes. Quòd si id tam religiosè in his *Graecis*, vel *Romanis*, qui fortè molles, albique sint, sub temperato cœlo, *Galenus* cavit; quantò majore curâ in nostratitium sic affectis verendum est corporibus, quibus supra hujuscemodi habitum, cœlum quoquè frigidum perpetuaeque propter voracitatem cruditates incommodant, quò minùs ubertim, minùsque licenter exhauriri iis sanguis debeat. Quin nec ipsos etiam vel *Graecos*, vel *Italos*, sub febris quantumvis acutâ, ac gravi, adeò exinanire sanguine licet, quin ejus bona reponi pars ad spatium curationis debeat, idque, ne alere aegrum intempestivè cogamur. Nutrimentum verò omne, quia virium causâ datur, non usquequaque in febribus quaeritur continuis, ut quae breves sunt, & in imbecillum cadere hominem non consueverunt. Itaque ex cibo vel pleniore, vel intempestivo additur ad morbum. Adeò necessum est alterutrum sequi, aut febrem, si nutris, augere, aut vires nimîâ sanguinis missione fractas, si non nutris, dejicere. Commodè vetus ille, me judice, *Hippocrates* scripsit, vatorum in extremum deductas inanitiones periculo esse oportunas. Praestare igitur *Galenus* existimavit, bonam partem sanguinis, qui

qui proprium fit partium nutrimentum, relinquere, paucissimisque sorbitionibus, ac poculis uti, quae, per acutas febres, potius medicamenti vicem, quàm alimenti, gerere debent. Quòd si in his morbis solus superflueret sanguis, sine putredine, sine vasorum obstructione, fas utique esset, quovis in corpore, cujuscunque id habitus, atque naturae fuerit, tantum auferre sanguinis, quantum pro modulo virium liceret. Verum, quia venae sectio proprium remedium obstructionis, atque putredinis non est, servari etiam bona pars sanguinis debet, qui vires foveat, & in expugnationem morbi reliqui armet, atque tutetur. Id profectò fatius est sequi, quàm aegrum, semel omni vi effusum, fortasse praecipitare. Nemo hercle, me propter haec dicta, esse clamet *αιμοφόρον*, & usque adeò malè peritum, ut necessaria morborum remedia contrahere velim, atque extenuare. Equidem modum horum propono legitimum, cujus efficacem auctorem habeo *Galenum*, ipsamque suffragantem cum experientiâ rationem. At enim dicet aliquis, ingentem esse in humano corpore sanguinis vim, sed & sponte naturae quibusdam è naribus, ad tres usque libras, cum ipsum crumpere, nullâ virium calamitate, vel incommodo; itaque licere nobis, per necessitates morborum, arte quoquè naturam imitari. Scribit *Fernelius*, extitisse acutè febricitantem gravidam, cui, die septimo, tantâ copiâ è naribus sanguis promanârat, ut pelvim impleret, exaequaretque libras paulò

minùs quatuor, superstitè matre, servatoque foetu in maturum pariendi tempus vegeto, ac vivo. Porro hæc vera ut sunt, speciemque probabilis adversus nos rationis multam habent, ita nequaquam evertere sententiam nostram possunt. Scire enim licet (id quod ab aliis parum fuisse animadvertum scio) longè magis virium substantiam debilitari atque disperdi, sanguine per grandiore cubiti venam confertim effuso, quàm, longo horarum spatio, ab exilibus narium reclusis venis stillante. Hic enim, haud ita multum spiritus vitalis disperit; illic, grandi vulnerato vase, sanguis ubertim, copiosissimo cum vitæ spiritu, prorumpit. Visi nobis sunt acutè febricitantium nonnulli, quibus cum, morbo incipiente, sanguinem ad octo misissem unicas, protinus animis acciderit defectus, cum tamen progressu morbi, tres sanguinis libras, aut his amplius fundentibus, ne quidem ullus animi languor, non dicam, defectus obreperit. Quis non vidit, reclusis hæmorrhoidibus, aut mensibus foëminarum, per multas etiam septimanas, paulatim promanantem sanguinem? Aut denique ex vulnere aliquo (quod non grandem quidem venam vel arteriam violavit) eum ipsum intemperanter effluxisse, nullâ ortâ deficientis animi, aut syncopes notâ? Quod si iisdem in corporibus, sub acutâ febre, parem sanguinis portionem, imitatione propositæ ductus inanitionis, detrudere aliquis, aporto cubiti magno vase, tentaverit, is profectò, ortâ syncope,

vires

vires hominis, vitamque unà cum morbo tollet. Quò magis constat, frustra id exemplum à multis etiam praecipuis viris arreptum esse, quin contrà potiùs spectari locum, unde sanguis emittitur, oportere, sitve is hujusmodi, per quem minimo tempore multum dissipari sanguinis spiritûsque vitalis possit; ex quo certè loco sanguis periculose eâ mensurâ expromitur, quâ saepe ab extimis corporis locis, per tenues venas, sine noxâ virium, manat. Et ut haec parum, quod inficiamur, sufficiant, id certè vidisse eos oportuit, quod ratione fultum, quotidianâque comprobatum est experientiâ, haud aequè semper naturalem vacuationem, ut ea, quae arte praestatur, viribus officere. Cognoscant haec, expendantque velim omnes, quicunque, magnâ temeritate venerabilem illum vitae thesaurum, sanguinem, praeter modum, praeterque necessitatem, intemperanter profundunt.

Proximum modò est de aetate dicere, *Aetate*, quae si aut puerorum, aut senum est, largam missionem sanguinis respuit: faciliùs eam ipsam mediae sustinent aetates, ut quibus cum virium robore, & corpore benè constituto, sanguis est affluentior. Quanquam autem naturae vires satè valentes pueris sint, ferrèque ob id detractionem posse videantur: quia tamen humido fluxoque corpore continentur, facilè misso sanguine colabuntur, ideoque modicas tantùm vacuationes, urgentibus morbis, tolerant. Senibus autem sua reverà deficit vis, praecipue-

B 4

que

que decrepitis. Proin, ut ii, qui etiamnum sunt ἀμολύγοιτες, id est, qui crudâ, viridique adhuc fenectâ sunt, profusam tantummodo vacuationem respuunt, ita decrepiti, aut nullam, aut certè parcissimam admittunt.

*Ex anni
tempore,*

Porro anni tempus, si verum est, liberalius vacuari sanguinem posse indicat: aestas, hiems, atque autumnus, contractius. Sed quaeri potest: Quodnam ex his temporibus plùs minùsve respondeat detractiōni? *Galenus* parcius emitti sanguinem, autumnō, oportere scripsit, eoque multò minùs, hieme, omnium autem minimùm, aestate. Id praeceptum magno errore nostri secuti sunt, non quidem ullo *Galen*i eâ in re lapsu, sed quòd perperam id ad suos quoquè *Germanos*, vel *Belgas* detorserunt, quod de Graeciae tantùm gentibus, & in earum comprehensis circulo intellectum oportuit. Ea in universum lex statui certa debet: eo semper tempore anni liberalius effundi sanguinem posse, quod maximè ad temperiem accedit. Hoc ipsum enim sanguinem adjicit, & firmiores corporis vires facit. In *Graeciâ* itaque, *Hippocratis* quidem illâ, atque *Galen*i patriâ, quoniam corpora per hiemem, non admodum ibi asperam, moderatè coguntur, sanguinem, atque naturae calorem sat pollentem habent, sic ut tum, sine periculi metu, per acutae febris necessitatem, bona sanguinis pars demi possit. In nostrae verò regionis tractu, per durissimum hiemis gelu, nisi viscera iusto sanguinis modo communiantur,

in

in grave cadent refrigerationis, ac debilitatis periculum. Itaque tum longè parcius sanguinem trahere convenit, quàm si aestas esset, quae nobis satis est tolerabilis, neque ardores aequè molestos, ut hiems algores, exhibet. Certè corpora nostra, cruditati opportuna, commodè excipiuntur ab aestate, quae saepe succos perfectiores, meliusque coctos reddit. Ipsa hiems, tum ambientis nos coeli rigore, tum voracitate hominum, succos antè naturaliter subcrudos, longè efficit crudiores; eique incommodo, qui versus Aquilonem propius incolunt, & orientem solem, magis patent: minùs autem hi populi, qui coeli temperato tractui sunt viciniore. In *Lybiâ* autem minimùm sanguinis aestate demendum, quoniam haec illic torrentissima est, corporaque resolutione maximè debilitat. At mediâ hieme, quae ei loco prorsus temperata est, tantùm sanguinis auferre, respectu temporis, licet, quantum nostris hominibus, medio etiam vere.

Adeò apparet, praeceptum illud temporis *Regione;* perpetuò non esse uniusmodi ad sanguinis praefiniendam mensuram, sed variare maximè situ regionum, prout hac magis minùsve ad exacti temperamenti mediocritatem accessere. Ergo *Scotis, Anglis, Livoniis, Danis, Polonis, Belgis, Germanis*, minùs adimere sanguinis, hieme, quàm aestate, decet; contrà, *Lusitanis, Mauris, Aegyptiis, Palaestinis, Arabibus*, atque *Persis*, plùs hieme, quàm aestate. *Galli autem Celtae, atque Aquitani, Hispani, Itali, atque Graeci*, quia non ita

B 5

duras,

duras, uti nos, experiuntur hiemes, & quidem aestates, etsi non aestuosissimas, paulò tamen ardentiores, majorem semper vacationem eo ferunt tempore, quo firmiora corpora sine periculo sunt refrigerii, quod ipsis est hiems, quàm quo laxata calore affatim diffluunt, quòd aestas est. Post temperatae regionis incolas, nostri certè *Belgae* tolerare utcumque hoc auxilii genus posse videantur, quibus frigora accidunt moderatio-
ra, quae insitum naturae calorem, atque succos intus includunt, minimumque viscera, si mediocriter sanguis trahitur, feriunt.

Cælo,

De cælo illud quoquè, sicut de regione, tenendum. Quod temperatum est, & nullâ vi tempestatum jactatur, largiùs docet licere vacuare; parciùs autem, quod frigidis horret Aquilonibus, vel Austrinis inflammationibus extorretur.

*Vitæ ratione vi-
taeque in-
stituta.*

Aliquid etiam in victûs ratione, atque in vitae instituto est. Athletae omnes, & quicunque indies cibis bonis, ac solidis aluntur, eosque probè concoquunt, liberaliùs emit-tere sanguinem tutò possunt. Contrà, qui parsimoniâ usi, tenuique contenti mensâ, multis sese laboribus, atque sollicitudinibus labefecerunt, his minùs sanguinis fuerit detrahendum. Illud quoque scire convenit, plùs sanguinis ei auferri posse, qui venae sectionem aliàs est expertus, quàm non experto.

*Acuta-
rum fe-
brium
Sympto-
mata,*

Nunc ad symptomata veniam, quae, per acutas exorta febres, largiorem sanguinis mis-
sionem dehortantur; ut sunt, immodica va-
cuatio, distentio nervorum, vehemens cum
vigi-

vigiliâ dolor, animi defectus: & hujusmodi posteriora quidem haec, quia viribus multum incommodant, parcius esse vacuandum docent. Primum autem, quod immodicae fuit inanitionis, symptoma, quia conficit id, quod arte quaeritur nostrâ, meritò vel parcam, vel omnino nullam suscipi debere missionem sanguinis indicat. Ergo etiam si per acutam febrem aliquibus de causis venter nimium fluit, quidam minus esse detrahendum praecipunt. Diligens virium custos Galenus penitus supersedendum esse aliis vacuationibus jubet, ubi alvi profluvium feбри accessit, ipsumque ait per se sufficere, etiam si non sit pro plenitudinis ratione; quotquot autem ita constituti, tanquam majoris egentes inanitionis, sanguinem emiserint, in gravissima eos refert conjici pericula. Porro in aliis vacuationibus, cruentis quidem illis, sic habeto: Si natura confertim aliquid vi atque robore expellit suo, quod morbi prae se materiam ferat, aegrumque levet, ac comoda sequatur copia, non modò non parum detrahere, sed desistere etiam in totum à missione sanguinis licebit, omnemque rem agenti naturae permittere. Exemplum esto: in mensibus foëminarum, in haemorrhoidibus, atque in narium cruentis profluviiis, in quibus si per continuam febrem sic sanguis funditur, ut humor, qui morbum fecit, abunde tollatur, parcendum venarum sectioni est; sin verò parum id sit absolutè atque plenè, quae deficere videbuntur, ea missio utcumque sanguine fas est absolvere.

quae missionem sanguinis dehortantur.

Immodica vacuatio per alvum.

*Per san-
guinis
eruptio-
nem.*

Expo-

Exposuimus hætenus earum observationes rerum, quæ mensuram mittendi sanguinis præfinit, quæque non modò cum præfentes sunt, hanc facultatem indicandi habent: verùm etiam ubi vel antecesserunt, vel imminebunt. Ingens profectò Medici quaeritur solertia, quâ multitudinem, vim, ac dignitatem rerum harum intueatur, atque judicet, ut, quoad fieri potest, ubi sanguis per acutam febrem mittetur, legitimæ mensuræ ipsum veluti punctum attingat. Quòd si evadere eò ingenio hominis non potest, conabitur tamen accedere quàm proximè potest, semperque potiùs quid infrà, cum anceps incidit dubitatio, subsistere, quàm effusiore inanitione vires offendere. Etenim pòst, quidquid fortè defuisse visum erit, pensari aliis vacuationibus, ut alvi ductione, ut sudore, ut urinis, potest. Neque enim plenior cibo (ut fortè quis existimet) in posterum refarciri videatur, quod supra modum vacuando peccatum est. Nam quoniam cibus semper ad morbum addit, & tum quoquè alieno tempore, occupatis admodum in vigentem morbum viribus, datur, non potest quàm plurimum noxæ atque periculorum non inferre.

Minor potius, quàm nimia sanguinis copia auferri debet.



C A P. IV.

*Quo tempore per Febres Continuas sanguis
mitti debeat.*

QUoniam hæ febres, quas modò versamus, in corpus ferè incidunt firmum, atque aliquâ succorum affectum plenitudine, inprimis ea postulare auxilia videntur, quæ copiam humoris, incisâ venâ, demant, ne is intus relictus graviore putredine, atque incendio afficiatur, tùm etiam ut ventilatio, transpiratioque, per ademptam copiam reddita melior, temperiem conservet venarum, incrementâque putredinis, quantum fieri potest, minuat. Quisquis hæc videt, facilè judicat primis quibusque febris temporibus accelerandum id auxilium esse. Non solùm autem materiae causâ, quae febrem facit, id ita fieri debet, sed etiam virium, quae, incipientibus morbis, sunt firmiores, utpote non admodum impares his, quae secundam valetudinem nuperrimè tutabantur. Ferè autem ad id auxilii capeffendum genus aptissimus fuerit dies secundus, aut si quid prohibet, certè tertius. Supra hunc, atque etiam supra quartum, haud aequè vel utiliter, vel tutò sanguis mittitur, cum jam morbus multùm increvit, ac vires consumere, cumque ipsa febris materia concoqui, & separari à benignis succis cœpit : quod naturae institutum permotis confusisque per missionem sanguinis

*Incipiente
febri ma-
turanda
est venae
sectio, ne-
que post
tentanda.*

guinis humoribus labefactatur. Quibus rebus impulsus *Galenus* maturandam esse detractionem sanguinis judicavit, neque eam concocto, consistentique morbo, adhibendam. Haec curandi via per acutas febres semper servanda est, ut, vacuatâ primùm per missum sanguinem plenitudine, quae computruerunt, ubi concocta sunt, alvi ductione, urinis, atque sudationibus expurgentur.

Refellitur contraria Avicennae, ejusque sectatorum in hac re opinio. *Arabs Avicennas*, & qui ejus sunt edocti praeceptis, pessimo exemplo principiis febrim justam detractionem denegaverunt, futilibus his impulsis causis, quòd bilis cum sanguine permissionem (quae illis secundae venae est nota) nisi posterioribus diebus fieri non posse existiment; dein quòd ad sanguinis missionem opus esse concoctione judicent. Hic error, Auctore natus *Avicennâ*, & tot jam saeculis in suos sequaces derivatus, multos mortales neci dedit. Licenter enim ac facilè in vitam hominis gravis morbus saevit, praecipuo ejus auxilio idoneis neglecto temporibus. Ineptit profectò *Arabs*, quòd (cum opportunitatem secundae venae captat) non potius morbi vim, atque robur aegrotantis, quàm bilis cum sanguine mixturem considerat. Ejus ipse judicium mixture in rubrà ponit, crassâque urinâ; itaque, ubi ea quoquè flammea tenuisque mei itur, perquàm religiosè à sectione venae temperat: quasi tum adhuc per se bilis sola subsistat, ac nondum sanguini coërit, quae, illo detracto, veluti suo, uti ait, fraeno, effervesce-

vesceret. Somni potius vicem, quam salutaris praecepti gerit, quod hic Auctor proponit. Apertâ enim venâ, non solus per se sanguis, sed cuncti humores (qui tamen sanguinis nomine continentur) effluunt: id quod in extracto sanguine, ubi vasculis exceptus refrixit, videre est. Quatuor enim distincti visuntur succi, amisso scilicet nativo calore, qui antè in corpore eos inter se mistos temperatosque tenebat. Jam verò, si continuas febris materia in venis insidet, quid hercle prohibet, quò minùs, his incisis, effluat etiam cum sanguine is humor, qui in eo quoquè ipso inest, & morbum creat? Æquè penè absurdum est, quod praeparare concoctione sanguinem, antequam mittit, is Auctor velit. Siquidem, amplâ cubiti divisâ, uti decet, venâ, nunquam ita crassus est sanguis, quin protinus effluat. Scio *Galenum*, in magnâ venarum cruditate, priusquam sanguinem omnino mittat, concoctionem moliri solere incipientium usu medicamentorum. Verùm ea res nihil nos quidem offendit, quoniam is corporis status viribus caret, quarum occasione unicarum, non autem sanguinis crassitie detractio procrastinatur. Itaque eandem curandi viam hìc sequitur *Galenus*, quam in iis servavit, qui propter imbecillitatem modicis, iteratisque detractio- nibus egent. Scilicet, pauculo emissio sanguine, moram interponit, mediisque temporibus, incidenti usus medicamento, rursus venam incidit, vel ipso eodem interdum die, vel postero; atque hinc similibus ma-
terilis

teriis concoctionem molitus, iterum quid de sanguine demit. Constat autem, hujus curationis, infirmis aptae viribus, exemplum ad acutissimam febrem cum fervidi sanguinis plenitudine, ac virium pollente robore deflecti non posse; quoniam subito hîc, ac semel inanire convenit, id quod, & vires ferunt, & vehemens exigit morbus. Quò turpius idem erravit *Avicennas*, cum sic de *Syncho* scripsit: In febre autem sanguineâ minuere, inquit, oportet per principia, non tamen superflue: at post copiose, cum affuerit febris maturatio. Falsus opinor *Arabs* praecepto *Galen*i fuit, quod libro scribitur de curandi ratione per sanguinis missionem. Praestat, inquit, nisi quid urget, priore missione minus detrahere, iterumque eam repetere, immo, si libet, & tertio. Atque id parum animadversum est, quod scribitur, *nisi quid urget*: urget verò multò maxime ad acceleranda, ac protinus complenda remedia febris acuta. Quin etiam sui esse videtur oblitus *Avicennas*, qui aliàs praecepit, partitionem quidem mittendi sanguinis optatiorem esse, nisi sit quod necessariam faciat festinationem. At verò *Galenus*, dum sic dividit detractionem, quantum ex praegressâ patet oratione, de praecautione loquitur earum aegritudinum, quae quotannis solent recurrere, itemque ad impetum sanguinis alicunde fluentis aversione compescendum. Id certè artis est praeceptum: In Revulsione, per incisionem venae petitâ, quantò quis majorem in numerum particu-
lares

lares auxerit detractiões, tantò eam fecerit efficaciorẽ. Miror profectò, *Avicennam* ea parum vidisse, quae pòst paulò apud *Galenum* sequuntur: Ubi fervescentis inest sanguinis plenitudo, acutissimam accendens febrem, subitò inquit, ac semel evacuare expedit: eamque inanire plenitudinem tentandum, vel ad animi usque defectum, virium tantùm consulto robore. Id verò ideo faciundum is Auctor censet, ut ne servidus humor in princeps membrum irruat. Sanguinem potiùs turbat, quàm demit, putredinemque, & incendium exauget, quisquis hìc diminutè vacuat. Quod incommodum sensit quidem ipse saepe aliàs *Avicennas*, at parum intellexit. Cum alicui, inquit, sanguis mittitur, cui succorum multa est in corpore redundantia, sectio venae causà sit ebullitionis istorum succorum, eosque permiscet, quare frequens ei necessaria incisio est. Apparet certè id ipsi imputatum sectioni ab hoc Viro fuisse, quod tribui diminuto ejus usui debuerat. Haec ista, ut meritò dicuntur in *Avicennam* erroris Auctorem: ita, si is culpà vacat, iniquè. Aliqua esse ejus rei videri possit conjectura. Nam etsi is libro Canonum suorum primo, perperam sic praecepit: In febre autem sanguineâ necesse est, ut evacuatio fiat minutione non superfluâ, in principio; & superfluâ, cum affuerit maturatio febris; ita contrà libro quarto verissimè dixit, Intentio in curatione febris sanguinis est evacuatio plurimi usque ad Syncopen; & pòst, Evacuationum autem

alia hæud aequè commoda est, atque venae sectio in brachio, quâcumque etiam horâ fiat, & non expectatur vel Crisis, vel materiae concoctio. Et ne cesses, inquit, sanguinem emittere, donec aeger prope animi sit defectionem, aut eo jam ipso sit defecto. Quid quaeso, his locis, qui ambo unâ de febre, unâque de missione sanguinis scribuntur, pugnantiùs? Servari *Avicennae* praeceptum posset, quo scribitur, primùm parcè vacuandum, dein maturescente morbo, liberaliùs, si hoc de *purgante* medicamine, illud de leniente intellectum velis; verùm id ita non posse intelligi, penitusque Auctorem de venae locutum fuisse sectione antecedens, sequensque demonstrat oratio. Erit itaque id, ceu plenum erroris, periculique, rejiciendum placitum. Ac semper, ubi ingens febris afficit, & vires ferunt, sanguis semel per initia mittendus, ne copia, protinus non adempta, maximis putrefactionibus, atque febricitationibus materiam suppeditet. Quod intuitus periculum incomparabilis ille *Galenus* diligenter praecepit, in Synocho, ardentissimâque febre, primis initiis, sanguinem ad animi usque defectum esse detrahendum. Scilicet tum onere humorum levata corporis vis agilior fit, promptiorque ad residui morbi depulsionem, quae posterioribus diebus, quum venae sectio inutilis est, futura laboriosa est.

Quare etiam in reprehensionem haud levem quidam nostrae aetatis Medici incurrun, qui etsi initio semel rectè sanguinem miserint, tamen cum, increcente jam morbo,

*Periculosa
est in fe-
bris statui
venae sec-
tionis re-
petitio.*

bo, ac paene consistente, ingravescere symptomata cernunt, eorum territi saevitiâ, urinaeque, si Diis placet, impulsî rubedine, iterum secare venam tum incipiunt, *octavo*, vel *nono*, vel *decimo* die. Quidam adeò sunt effraenatae temeritatis, ut vel *undecimo* febris continuæ die, vel *duodecimo*, vel *decimo tertio*, sub gravissimis vigoris symptomatis, naturâque maximè afflictâ, sanguinis missionem repetant. Sanguinaria mehercle, capita, quae unâ cum atrocissimo morbo valetudinem hominis junctis viribus oppugnant. Primùm enim in eo, quod maximè absurdum est, falluntur, cum secundae venae necessitatem ex vehementiâ symptomatum metiuntur. Scilicet his ipsis afflictas vires novâ debilitant inanitione, intentamque morbo naturam interturbant. Quòd si *Galenus*, per acutae febris provectiora incrementa, in eo etiam homine, cui primis temporibus sanguis missus non fuit, non quidem hunc mittit, sed in frigidae solo poculo reliquum praesidium ponit; quâ, quæso, ipsi confidentiâ, cum initio semel sanguinem traxerint, iterum juxta statum trahere audebunt? Quàm verò parum vident *Hippocratis* praeceptum, quo summa quies, abstinentiaque momentaneorum remediorum, vigentibus jam morbis, imperatur. Scilicet tum omnia sunt maxima: ipsi febris ardores, sitis, inquietudines, vigiliae, deliria, sopores, & hujusmodi, quae sic naturam fatigant, ut si alia vis, turbatiove imprudentiâ Medentis accesserit, haud difficil-

limè ea sit morbo succubitura. Accedit aliud incommodum in humore peccante longè maximum, quod à nemine puto fuisse animadversum. Scilicet, cum putris humor jam paene totius vi naturae concoctus, separatque est, turbatis missione sanguinis succis venarum, cum benigno permiscetur, totumque naturae subvertitur institutum. Profectò sic se res omnis habet. Ut primùm nata ex humoribus putrefactis febris est continua; valens, sui que nunquam oblita muneris natura, corruptum humorem magnâ vi aggreditur, alterans eum ipsum, edomans, concoquens, atque à sincero separans, ut hoc scilicet conservato, illum, qui contra se est, pellat. Nihil enim rectè natura, quod spatio temporis antè non separaverit, excernit. Priusquam in hoc admodum incumbere opus cœpit, quae materia venis superest, ea primis temporibus, sectâ venâ, demenda est. Sic enim faciliùs atque citiùs natura, quod reliquum est, vincet. Hoc remedii genere per initia administrato, posterioribus inde temporibus, cum invadere humorem putrem natura jam diu cœpit, summa postulatur quies, omnisque refugienda succorum agitatio, quâ, turbari concoctionis, atque separationis opus possit. Itaque etiam per haec tempora, secundis venae sectionibus fas non est corpus laceffere. Quinetiam, si evincendo, & ad statum concoctionibus promovendo morbo, paene confecta natura fuit, quî quæso sustineri eadem possit, cum primis labefactata separationis

labo-

laboribus, novos, eosque praelongos aggredi cogitur. Vidi ego permultos ita intemperativè vacuatos, ingenti spiritûs exortâ difficultate, gravique delirio, & post hoc ipsum sopore, novissimum vitae diem clausisse. Perturbationis, confussionisque humorum incommodum leve est primis acutae febris *quatuor* diebus; cum nondum admodum profecit concoctione natura, neque symptomatis exercita multum fuit. Itaque *Cornelius* etiam *Celsus*, ut primos morbi quatuor dies sanguinis missioni idoneos, ita posteriores esse inutiles scripsit; sic ut detractio imbecillum corpus facere possit, non possit integrum. Nostrae quoque aetatis rarum decus, *Joannes Fernelius*, antiquorum secutus vestigia, judicavit; ubi in morbis visuntur manifestae concoctionis notae, non amplius venae sectione, sed purgatione, aliisque praesidiis reliquam curationem esse transigendam, nisi, quod interdum fit, cruditatis signa denuo se prodant. At *Galenus*, inquit, in mittendo sanguine ipsas vires, non numerum spectari dierum oportere scripsit; adeò ut & sexto febris die, vel septimo, vel octavo, sanguinem miserit. Ejus praecepti locus esse potest in febribus intermittentibus, naturâ diuturnioribus, in quibus & lentae sunt concoctiones, & lentae vires efficiuntur, ut his de causis differri venae sectio in paulò longiora spatia tutò possit. Potest & de Syncho non putridâ id praeceptum videri intellectum, quoniam de eâ ipsâ febre *Galenus* eo loco differit. Nimirum curatio

hujus, utpote ferventis sanguinis secutae copiam, ac putredine carentis, perficitur; cum misso sanguine tollitur plenitudo, & refrigerantibus materiis ferventes succi temperantur. Ut autem nulla hîc subest putredo, sic nulla quoquè requiritur materiae concoctio, nullâque est eximia virium afflictio. Itaque quovis die mitti sanguis potest. At in putridâ, eâdemque continuâ feбри, habenda ratio virium, est atque concoctionis, quae, posterioribus hujus morbi temporibus, venae sectionem, uti nuper docui, averfantur. Quòd si quae Synochus, quatuor diebus non putrida, neglectâ inanitione, fiat putrida, etiam sanguis mitti poterit quarto post coeptam putredinem die, qui tum numeratur octavus ab ortâ primùm febre. Adeò verò id firmum est, in continuâ feбри, ex quo tempore putredo esse coepit, nunquam tutò supra quartum diem venam secari; idque non modò virium causâ, quae tum fiunt symptomatum insultu infirmiores, sed etiam materiae, quae, procedente tempore, multùm concoqui coepta, atque separari, novâ sanguinis fusione turbatur, permisceturque. At dicet aliquis, purgantium medicamentorum potiones, provectioribus febris incrementis fas esse dari; ideoque tum etiam mitti sanguinem posse; ut quae res multò minùs, quàm medicamentum turbet corpus, atque humores permoveat. Verùm, ô bone, non miscet humores hâc turbatione medicamentum, sed coctos separatosque extrahit, ac naturae juvat institutum; venae verò sectio, quia

quia omnem pariter sanguinem , non humorem solum peccantem fundit , parum ejus , quod contra naturam est , emittit , separatumque excrementum benignioribus cum succis fusione miscet. Id quoquè nobis obijci à quopiam possit. Si iterari sanguinis missionem interdum *Galenus* voluit , cum imbecillae vires unicam , eamque plenam non ferunt : cur id quoquè nobis non imitari liceat , cum vires ferunt ; siquidem , minore harum incommodo , pluribus diebus saepius sanguis trahitur , quàm protinus semel effunditur ? Atqui hoc ipsum , ut in sanis hominibus , & in longis naturâ morbis locum habet , ita in acutè febricitantibus non habet , ut qui profusas per initia postulant detractiones. Quòd si in his quoquè vires (quod rarò fit) parum respondent , arripienda quidem vacationis partitio , at non in plures dividenda est dies. Scilicet eodem die fieri ea debet , aliàs unicâ , aliàs duabus interpositis horis , medioque tempore refici aeger alimento potest. Jam autem ne id quidem etiam in continuis febribus imitatione dignum est , quod *Galenus* in multos dies partitionem rejicit , cum humor pertinaciùs insedit , ut in viscerum scilicet interiorum tumoribus. Nempe dispar omnino est ratio vacationis inter aegritudines , quarum materia per universi corporis diffusa est venas , ut in assiduis accidit febribus , & inter eas , quarum humor extra venas lapsus partem corporis aliquam pertinaciùs occupavit. In acutâ quidem febre , morbo certè

universali, priusquam ardores, atque putredines invalescant, sanguinem per initia demere convenit; idque universè, atque confertim, saepe ad animi usque, si vires ferunt, defectum. Subitò enim corpus in alium demutari statum postulat. Quòd si quis, initio febris hujus, aliquid detraxerit sanguinis, ac duobus, tribusve pòst diebus, iterum tantundem detrahat, is profectò, ùt nullâ id facit necessitate, ita parum commodat, & tracto in spatium morbo, nocet. Contrà autem, in partium morbis, ac praesertim inflammationibus, quoniam humor extra venas est, ac fixiùs insidet, id genus iteratae vacuationis haud inutile est. Nam hoc intervallo parti impactus humor remigrat in venas, secundâque tum sectione utiliter extrahitur. Ea iteratio, ubi inflammationes urgent internae, primis fieri debet diebus tribus, in aliis autem tumoribus inflammatione carentibus, posterioribus saepius diebus. Sic, in curando lienis scirrhus, *Galenus* majore intervallo repetendam venae sectionem docet. Id imitari studere in acutâ feбри, nil nisi hominem esset extinguere. Ergo etiam *Avicennas*, ubi de curatione loquitur febrium putridarum, exitiosam sententiam protulit, maximè si hanc de continuis quoquè febribus voluit intellectam. Et consilium quidem, ait, meum in venae sectione est, ut quantum fieri potest, ea omittatur; si verò fieri non potest, auctae sectionis vices praestant semel ademptae copiae. Adeò verò jam nunc constare ex iis, quae

quae diximus, potest, semper maturandam per acutarum febrium initia sanguinis missionem esse, rarò partiendam (ubi nimirum tenuiores id postulant vires) nunquam in posteriora morbi rejiciendam tempora. Quo magis dolenda, ne dicam detestanda, est complurium caecitas Medicorum, qui neque commissum haec in re cognoscere errorem, neque, eo cognito, tutiorem curandi viam, sequi sustinent. Vidi ego haud parum multos ita temere ab aliis Medicis habitos periisse, quorum exitium multis mihi antè diebus licuit praesagire, tùm vehementis morbi, viriumque non usquequaque valentium intuitu, tùm ex malè conciliatâ hâc, atque alienis temporibus usurpatâ, sanguinis missione. Scio equidem, per febres accidere interdum, vel negligentîâ aegrotantium, vel timiditate, aliisve de causis, ut ne ante decimum quidem quartum diem, immo ne ad vicesimum sanguis sit missus; qui tamen tum mitti utiliter possit; siquidem plenitudinis, atque cruditatis morbi signa immorentur, ac simul ipsae etiam permittant vires, neque vetustate aegritudinis sint collapsae. Verùm scire licet, haec intelligi non posse de morbis prorsum acutis, tantâque symptomatum, tamquam fluctuum, agitatione continenter afflicta, utpote quorum velocior est & concoctio, & resolutio. Neque enim extremè gravem morbum sustinere diu natura potest, quin huic vel succumbat, vel dominetur. Quò fit, ut differre hîc missionem sanguinis periculosum sit. At in iis febribus

continuis, quae vicesimum fortè diem, aut eò superiorem attingunt, utique pituitosae, vel melancholicae, ut neque celeres sunt concoctiones, neque symptomata (quibus certè vires offenduntur) aequè atrocia, ita & tardior venae incisio carere periculo memorabili potest. Eaque differendi auxilii licentia longè est in his febribus major, quae intermittunt, & in multam ex naturâ incidunt vetustatem; cujusmodi est quotidiana, & quartana. Eò spectare id *Avicennae* potest, utilem die etiam quadragesimo venae sectionem esse. Id certè ubique perpetuum est, quod suprà etiam proposui, non numero dierum hanc vacationem primùm, ac per se prohiberi, sed quòd longiore spatio temporis, vel concocta sit morbi materia, vel vis aegrotantis resoluta.

Quaedam tamen res sunt, quae sanguinis missionem in principio Febris remorari debent; ac primùm cibi cruditas. Porro hæcenus quanquam satè superque demonstratum sit, venae sectionem incipientibus his morbis protinus destinari; res tamen quaedam sunt, quibus nisi antè consultis, atque provisus, neque commodè, neque tutò sanguis mittitur. Ex illarum numero cruditas est cibi nuper sumpti, neque penitus adhuc in ventriculo confecti, maxime, si simul etiam alvus excrementis impedita est. Nimirum si tum vena secaretur, facile crudi aliquid ex ventriculo, vel sordidum quid, atque putre ab alvi oïeto in venas traheretur, vacui sequelâ inanitas, atque indigentes. Quod incommodum eò fuerit majus, quòd profusior adhibetur vacuatio. Itaque gravissimum in ipsâ fuerit Sy-

Syncho, in quâ sanguis ad deficientem quoquè animum mitti debet. Ergo etiam rectè Veteres, tùm in hâc febre, quae tamen acceleratam postulat hujus opem vacationis, tùm in quâvis aliâ continuâ, tantisper hujus auxilii usum distulerunt, donec & cibus intus concoctus, & venter suâ esset saburrâ exoneratus. Id si sponte naturae non fit, morâ atque quiete juvanda epularum est concoctio, & alvus clystere, vel glande, aut si haec aeger recusat, cassiâ, mannâ, decocto prunorum, similibusque lenientibus, per os sumptis, solvenda.

Praeter hanc cruditatem, quae sola ab *Deinde*, Antiquis ante secandam venam animadversa *impurus* castigataque fuit, in febribus potissimum ac- *in Ventri-* tis, quae improbis detractionibus gaudent, *culo hu-* quaedam etiam alia observari par est, ita *mor.* missionem sanguinis remorancia, ut praetere-
 rre tamen eadem subinde fas sit, si contin-
 nae febris urgens necessitas cunctationem
 respuit. Quanquam optatissimum sit, ea-
 dem quoquè ante sectionem videre, atque
 tollere, si qualemcunque pati moram mor-
 bus potest. Ergo impurus aliquis humor,
 bilis referens naturam, si in ventriculo, aut
 in affidentibus ei venis continetur, utiliter
 ante sectionem blandiore extrahitur medica-
 mento, ita ut putrem id tantummodo ma-
 teriam venarum exigat primarum, sine vi,
 sine corporis, sanguinisque exagitatione. Ad
 eam rem (me iudice) facit duarum plùs mi-
 nùs drachmarum macerati rhabarbari, dilu-
 tum in prunorum decocti juris, aquaeve
 hordea-

hordeaceae unciis tribus & semis : additâ diacatholici semunciâ, serapiique ex multis rosae macerationibus unciâ. Si pituita quoque bili mescetur, agarici, atque rhabbari, singulorum plûs minûs drachma maceratur; ac reliqua, quae modò pro poculi formâ composui, miscentur. Quòd si humor, communibus contentus ductibus, sursum ad stomachum vergit, eliciendus vomitione est, aquâ tepidâ serapio acetoso mistâ, & ad duas potui datâ libras. Post haec, micâ panis, punici mali imbutâ succo, reficiendus stomachus, corpusque aliquantisper in quiete habendum, ac tum protinus vena tundenda est. Haec curatio, cùm aliàs semper, si fieri licet, tùm eo potissimum tempore servanda est, quo flava bilis (quae taedia atque incommoda, praecipuè si quis jejunos est, exhibet graviora) ventriculum occupavit. Jam etiam tum periculose sanguis mittitur, cum stomachus (quem os dico ventriculi) nimium est vel sentiens, vel imbecillus. Tanti refert hoc vitium ante sectionem venae sustulisse, ut, ni id sit factum, saepe grave inde periculum, atque ipsa quandoquè mors, auctore *Avicennâ*, sequantur.

*Maximè
verò Stomachi
vel
nimius
sensus, vel
imbecillitas.*

*De Horâ
sanguini
mittendo
maximè
idoneâ:
eâque est
illa, in*

Proximum nunc est, horam praescribere, ipsumque temporis articulum, quo rectè mitti sanguis possit. In quâ re delinqui indies à multis video imperitissimis hominibus, quibus tempus pomeridianum, atque nocturnum adeò est formidabile, ut, etsi mitescere tum maximè febris videatur, malint


lint tamen matutinum arripere, quanquam gravissimâ (ut interdum incidit) febricitatione molestum. Alii, sinistro territi aspectu astorum, occasionem salutaris remedii in aliena morbi tempora periculose réjiciunt. Res autem sic se habet. Astra quidem haud parvi judico facienda, verum potiora his esse censeo momenta aegritudinum, quibus exigentibus, suo quaeque tempore reperienda, expediendâque sunt remedia. Quaecunque itaque febris totius est hora mitissima, ea maximè accommodata venae sectioni est. In ipso febris vehementis impetu sanguinem mittere, hominem, inquit *Celsus*, jugulare est. Ergo etiam vespere, ipsâque intempestâ nocte, si remittere maximè febris deprehendetur, ac manè atrocissimè affligere, huic certè tempori illud anteferendum est. Matutinum enim hoc ipso pejus est, quòd cum naturâ levius esse debeat, morbi vitio non sit. Ea observatio in iis febribus utilis est continuis, quae per tertium quemque diem ingravescent, itemque in quotidianis, ac quartanis continuis; in quibus, quia gravior exacerbatio non in idem semper incidit diei tempus, variè secare venam oportet, modò manè, modò ipso meridie, saepe vespere, & altissimâ etiam (quod interdum fieri necesse est) nocte.

*quâ Fe-
bris ma-
xima est
remissio.*

*Ubi nulla,
vel par est
remissio,
matuti-
num tem-
pus eligen-
dum est.*

Quòd si in his febribus bis uno in die, manè scilicet, ac meridie, vel vespere, vel etiam noctu, par incidit remissio; aut si Synochus sit putrida, quae idem robur accessionis, donec solvatur, retinet; vel conti-

nenter declinando, vel semper increſcendo movetur: tum proſectò tempus eſt arripiendum matutinum, ut quod ante omnia aegrotis mite, atque tranquillum eſt. Temperiem enim meliorem, ac ſanguinem ſolis exortu vegetum, ipſoque diei lumine fuſum, ſerenum, ac fluxui opportunum exhibet. Quò autem commoditas ſit ea cumulatior, non ſtatim experrectis aperienda eſt vena, ſed horam unam, & item alteram vigilibus. Simul etiam tum alvi excrementa, atque veſicae, uti ſuperioribus locis praecepi, antè vacuari neceſſe eſt, maximè, ſi profuſior ſectura eſt detractio. Matutino autem tempore, ſi ad benignitatem ſpectas, vespertinum ſuccedit. Ipſe meridies ſuo aeſtu, intempeſta nox ambientis cœli rigore, minùs tutum id genus remedii reddunt.



C A P. V.

Quae Vena per Febres Continuas ſecanda ſit, quidque inter Sectionem, & poſt agendum.

*Sectioni
Cubiti ve-
na maxi-
mè oppor-
tuna eſt.*

DA T A jam nunc mittendi ſanguinis opportunitate, videndum erit, quae maximè ſecari debeat vena. Quoniam febris aſſidua ferè in corpus incidit plenum, ac bene habitum, profuſamque ac celerem detractioem poſtulat, unde mox & copia demi humorum, & reſrigeſcere aſſatim corpus, mutarique in alium ſtatum poſſit, vi-
detur

detur profectò omnium esse commodissima ad hanc rem incisa dextri cubiti interna vena, ut quae directo tramite ex jecore, tanquam scatebrâ, atque origine sanguinis propagatur. Quòd si ea parum in conspectum datur, tundenda erit media. Plexum autem cubiti arripere, non manum oportet, quoniam hìc ut sunt venae angustiores, illic admodum latae, & trunco corporis propiores, accidit, ut in cubiti flexurâ missus sanguis, celeriter atque impensè (id quod in hujusmodi febribus apprimè requiritur) corpora tùm vacuet, tùm alteret, supra manum contrà tardiùs, ac minùs. Quò magis rejicienda sit quorundam immoderata timiditas, qui, sub acuto morbo, grandiore cubiti venam ferire detrectant, jecorariae supra manum venae incisione contenti. Quos timidior animus, aut innata quaedam proprietates, aut afflictae vires, vitiumve stomachi proclives ad animi defectum, vel ad eo gravioresyncopen reddunt, iis tutiùs vena manùs inciditur, aliis rectiùs ex cubiti vase sanguis mittitur. Insulsè admodum *Avicennas*, si venam in cubito ferire non licet, eam praecipit secandam, quae in fronte est. Siquidem humores copiâ lascivientes, putredinèque fervidos, ac mobiles, versùs partem trahit principem, metumque eâ curatione insaniae, quam *ῥεγνῖτις* vocant, facit. Haec verò vena capiti vacuando, non toti corpori inservit. Quapropter *Galenus* ejus incidendae usum ad capitis commendat gravitates, & ad ejus inveteratos ex plenitudine dolores.

res. Caeterum praevacuum esse, inquit, universum corpus oportet.

Cautiones quaedam adversus animi defectum; ejusque prae notiones, & remedia. Porro in acutâ febrî, quae affluentiorè latura est inanitionem, quò minùs anima deficiat, rectè *Avicenna* praecepit, supinum cubare aegrum oportere: nam is corporis fitus vires hominis minùs lassat, quàm si vel is ipse staret, vel sederet, quâ in re opus est connixu virium animalium majore. Sed & ipsa intestina, atque viscera, quoniam stanti, altèque sedenti pendent ex praecordiis, vitalem, ac naturalem vim molestant, promptumque animi reddunt defectum, utique, si plaga etiam venae largior inflicta est. Talis enim plùs spiritùs vitalis fundit, strictior minùs. Si animi in proximo est defectio (quod coloris, ac pulsûs mutatione, itemque oscitatione, pandiculatione, aurium tinnitu, oculorum caligine, ac fluentis sanguinis labascente impetu deprehenditur) laxato protinus vinculo, pressâque pollice venâ, detrahère cessandum est, ne, vel pro animi deliquio, mors occupet, id quod *Galenus* tribus accidisse Medicis, quos ipse noverat, refert; vel certè, ne noxam, vix multis recuperabilem annis, vires incurrant. Simul etiam tum resupinus aeger ad sese revocari, frigidâ in os sparsâ, & extremis tùm convulsis, tùm perfrectis debet, ac dein vini, aut aromatum odore, itemque mali punici succo, aut capi juscule refici.

Quid agendum sit, post sanguinis missionem.

Jam verò postquam sanguis pro viribus, ac pro febris magnitudine est emissus, quies corporis imperanda est, per quam amissi spiri-

spiritus, ipsâque hominis vis recreentur; id quod felicius quoquè per decubitum fiet supinum, cunctis visceribus in spinam dorfi suaviter reclinatis, eâque sitûs aequabilitate plûs sibi caloris, ac spiritûs mutuò imper-tientibus. Ea verò quies citra somnum esto, nisi tamen improba, multûmque profusa antecesserit detractio, quae vires impensius labefecit. Sub quo casu *Galenus*, dato primum facili cibo, aegrotis somnum indulfit. Facilis cibus ptisanae est cremor, aut pulli jusculum. Sed tempestivum modò videatur, quoniam de febricitantis inanitione per sanguinis missionem satis supérque dictum est, ut de sustentatione virium agamus, quae sic semper habendae, tractandaeque sunt, ut ne proposito genere vacationis, aliisve necessariis curationibus, sed & ne vel ipsius quoquè morbi saevitiâ collabantur. Sustinentur vires commodis cibis ac poculis, de quibus in genere quaedam proposui dicere, simulque hinc quae ea ipsa administrandi debeat esse lex, atque ratio, per morbi principium, quod jam versamus, adjicere.



C A P. VI.

Quae Victûs ratio in genere Februum Continuarum servanda sit.

HAUD levis cura victûs, cùm aliis in morbis, tùm praecipuè in acutis febribus

Optimum medicamentum est opportunè cibus datus. bribus esse debet; quae, si ita ut aequum est, adhibetur, magna aegris affert commoda, si negligitur, maximis eos sollicitat incommodis. Ciborum, inquit *Galenus*, coctioni magnopere prospicere in omni febre oportet; quoniam ea, si in ventriculo, vel in jecore improspera est, febres intendit, ac succi vitio exacerbat. Quàm verò commodè id à *Celso* de febricitantibus dictum est? Optimum medicamentum est opportunè cibus datus. Quò magis stuporem admiror quorundam, magnum sibi medendi usum vindicantium, qui hanc curationis partem adeò parvi faciunt, vel, quod magis credam, ignorant, ut tum nutrant, cum exitio est alimentum; tum fame pugnent, cum vita aegrotantis unico sita in oblato cibo est. Quare operae pretium facturus videor, si primùm in genere omnem victûs rationem proponam, febribus idoneam acutis; scilicet, cujus is esse debeat materiae, itemque qualitatis, quâ dein mensurâ, quo tempore, atque modo sumi. Quâ in re, doctis hominibus, ac legitimum cibandi usum cognoscere volentibus spero me satîs esse facturum.

Victûs partitio in diversa genera. Ergo *Hippocrates*, primus atque exactissimus diaetae praeceptor, victum partitur in crassum & in tenuem. Sub hoc ea sunt, quae vel sorbentur, vel bibuntur; sub illo, quae comeduntur. Crassum longis destinat morbis, tenuem acutis. Verùm, ut morborum acutorum par neque vis, neque duratio est omnium, ita alia, atque alia in iis forma

forma tenuis victûs esse debet. Commodè itaque idem Auctôr victum hunc proposuit, modò tenuem, modò exactè tenuem, modò supremè tenuem. Triplicem alimenti materiam tribus his tenuis diaetae generibus *Hippocrates* in eo volumine, quod de victu composuit morborum acutorum, aptavit: Totam ptisanam, cremorem ptisanæ, & aquae mulsæ potum. Tota ptisana, quæ nimirum omnem hordei substantiam habet, vicem crassæ sorbitionis gerit, victumque constituit tenuem. Ptisanæ cremor, sive succus percolatus, tenuis sorbitio est, & victum refert exactè tenuem. Mulsam verò victum summè tenuem *Hippocrates* dixit, *Galenus* absolutam quoquè cibi, ac potionis abstinentiam.

Ut igitur probè constet, quod genus victûs tenuis singulis conveniat febribus acutis, scire licet, rationem atque scopum totius rei propositæ, uti hîc, ita aliis quoquè in morbis à virium peti robore, non præsentium modò, sed & futurarum. Itaque etiam videre, quantum summus distet morbi vigor, convenit. Pro eo enim spatio, variè vires afficiuntur. Harum ipsarum causâ unicarum, alimentum aegrotis datur, non item morbi, qui non modò non indicat, exigitve cibum, sed semper dehortatur. Quare tum præcipuè necesse est aegris cibo subvenire, cum vires sunt imbecillæ; tum rursus abstinentiâ pugnare, cum febris, symptomatum magnitudine atque atrociâ, maximè affligat vires non admodum infirmas. Rectè sic loquitur

*In Victu instituen-
do, spe-
ctandum
est præci-
puè vi-
rium ro-
bur.*

in *Aphorismis Hippocrates*: Quum morbus est peracutus, extremos protinus labores habet, summéque tenui victu est utendum. Item de viribus paulò pòst; Sed & ex aegro, inquit, conjecturam facere oportet, num is cum praescripto duret victu ad morbi usque vigorem, àne priùs deficiat, imparque cum tali victu priùs succumbat, quàm cedat morbus, atque obtundatur. Scire verò licet, si vehemens febris, vehemensque simul virium est imbecillitas, potiolem esse virium, quàm morbi dignitatem, ciboque facili aegrotis tum esse succurendum. Quod & ipsum lego factitasse *Hippocratem*, qui interdum, in acutae febris vigore, ubi alicujus interventu symptomatis vis hominis insigniter periclitaretur, confidenter cibum dedit. Id verò nobis quoquè sequendum est, maximè, si effusa aliqua corporis incidit inanitio, quae, interposito tempore, metum asferre certum possit. Tales sunt quibusdam in febribus malignis inexhausti sudores. Tale per liquefactivas febres assiduum est alvi profluvium, vires, consumpto corpore, resolvens. Non rarò etiam, per febrium judicationes, sanguis è naribus tanto impetu, tantâque copiâ fertur, ut exitii periculo vitam exponat. Atque vera haec, & discriminis plena (cui supra curationem symptomatis, cibo quoquè succurrendum) virium est imbecillitas, non itidem ea, quae morbi secuta acumen, nequaquam autem corporis inanitionem, imbecillitatis speciem falsam praebet. Ejus rei ignoratio multum erroris inter cu-

ran-

randum nonnullis exhibet: qui cum, sub ipsas febrium judicationes, torqueri aegros dolore, inquietudine, siti, atque vigiliâ cernunt, viribus quasi in sese infirmis opem, si Diis placet, laturi, magno periculo cibum offerunt, qui cibus quia non concoquitur, addit ad morbum, & impetum symptomatum adauget. Atque ita de virium affectione statuendum est.

De vigoris etiam distantia diligenter videndum, ut idoneum victus genus instituat. Sicut enim iter confecturus aliquis, prout longum id, aut breve est, viaticum sufficiens comparat, quo sustineri vires ad proficiscendi finem possint, ita corpus quoque aegrotantis variè, pro spatio morbi, ne vis concidat, alendum est. Eaque observatio non modò in alimenti materia, sed in quantitate etiam locum habet. Scilicet quò vigor latius abest, eò magis, ac plenius alendus homo est, quò propinquior, eò minus crassè, atque contractius.

Sunt autem conjecturae haud infidae, quibus praenosci tempus futuri vigoris potest. Ipsum nempe febris genus (quod ejus quoque comprehendit materiam, atque motum) & quae febri post accedunt symptomata, concoctionis item celeritas, vel tarditas, atque anni tempus. Ergo febris ardens *Καυσώδης* Graecè dicta, quam sincera bilis, aestivis horis, excitavit; itemque Synochus putrida, ubi protinus velociter moventur, molestissimisque symptomatis, & praecipuè ingenti inquietudine aegrum laceffunt, prae-

Et quantum distet morbi vigor.

Quomodo cognosci possit futuri vigoris tempus.

cipitante jam tum etiam materiae concoctio-
 ne, ut plurimum, *quarto* die, solvuntur,
 maximè, si apparere concoctio, *primo* die,
 cœpit. Jam autem, si multa quidem deest
 inquietudo, perseverant tamen ardores, cum
 vigiliâ, ac capitis dolore, si ipsa quoque
 concoctio primum *quarto* visa est die, ex-
 pectari morbi finis *Graecis* atque *Italîs*, die
septimo, nostratibus *nono* potest. At hæc fe-
 bres continuæ, quatum alter semper quie-
 tior dies symptomata exhibet mitiora, ferè
undecimo die (si *quarto* cœpta evidenter con-
 coctio est) ad vigorem, & ad judicationem
 perveniunt. Sed & si, inclinato febris im-
 petu, quietiori die symptomata gravia in-
 termittunt, ut plurimum, die judicantur *de-*
cimo quarto, qui terminus est morborum
 verè acutorum. Quamquam non desunt in-
 terdum acutæ febres, quæ ad *viceſimum*,
 immo ad ipsum etiam *quadragessimum* perve-
 niant, in quibus longè semper liberalior in-
 stituetur victûs ratio. Praetenuis enim ci-
 bus, tanto morbi spatio, vires non sustinet.
 Utut autem continuæ febres cadant in ve-
 tuſtatem, nulla tamen harum est, quæ non
 magnam *quarto decimo* mutationem, ad sa-
 lutem, vel mortem, aut certè ad melius,
 vel pejus experiatur. Refert *Galenus*, nul-
 lum unquam morbum, qui quidem ab ini-
 tio vehementer moveretur, eum ipsum diem
 sine aliquâ mutationum harum transiſſe.
 Loquor hæc *Hippocratis* causâ, qui acutos
 morbos diebus *quatuordecim* finiri scripsit.
 Siquidem fieri poſſe *Galenus* exiſtimavit, ut
 acuta

acuta febris *quarto supra decimum* die, ad melius, aut ad pejus judicetur, apud *viceſimum* autem, aut *quadageſimum* ad ſalutem, aut in exitium deſinat. Sub hujusmodi caſu, rectum inſtituendi victûs conſilium eſt, durante continuæ febris impetu, cibum offerre acutis accommodum morbis, miteſcente autem poſt decimum quartum diem ægitudine, duobus eodem in victu diebus perſiſtere tenui, atque hinc paulatim ad pleniorẽ tranſire.

Explicatis jam abunde victûs ſcopis, proponendum eſt quod genus alimenti, quâque id menſurâ, prout quæque febres durant, offerri debeat. Quidam antiquos ſecuti Medicinæ Auctores ſic præcipiunt: Si febris continua primo *quatrIduo* ceſſatura eſt, viribus in denſo corpore ſatîs firmis, utilem omnimodam abſtinentiam cibi ac potionis eſſe, id quod ultimum eſſe contendunt tenuiſſimi victûs, aut certè ſola, ſi quid vires laborent, licere dari pocula. Ubi *ſeptimo* die fiet judicatio, locum in eâ febris habere tenuem ſorbitionem, hoc eſt, ptifanæ cremorem. Nec inidoneam hanc quoquẽ eſſe, ſi *undecimo* febris ſolvetur, niſi, virium cauſâ ſuſtinentarum, craſſam aeger ſorbitionem, totam ſcilicet ptifanam requirat. Sin autem in *decimum quartum* diem rejicietur morbi finis, craſſâ ſorbitione eſſe utendum. Verùm hæc cibandi præcepta, ut *Graecis*, atque *Italîs* conducunt, ita Septentrionalibus gentibus, ceu multum aliàs edacibus, ac facpius uberiùſque eſſe ſolitis, ad imitationem

Victûs præcepta in febribus, quoad ciborum genus, ac menſuram.

sunt inutilia. Quis enim acutè febricitantem nostratem tutò sub quatridianâ cibi portionisque continuerit abstinentiâ, aut septem dies nutritionis cassum unicis reficere poculis, sine virium jacturâ, atque periculo, possit? Omitto calumniam vulgi, qui fame fictique enectum hominem, non morbo superatum, si mori eum contingit, clamat, ingenti Medentium dedecore. Et ut quàm fortissimè populi contemnamus voces, artem saepe iniquè culpantis, ratio tamen monet, ipsèque docet *Hippocrates*, praetenuem nimisque severam victûs rationem esse inutilem, ac periculo opportunam. Errata enim, si quae aegrotantis culpâ, vel Medentis fiunt, molestius feruntur ab homine propter immodicam debilitato inedia. Id si suis in *Graecis Hippocrates* servari praeceptum voluit, multò magis nos sequi in nostratibus aequum est, quos ad paulò pleniorē victum ipsa quoquē natura, cœlum, atque consuetudo cohortantur. Illud certè ubique videndum est, ne aeger, vel supervacuâ materiâ oneretur, vel multam imbecillitatem fame contrahat. Ergo etiam, me iudice, ubi *Graeci* inedia imperant, nos pocula damus; pro illorum poculis, nos sorbitiones; ac pro his, etiam ea, quae comedantur, indulgemus. Tanti est consuetudo, hominumque natura. Id sic scriptum apud *Hippocratem* invenio: Conjicere, inquit, oportet, & robur, & modum cujusque morbi, itemque hominis naturam, & aegri in victu consuetudinem, non tantum in cibis, verum etiam in poculis.

lis. Idem aliàs sic: Quod etiam semel, aut bis, & plùs, minùsve, & minutatim alere conveniat, spectandum est; dandum verò aliquid tempori, regioni, aetati, & consuetudini. Scire tamen licet nimios nos esse non oportere in nostratibus alendis, ceu quibus propter voracitatem, atque crassae materiae alimenta; cruditas ferè adest semper aliqua, quae tempestivâ inediâ, incipientibus potissimùm febribus, corrigi tutò potest. Id opinor censisse *Celsum*, cum principia scriberet morborum famem sitimque desiderare.

Diximus haftenus de genere, ac mensurâ *Quales ciborum*, qui continuis utiles sunt febribus; *bi febribus* adeoque proximum est qualitatem adjicere, *utiles sint.* quam haud dubiè decet esse humidam, ac refrigerantem. Victus, ait *Hippocrates*, humidus febricitantibus confert. Scilicet cum febris omnis calida, siccâque sit affectio, & idcirco frigidum postulet, humidumque victum, multò quidem maximè id ipsum fiet in continuis, quas modò versamus, febribus, quarum non modò summi cum ariditate calores sunt, verùm etiam assidui. Humidus quoquè victus sicco citiùs concoquitur, ut qui faciliùs liquatur, ac distribuitur. *Trallianus*, Auctor *Graecus*, in his febribus victum commendavit, qui pariter, citra omnem excalfactionem, extenuandi (multam enim, crassamque ait hìc esse materiam) nullas inspissandi, sed humectandi quoquè vires obtineat. Cibus, inquit *Celsus*, febricitantibus humidus est aptissimus, aut hu-


mori certè quàm proximus, utique ex materiâ quàm levissimâ, maximèque sorbitio: eâque, in magnis febribus, esse debet tenuissima.

Quodnam tempus sit sumendo cibo opportunum. Nunc, quando cibus dari debeat, proponam. Quae hora febricitationis mitissima est, quoniam corpus exhibet magis integrum, eâ ali homo debet. Illud certè consilium aptissimum est, cibum quàm maximè semper ab impetu accessionis reducere, & dare corpori, quantum fieri licet, integerrimo. Itaque in continuâ tertianâ, cum alter dies sit remissior, alter atrocior, rectè cibus remissione datur. Idem in quartanâ facere, duobus diebus mediis, licet, nisi orta imbecillitas, gravioris quoque accessionis die, cibum desideret. In quotidianâ autem continuâ, ubi febris remisit, alendum est. Quòd si Synochus sit putrida, quae pari semper impetu afficit, aut paulatim vel increfcit, vel decedit, commodum aliquod diei tempus legendum est. Id *Celsus* esse dixit mediam noctem, finito jam, inquit, gravissimo tempore vespertino, quo ferè pessimi sunt, qui aegrotant, eodemque longissimè distante: secuturis verò horis antelucanis, quibus omnes ferè maximè dormiunt, deinde matutino tempore, quod naturâ suâ levissimum est. Verùm hic non usquequaque *Celso* possum acquiescere; primum, quia somni, qui per noctem est proclivior, commoditas impeditur, dein, quia consuetudo nostrorum hominum, quae certè hâc in re multum potest, hujusmodi cibationi

tioni repugnat. Ergo primae potius lucis arripitur (me iudice) tempus, nam tum, quia magis quiescunt aegri, cibum melior somnus excipit,isque cibus facilius reliquo manet, quod sequitur benignissimum, concoquitur. Haec cibandi praecepta ita servanda sunt, ut nullo tamen non tempore, is qui deficit, sit sustinendus. Illud verò prudenter, ut multa alia, *Celsus* monuit. Cum pleni semper spei atque securitatis aegri esse debeant, ut corpore tantum, non etiam animo aegrotent, tum tales maximè à sumto cibo esse oportere. Itaque si quae incidunt, quae animi eorum essent exasperatura, neque cessari vel possunt, vel debent, ea certè, non nisi post cibum, atque somnum, experrectis esse exponenda.

Porro, in cibi sumendi modo, quaedam *Modus cibi* etiam quaeri possunt. Ac primum, variusne *bi sumendi* in acutè febricitantibus is esse debeat, an *quis* verò simplex. Varietas quidem, ut appetentiam invitat, ita deteriore exhibet *esse debeat.* concoctionem. Quinetiam plus sumere aegros, quàm par est, facit, ideoque minùs etiam concoquere. Quare nusquam ei locus esse potest, quàm ubi ingens est fastidium, neque sat vires valent. Scilicet, paulum ex singulis degustando, has aeger tuetur. At si neque respuit penitus cibum homo, neque pessimè fert, nullà epularum diversitate sollicitandus est. Simplex enim materiae genus magis intra modum sumitur, melioresque succos concoctum adjicit. Illud quoque de cibandi vicibus, quod ad sumendi ali-

alimenti pertinet modum, adjiciam. Ferè quidem, ubi vires sunt, à primo die præcipuè nostratibus, semel quotidie dandus cibus est. Ac bis etiam, si imbecillitas timeri cœpit. Quod si eò res rediit, ut penitus venae conciderint, visque hominis multùm infirma sit, eodem saepius die parum offerendum, arreptis febris temporibus magis pacatis, nimirum, ut eâ semper horâ minus cibi detur, quâ, si per corpus liceret, omnino nihil daretur.



C A P. VII.

Genera quaedam, itemque formae Alimentorum, quae acutè Febricitantibus dari possunt.

QUoniam satîs modò supérque de generali victu febrium continuarum dictum est, commodum videatur in eorum gratiam, qui medendi usum quaerunt, aliquot ciborum, qui dari febricitantibus utiliter solent, formulas, tanquam exempla, proponere. In quorum numero Ptisana hordeaceae, atque ejus cremor facilè primas tenent, ob eximias facultates morbis conducibiles acutis, quas *Hippocrates* diligenter intuitus litteris mandavit. Ptisana, inquit, frumentaceis eduliis rectè praelata esse videtur, in hisce acutis morbis, eosque qui eam praeferunt, laudo. Nam viscositas ipsius levis, continua, jucunda, lubrica, & medio-

mediocriter humens, sitim minimè infert; &, si quid ablutione indiget, probè abluit; non astringit; non malè turbat; neque in ventre intumescit, nam inter coquendum, quantum maximè potuit, intumuit. Quaecunque ad acutorum morborum sanationem Ptisanæ infunt bona, nulli, inquit *Galenus*, alteri inesse comperies. Primum enim humectat, atque refrigerat, ac mediocriter absterget, quae facultates in curatione febrium harum maximè conducunt. Viscida ea, simulque levis, ac continua est, asperitudinis expers, quae acrium est, & acidorum, & astringentium. Magni verò est, jucundam Ptisanam, ac gustu pergratam sumentibus esse: quoniam eò faciliùs, & concoquitur, & per corpus distribuitur. Quòd si paulò deteriores cibos, vel potus, suaviores tamen, melioribus quidem, at minùs gratis, ipse praetulit *Hippocrates*, quidni Ptisanam summopere probemus, quae suprà quàm, quòd salubris est, suavitatis etiam adepta est praerogativam. Jam verò, etsi viscosa esse cernitur, lubrica tamen est, nequaquam vel haerens in itinere, vel obstruens, quod commodum soli Ptisanæ, prae cæteris viscidis, peculiare est. Id autem vis ejus abstergens facit, quae facilem ubique transitum praestat, & primas venas infartu liberat excrementorum. Quae facultas nostris est apprime utilis hominibus, ceu aliquo ferè semper cruditatis, vel obstructionis vitio, in primâ regione corporis, affectis. Atque, hâc de causâ, si quid abluì in ventre debet, probè

probè Ptisana abluir, nullamque sortita est astrictionem, quae febrientibus (nisi propter effusae symptoma vacuationis periculum incumbat) inimicissima est. Ad haec, humectationem quidem habet, at moderatam, quâ sitim arcet, quaeque humiditas stomachum, si permulta esset, subverteret, quali certè vitio Ptisana caret. Itaque ne turbare quidem, vel intumescere, dum in ventre concoquitur, potest. Longiore enim supra ignem decoctione, quantum maximè potuit, intumuit.

*Ptisanae
praeparatio.*

Ptisana sic a multis paratur; Sumunt hordei selectissimi, extimo exuti cortice, quantum videtur satîs. Id tantisper cum aquâ coquant, donec jus pulticulae tenuis repraesentet speciem. Post haec in pilâ tundunt, & tenui incerniculo percolant, additoque zaccharo, hordeaceam componunt, exhibentque Ptisanam. *Galenus* hordeum in aquâ, dum coquitur, quàm plurimùm dicit intumescere debere, posteaque lento igne per multum otium in lentorem redigi.

*Ptisanae
cremor.*


Ptisana autem colata, quam etiam Ptisanæ cremorem vocant, fit, cum tantisper hordeum coquitur, donec hujus flavescen-tem quendam accipiat colorem aqua, hinc ab igne tollitur decoctum, & interpositâ aliquantâ morâ, percolatur, inditoque zaccharo, fit sorbitio Ptisanæ colatae, aegrisque, cum opus est, datur.

Hordeacea Ptisana impensius alit, quam ejus cremor; quare hîc magis vicem medicamenti, illa magis nutrimenti gerit. Re-
frige-

PRINCIPIUM

frigerantiorē reddere licet, additis melo-
num, cucumeris, cucurbitae, & cuculi se-
minibus.

Caeterū haud rarò, propter im-
becillitatem, ad plenioris, quàm haec ipsa quaedam
sunt, materiae alimenta transeundum est in vitulum
septentrionalibus utique populis, qui vora imbecilli-
tati, crassaeque materiae cibus insueverunt. tate, ali-
Ergo etiam carnes interdum sunt conceden-
dae, sed volatiliū, non item quadrupe-
dum, nisi ad hœdum, & ad vitulum per-
venire necesse sit. Inter aves acutè febrici-
tantibus aptas, firmissimae materiae sunt ca-
pi, hinc gallinae, mox phasiani, post per-
dices. Singulaeque aves sui sequuntur ordine
substantiaeque conditione pulli. Perdicum
autem pullis succedunt, aviculae montanae,
atque campestres, quae in arboribus, non
in aquis degunt, quaeque colli, ac rostri
sunt, quàm minimè longi. Cocta haec ge-
nera alimentorum cum succo apparantur,
sumunturque mali punici, aurantii, citrii,
limonii, & huiusmodi. Frequentiùs, ac
rectiùs ex his coctis, & suo cum jure con-
tusis ac percolatis nutritoriae fiunt sorbitio-
nes, hoc modo. Decoquitur pullus gallina-
ceus, vel capus tantisper ex aquâ, donec
musculi discedant ab ossibus. Tum capus,
pullusve tunditur, huicque affunditur saepius
paulatim decocti jusculum, pinguedine re-
motâ, ac sic per incerniculum manibus, aut
cochleari, musculos conterendo, fit perco-
latio, atque tum, adjecto zaccharo, aquae-
que rosaceae momento, componitur sorbi-
tio,



tio, vel, ut vulgò dicunt, contusum tenuis consistentie, vel, crassioris, prout lubitum erit, certam decocti juris partem, dum terendo fit percolatio, affundere. Porrò saepe haud incommodè hujusmodi forbiunculam, additis quibusdam rebus, alterantem, ac medicinalem reddimus. Id fit, vel unà coctis primis siccis, itemque feminibus frigidis majoribus, ad haec lactucâ, cichorio, endiviâ, buglossò, hordeo, & hujusmodi. Vel cum post concoctionem, atque percolationem ipsi contuso quidam adduntur refrigerantes succi, ut limoniorum, aurantiorum, citriorum, ipsa item aqua rosacea, vel cardui, uti vocant, benedicti. Hujusmodi certè cibandi genus continuis in febribus semper efficacissimum sensi, cum ad hominis sustentandas vires, tum ad ardores mitigandos.

Cum tanta est inappetentia, ut nihil horum admittat aeger, concreti ex decocto jure carnum commemoratarum liquores fiunt, additis fantalis, coralliis, pauculoque vino aquoso, & aquâ rosaceâ, & zaccharo, & cinnamomi momento. Grati hi succi palato, cum sumuntur, liquescunt, & sic in ventriculum facilè, multâque descendunt jucunditate.


Inter firmioris materiae alimenta panis bis terve in aquâ lotus, & cum jure pulli, vel capi mistus acutè febricitantibus datur. Saepe apud nos cum tenui cervisiâ tritus, panis leniter decoquitur, fitque forbiuncula, addito zaccharo, ac pauculo butyro.

Alia

Alia fit nutritoria sorbitio, ex fontis, & fucci uvarum immaturarum partibus aequalibus, quibus ovi luteum commiscetur, hinc simul coquuntur, inditoque zaccharo, aegris & sorbendum dantur.

Amygdalatum, atque hordeatum, uti vocant, saepe locum in his febribus habent, maximèque sub noctem, somni quoque causâ conciliandi, qui si minùs commodè venit, semina etiam adduntur lactucae, melonum, cucumeris, cucurbitae, & albi, cum ita necesse est, papaveris. Tum quoque cœnae vicem lactuca cocta, sumtâque cum aceto, ac butyro, gerit.

Marcipanes omnes ex contusis volatilium facti carnibus, atque amygdalis, fugiendi sunt. Nam & nimis crassae praebent materiae alimentum, & difficilem admittunt concoctionem.



C A P. VIII.

De Potionibus acutè Febricitantium.

ÆQUE magna potionum, per febres *Ægris*
 continuas, atque ciborum, habenda *magis in-*
 cura est. Nam hos ferè aegri averfantur, *dulgen-*
 ac inviti sumunt, illas toto expetunt animo. *dum est in*
 Quae sanè causa est, cur liberalior in his, *potioni-*
 quàm in illis concedendis, Medicus esse de- *bus,*
 beat. Quod eò magis fieri potest, quòd ex *quàm in*
 sumto cibo semper aliquid ad calores, & ad *cibis.*
 E morbi


morbi accedat materiam : ideoque cibum morbus omnis, sui ratione, numquam non recusat. Ex potione autem refrigerante, mitescit ardor febrilis, corrigitur siccitas, materiaeque ebullientis refraenatur impetus. Ergo etiam supra haec commoda, sicuti sani molestius sitim, quàm famem ferunt, ita multò difficilius aegri, maximèque acutè febricitantes, quibus cum morbo perit appetentia, crescit sitis: ideoque plùs in potione indulgeri, quàm in cibo potest. Quinetiam faciliùs cibus concoquuntur pocula, celerius reficiunt, ac minùs naturam infirmam gravant. Verùm modus adhiberi aliquis debet, ne nimio humore, qui febricitantibus est alienus, eoque praefrigido, cruditas morbi in spatium trahatur, minor materiae accedat alteratio, separatioque, quam hìc improprie concoctionem appellamus. Caeterùm primo acutae febris die nullus humor rectè datur, nisi protinus ita viribus imbecillus homo sit, ut cibus quoquè debeat dari. Posterioribus temporibus, cum incendia, fites, atque ariditates invalescunt, ipsàque virium crescit imbecillitas, plus dare, quod bibatur, licet. Quâ in re falli multos etiam peritos Medicos constat, qui aegro propter ardentissimam acutae febris exusto flammam, liquorem, quantumvis avidissimè petenti, ac per omnia sacra postulanti denegant. Itaque fit, ut eliquescentis nativus humor dejectionibus, urinisque ubertim efferatur, & arefactis solidis, simulque, superato naturae calore, homo pereat. Ego verò his ipsis sic affectis frigidissi-

diffimam potionem dare soleo, utique si materiae multa accessit concoctio; eâque re, tùm siccum ardorem tempero, naturamque reficio, tùm materiam morbi, si parata excretioni est, sudationibus, alvo, aut vomitu excutio. Neque verò hìc observandum, quod in febrium intermittantium accessione est; quâ immorante, quantùm fieri potest, praecidendus est omnis humor, abstinendique etiam aegri sunt, quanquam vehementer sitiant, ac monendi, ubi febris quieverit, sitim quoquè quieturam, longioremque ex potione fore accessionem; ita celerius, ut ille ait, desinere sitire eum, qui non bibit. Extenuatione enim opus est multâ, ut quod, à materiâ antecedente febrium intermittantium admodum impactâ putrefactum, discedere debet, discedat, excludaturque, quam extenuationem multus humor remoratur. In continuis verò febribus, materia in venis continenter manens, gravi incendio, atque assiduo corpus urit, quod nisi, opportunis temporibus, refrigerio poculorum reficitur, periculo sit obnoxium. Ut hoc apprimè verum sit, in intermittentibus febribus, magis causam, hoc est, materiam peccantem spectari oportere; in continuis, magis morbum, calorem scilicet febrilem; in utrisque, neutrum esse negligendum.

Porro, quod ad opportunitatem dandae attinet potionis, scire licet, ea huic idonea esse tempora, quae cibo sunt, si sine hoc illa interdum dari debet. Sub somnum humor apprimè est conducibilis. Quietem enim

*Quaenam
potiones,
& quando
febricitantibus
dari debeant.*

fitis interpellat. Potiones acutè febricitantium hae ferme sunt omnes : Decoctum jus hordei, aqua cum zaccharo cocta, ac refrigerata. Zulapium violaceum, tenuissima cervisia, crudus fons. Eo fonte, non nisi post concoctionem, & magnâ semel copiâ, uti licet, veluti suo loco post docebitur. Aliis, quovis morbi tempore, est locus. Quaecunque pocula mellita sunt, quia calefaciunt, ac promptè bilescunt, inimica sunt. Vinum, quoniam calet, semper est fugiendum, nisi cum praecipua virium est imbecillitas, consentiente consuetudine, simulque admodum appetente homine, indulgeatur, idque paucum, dilutum, ac minimè potens. Idem semper tolerabilius, sed & interdum necessarium in declinatione est. Haftenus in genere dixi, quae edulia, poculâque his febribus conducant; posthac, quae cuique morbi temporis victus ratio sit utilis, proponam.



C A P. IX.

*Quae Victus ratio Principio Febris acutae
conveniens sit.*

In principio febris, **I**Mbecillae vires alimentum solae desiderant : morbus, copia humorum, cruditas, symptomata, respuunt. Ea res superioribus locis satis demonstrata est. Itaque principio febrium continuarum alienus esse
aeger. cibus


cibus videtur, partim, quia corporis ferè adest quaedam repletio, quae detractiorem, non adjectionem postulat; partim, quia febris materia est cruda, in quam satius est naturam agere, quàm in oblatum cibum. Quin etiam eadem natura, isthoc ipso tempore, minùs affligitur, tùm, quia haud plurimùm ab eo abest robore, quod secundam valetudinem nuperrimè tutabatur: quare non admodum etiam cibo opus habet. Id profectò sensisse *Celsum* existimo, cum initia scriberet morborum famem sitimque desiderare. Ergo etiam, si primâ septimanâ resolutum iri morbum verisimile est, nec vires desunt, primis diebus duobus, continentiſsimè aeger habendus est, oblatis poculis, aut certè tenuissimâ sorbitione Ptisanæ colatae, aut pulli juscule. Quòd si ad undecimum diem febris durabit, primis diebus itidem duobus, parcendum quoquè utcumque cibo, ac dein ad praetenue pulli contusum, Ptisanamque hordeaceam, quàm minimae participem crassitudinis. Vel si decimus quartus dies excipiet febris finem, ad pulli mediocri contusum, totamque Ptisanam consistentiae mediocri paulatim est transeundum; semperque, si supra haec tempora febricitare homo perget, eâdem ciborum, atque durationis morbi proportionem utendum. Id sic expressit *Hippocrates*. Quibus vigor statim est futurus, tenuiter statim habere oportet; quibus autem posterius, & ipso tempore vigoris, & paulò sub ipsum cibum adimendus, antea verò plenius alendum,

ut aegrotus perferre queat. Neque autem (quod fortè quis existimet) nobis refragatur, tenuissimum victum initio febris impetantibus, *Hippocrates*, qui per principia plenius esse alendum praecepit. Nam latè is Auctor principium accipiens, sub ipso habet, includitque incremento. Scilicet nulla, eo in *Aphorismo*, incrementis aegritudinis facta est mentio, sed principium contra statum distinguitur. Id aliàs saepe usui venit *Hippocrati*, ut secundo libro *Aphorismorum*: Incipientibus, inquit, morbis, si quid movendum videtur, move; vigentibus autem quiescere multò praestat. Et post, Circa initia, & finem morborum remissiora sunt omnia, in vigore, vehementiora. *Galenus* quoque ad *Glauconem*: In febribus, inquit, continuis, quibus vigor septimum non excedet diem, viribus firmis, neque aetate repugnante, exquisitus omnino, ac tenuis victus instituendus est. In quibus autem febribus, *septimum* diem status superabit, aut homo imbecillus est, per initia, inquit, liberalius, sub ipsum statum parcius, in ipso tenuissimè alere necesse est. Ipse etiam *Avicennas*, si carere reprehensione volet, omnino sic accipere principium febris debuit, quum ita loquitur: Dignius liberalioris victus tempus est, quo vires non admodum occupantur in materiâ: estque id morbi principium. Et, dignius tenuissimi victus tempus, est status: hîc enim, in evincendâ materiâ quàm maximè natura occupatur. Ergo id modò perpetuum praeceptum esto:

ut

ut in incremento liberalius, ita semper in principio contractius alendum esse. Quin etiam vel iuxta semper convenire principio videatur, plenitudinis intuitu, ac virium non imbecillium, ni faceret nimis repentina victus in incremento permutatio, cui incremento liberior diacta conducit, ut sic firmatae vires vigorem, qui abstinenciam exigit, sustineant. Jam autem, incipiente morbo, famem passus homo, ne crescente, noxam liberalioris mensae, subito arreptae, incurrat, tum ne si hanc noxam effugere studens, crescentemque morbo tenuiter victitare incipiens, intempestive circa statum propter defectas vires, principio quidem febris nequaquam, incremento autem, iusto tenuius altas, cibari cogatur: praestiterit utique protinus, incipiente morbo, contractius alere incipere, victumque paulatim ad incrementum pleniorum facere; hinc vero rursus, quod magis ad statum acceditur, minuere, ipsoque in statu, & paulo ante eum penitus subtrahere. Scire autem licet, haud semper, à primo statim die, cibandum tenuiter aegrotum esse, sed prout febres sunt, atque corpora, administrari, ac variare ea res debet. Quae febris plus virium aufert, in ea celerius cibus dandus est, itemque in eo coelo, quod magis corpora resolvit. Maturiùs etiam puero, quam juveni: aestate, quam hieme: in summâ, citius imbecillo corpori, quam solido, firmiter dari debet. Atque hic finis, modusque esto de victu dicendi, qui primum in genere febrium acu-

tarum, ac dein, qui in earum principio locum habet: proximumque adeò nunc est, de concoctione dicere materiae, quae febrem facit.



C A P. X.

*Quomodo Materia Februm Continuarum
concoquenda sit.*

Concoctionis significationes diversae: & de quâ hic agitur. **D**Uplex est concoctionis apud Medicos acceptio. Prima eorum est, quae facultate partium solidarum, atque caloris naturalis alterantur, & in idoneum vertuntur corporis alimentum. Eam concoctionem solus admittet sanguis, qui nos alit, & quicquid aptum est, ut in sanguinem verti possit. Alterum concoctionis genus, quod improprium est, atque universalius, in humoribus versatur praeter naturam affectis, ac morbofis, quum hi caloris innati viribus ita alterantur, vincunturque, ut (maligni cum sint, neque ullo modo salutare fieri queant) mox à benignis separentur, ac vacuationi reddantur opportuni. Estque profectò ea concoctio nihil aliud, quàm materiae febrilis praeparatoria ad commodam purgationem alteratio; scilicet, cum natura, uti *Galenus* dicit, causis morborum fortior facta fuerit, eviceritque eas suo robore. Itaque ab eâ quoque concoctione, quodammodo ad primum genus referendâ, differt, quae

in materiâ fit haud prorsus inutili, sed in vitiosâ, ac semicorruptâ, quae postquam commodè fuerit correctâ, intus manet, estque corpori, multâ sui parte, non inutilis. Quamquam in eo haec à primo concoctionis diffidet genere, quòd non in benigno penitus humore fiat, naturaeque familiari, ac pergrato; dein quòd nulla hîc, aut saltem modica fiat substantiae immutatio. Est enim interdum incipiens quaedam corruptio, atque mutatio humorum haud insignis, quae correctionem accipit, ac pristinae naturae benignitatem. Quod etiam *Galenus* vini exemplo declarat. Id enim si subacidum redditum est, redire ad naturam potest, si prorsus acetum sit, non potest. In hâc verò concoctione, *Galenus* temperamentum fieri debere humorum, quod ἐπίκρασις vocatur, praecipit, oblato uberiore alimento, sic ut nova materia misceatur corruptae. Cibus contrâ averfatur is humor, qui penitus est corruptus (nam impura corpora quantò magis ales, tantò magis laedes) ac praeparari ad commodam purgationem debet: estque ea, quàm secundo loco proposuimus, concoctio.

Praeparatoriam autem alterationem istam in humore crasso, vel tenaci apud omnes in confesso est incidendo, atque abstergendo perfici. At in bile flavâ major dubitatio, majorque curantium dissensio est. Alii hanc extenuantibus, iisdemque acribus incidendum censent, serapiumque exhibent acetosum compositum, *Galenum*, uti videtur,

*De modo
conco-
quendae
bilis di-
versae
opiniones.*

secuti : qui primo libro *Aphorismorum*, origano, tragorigano, atque hyssopo aquae mulsae incoctis, priusquam materiam acutorum purget morborum, utitur. Sunt qui contrariam sequantur viam, incrassandam esse bilem professi, quóque minùs diffuat, inductâ spissitudine, cogendam. Quidam neutrum accipiunt istorum, ac bilem, utpote per se tenuem, ita uti est, sine ullâ praeparatione, purgationibus opportunam esse contendunt. Adeò variè, hucusque de re tanti momenti inter eruditos, in certo aegrotantium discrimine, certatur.

*Authoris
in hac re
sententia.*

Quid verò ego hìc sentiam, proponam; ac pòst opiniones aliorum refellam. Quoniam cujusque humoris morbofi concoctio, uti proposui, nihil aliud est, quàm quaedam praeparatio ad commodam, atque tutam purgationem, latè atque universaliùs accepto concoctionis significato, videndum utique est, quidnam id sit, quod, in quâque materiâ, hanc vacuationem vel removeretur, vel faciat periculofam. Id verò tollere studere, concoctionem juvare, atque promoverè est. In melancholico itaque humore, crassities, in pituitoso lentor, in bilioso neutrum admodum horum, sed quidam ardoris fervor, dum febris ex eo est assidua, faciunt, quò hìc minùs tutò, illic minùs commodè purgatio instituatur. Ergo crassum humorem extenuare, lentum tergere, utrumque incìdere, ne tentati medicamentis impingant, minimèque sequantur, oportet; ipsius autem biliosi humoris incendium

dium atque furorem refrigerio temperare, ne si sine hoc purgetur, internis visceribus exitialem noxam inferat. Ad hunc modum praeparatis humoribus natura faciliùs dominatur, alterando eos, & vincendo, & separando, & ad utilem instituendo inanitionem. Cum itaque per febres tertianas continuas, adeoque per ardentes flava bilis in grandioribus venis, ac cordi propinquis computrescit, magnisque peruritur ardoribus, nemo profectò hanc ita flammeam unquam tutò movit, quin periculum proclive attulerit nasciturae in viscere praecipuo inflammationis, aut torminum (quae *Graeci δυσεντερίας* vocant) aut insaniae. Scilicet concitatur humor immaturus, minimèque totus sequitur, quoniam nec dum separatus, aptatusque ad vacuationem est. Siquidem incendio atque fervoris impetu etiamnum indomitus, ac naturae rebellis est. Hujusmodi permotus incommodis *Hippocrates*, simulque purgantium calore medicamentorum in morbis dixit acutis (quorum ferè materiam flava exhibet bilis) & in principiis rarò purgare licere. Ergo etiam nos rectissimè priùs biliosum humorem quàm ducimus, ita quibusdam frigidis materiis temperamus, ut, qui primùm calore fervens corpus turbabat, refrigerio mitescens, ac velut edomitus, naturae manus det, ut sic tutò, sine febris incremento, sine metu inflammationis, expurgetur. Sed ne commodum subinde amittamus extenuationis, quae certè, cùm ad faciliorem purgationem,

tum

tum ad meatuum, quibus humor ducetur, apertionem est utilis, rectè eas adhibemus materias, quae simul refrigerent, simul extenuationem, levemque praestent abstersionem astrictione carentem. Id quod ab ipso quoque praeceptum video *Avicennâ*. Cum in his, inquit, febribus refrigeras, ne id per eas res agas, in quibus astrictio inest, atque siccitas, unde prohiberi materiae resolutionem contingit. Utiliter itaque nobis sumuntur radices boraginis, buglossi, cichorii, endiviae, itemque hordeum, ac semina refrigerantia, quae dicunt majora & minora: quae omnia, pro partium varietate, non unis praedita viribus, cum refrigeratione abstergunt, modicèque attenuant. Incoquuntur haec aquae, postque decocti juscule adduntur serapia, ex endivia, ex cichorio, è succo citreorum, vel limoniorum, ipsumque ante omnia serapium acetosum: ex quibus conficiuntur quae vocant *Graeci ἀποζέματα*, id est, decocta, aegrisque bis per diem bibenda dantur. Miscentur etiam utiliter cum serapiis, loco decoctorum, stillatitii ex iisdem simplicibus liquores, fiuntque, uti vocant, Zulapia. Verum meminisse convenit, decoctis plus inesse facultatis, praesertim abstergentis, distillatis autem aquis unicam obtigisse refrigerandi vim, abstergendi nullam, aut certè perexiguam. Ex his, quae comprehensa sunt, omnibus pocula fiunt limpida, quae promptè in venas proficiscuntur, exaestuantemque ibi bilem refrigerio temperant, &, ne quid ea nimii

craf-

crassamenti (quod & ad separationem sui, & ad purgationem inutile est) vel horum usu frigidorum, vel suâ ipsius tostione contrahat, extenuatione, terfionéque prae-cavent.

Quò magis ab *Arabe* deficio *Avicennâ*, *Refellitur*
 qui crudum fontem sufficere ad bilem concoquendam censet, quique parum intelligit, *Avicennas*, qui
 refrigerare quidem aquam posse, extenuare *Aquâ frigidâ*
 autem humorem, aut meatus, quibus is effertur, tergere, ac patefacere non posse. *bi-*
 Quin etiam haeret ea ipsa diu in ventriculo, *lem conco-*
 ut affirmat *Hippocrates*, neque urinas, neque qui vult,
 diffilationem, quae per cutim fit, promovet; ad haec in calidis corporibus bilefcit,
 ac sitim movet. Sed & ipse sese contradictione confundit *Avicennas*, qui aliàs rectiùs
 dixit, metum esse in aquâ frigidâ, ne inferat obstructionem meatuum. Neque verò
 nobis refragatur *Galenus*, cum duo esse ait continuae febris praecipua remedia: Sanguinis missionem, & frigidae poculum. Eo enim loco frigidam is auctor imperat, sub ipsam morbi judicationem, concoctâ jam tum febris materiâ: eamque vult non nisi semel magnis haustibus esse bibendam: unde mox pulso foras calore febrili, effusissimus insequitur sudor, vomitiove, vel alvi fluxio biliosa, ipséque his intervenientibus protinus resolvitur morbus. At verò *Avicennas* toto morbi decursu crudum praescribit fontem, non causâ promovendae judicationis, sed materiam febris concoquendi; id quod magno fieri errore demonstratum est.

Nunc

Refelluntur alii, qui idem calidis materiis moluntur.

Nunc iis respondendum, qui contrariam viam secuti, hyssopo, origano, similibusque rebus concoquere bilem student. Hi autem ideo falluntur, quòd humorem & naturâ, & putrefactione calidum, materiis calidis extorreat, quémque fructum, extenuatâ affectant bile, eum, nimis eâ exardescente, corrumpant. Itaque hinc febres ingravescent, vigiliaeque, & dolores, & siccitates, & inquietudines, caeteraque symptomata comitantur graviora, ex quibus & ipsa quoque aegroti vis consumitur, principiâque maximorum dantur periculorum. Nec dubium esse videtur, multos ita curatos, vel contracto marcore, vel, gravi ortâ infaniâ, fuisse periclitatos. Cùm verò mulsâ, cui incoctum sit hyssopum, *Galenus* prius utitur, quàm bilem purget, non tam humoris id causâ facit, quàm meatuum, quibus is ipse educetur, obstructorum.

Itemque alii, qui bilem ut purgetur incrassant.

Paulò similior veri, non tamen recta eorum est sententia, qui bili, quò commodius purgetur, crassamentum adjiciunt. Hos certè sputi per tussim expectoratio in errorem conjecit. Scilicet hîc, si nimium est tenuis humor, spiritu elidi, quia diffluit, non potest; quare ut gravem tussim, ita & penitus siccam facit. Rectaque curatio est, humorem frigidis lentisque delinctibus ita inspissasse, ut ab aëre, extra pectus erumpente, intercipi, commodèque efferri possit. Id adeò exemplum, ut in sputo respondet excreando, ita venarum purgandis humoribus accommodari nullo modo potest. Neque enim

enim aëre hi incitati à naturâ vacuantur, sed occultâ medicamenti tractrice potentiâ; eâque in re tantò quidque facilius sequi par est, quantò tenuis, & ad sequelam magis opportunum est. Quòd autem tenuia commodiùs, atque faciliùs attrahantur crassiss, non solùm quotidiana rerum docet experientia, sed ex ipsis etiam colligitur medicamenti: quae mitiora esse debent, cum bilis purganda est; effraenatiora, cum pituita, vel bilis atra. Ex quibus licet colligere omnibus, frustra bilis concoctionem usu inspissantium quaeri.

Superfunt modò hi, qui nullâ opus esse concoctione hâc universali sumptâ, ad purgandum bilem contendunt, utpote naturâ suâ, novaeque putredinis ardore fluxibilem. Illi sanè *bis* aberrare videntur; primùm, quod humorem incendio fervidissimum furrere sinunt, nullo frigidorum usu temperantes; dein, quod extenuationem humoris contemnant, quam semper utilem esse professus sum ad commodiorem purgationem. Atque hic sis est eorum auxiliorum, quae principio febris accommodantur. Adeoque tempestivum est, ad ipsum progredi incrementum, quaeque fieri in eo debent singula, proponere.


*lique de-
muin, qui
ad bilem
purgan-
dam nul-
lâ opus
esse con-
coctione
dicunt.*





DE CURANDIS
FEBRIBUS
CONTINUIS,
SECTIO SECUNDA,

Quæ earum continet Incrementum.



C A P. I.

De Materiae Purgatione.



Oncocta febris acutae materia, nisi si sponte naturae abunde pellitur, purgari debet. Verum, quâ id fieri moderatione, aut quibus temporibus debeat, non sat bene inter Professores Artis convenit. Scribit *Hippocrates* purgantium medicamentorum potiones, in morbis acutis, raras esse oportere. Quod magis falluntur, qui in his febribus, penitus (ut si quid aliud) acutis, vix unum intermittunt diem, quo non aegrum medicamentis, vel per

Notantur
isti, qui
multâ
purgatione
in febribus
utuntur.

per os sumptis, vel alvo injectis, sollicitent; quae res, ut hodie inter triviales illos, naturae motuum ignaros, est usitatissima, ita maxima secum pericula trahit. Siquidem vires exhaurit, corpus assiduis afflictum ardoribus labefactat, materiam morbi neque concoctam, neque separatam laceffit, ejusque maturationem (quae certè quiete gaudet) impedit, omne denique naturae institutum, in propulsando morbo, subvertit. Atque hinc sequuntur, cruditates, dolores, sitis, inquietudines, vigiliae, deliria, distentiones nervorum, singultus, similiâque periculorum plena symptomata. Per febres, inquit *Celsus*, medicamentorum dari potiones, & alvus duci, non nisi rarò, debent. Et id non ideo tamen agendum, ut aegri vires convellantur, existimat: quoniam ex imbecillitate summum periculum est. Quare meritò sunt incusandi, qui hìc ita licenter intemperatis vacuationibus in salutem aegrotantium grassantur. Scilicet in eâ febre, quae nono die desitura esset, secundo die, ventrem cassiâ, fortè etiam concitatiùs, movisse, eoque vix dum quiescente, sanguinis libram, aut eo amplius misisse, tertio, injecisse clysterem, quarto, perpurgasse, quinto, vel sexto, crescente febricitatione, iterum secuisse venam, octavo, rursus purgasse, quid hercle aliud est, quàm hominem per assiduos acutae febris ignes fatiscentem perdere. Nimirum haud rarò usu venit, ut post hanc excarnificandi libidinem, victis naturae viribus morbus dominetur, ortoque continuato delirio, &

post hoc sopore, simulque difficillimo spiritu, hominem, ante diem *decimum quartum*, tollat.

Notantur alii, qui in tempore, delinquitur. Alii enim praepa-
purgatio- rationem bilis omnem rejiciunt, primis tem-
nis tempo- poribus purgantes. Alii autem, qui nimi-
re delin- rum concoctiones curant, & cruditatem
quunt. maximè horrent, ipsum arripiunt morbi sta-
tum, paucissimi declinationem exspectant.

Omnes profectò in errore versantur. Primi enim praeter naturae faciunt institutum, quae nunquam rectè humores (cum quidem non turgent) nisi concoxerit, pellit. Id quod studiosè ab *Hippocrate* video fuisse observatum, qui concocta duci medicamentis, non cruda oportere scripsit. Quoniam autem cruditas principia definit morborum, constat profectò nunquam sub his tutò dari medicamentum posse. Nec refragatur *Aphorismus*, qui sic habet: Per principia morborum, si quid movendum videtur, move. Nempe, latè hìc accepto principio, ipsum etiam includitur incrementum. Id adeò apparet ex eo, quòd à principio protinus statum proponat: In statu, inquit, quietem habere praestat. Propiores verò sunt, qui per vigorem continuae febris purgant, absolutis nimirum jam tum concoctionibus. Caeterùm in eo falluntur, quòd parum curret symptomata, quae eo sunt tempore gravissima, quaeque quietem, Auctore *Hippocrate*, postulant, nullumque medicamenti insigniorem motum ferunt. Prorsus ineptiunt,

tiunt, qui priùs declinationem febris universalem, quàm purgent, exspectant. Nam gravem morbum in vitam hominis, necessario suspenso praesidio, saevire permittunt, eoque tempore medicinam adhibent, quod, si verum habet morbi decrementum, semper, ut testatur *Galenus*, periculo caret, quodque corpus materiâ morbi tantum non omni exoneratum exhibet.

Verùm, ut hanc rem expediam omnem, dicam id, quod in totum sentio de purgandi temporibus, quodque à nemine (utì equidem puto) sat plenè annotatum fuit, multorumque ingenia acerrimis altercationibus inutiliter fatigavit. Per febres omnes natura corruptum humorem spatio superare, atque concoquere indefinenter nititur, in idque opus calorem expedit naturalem, qui in materiam incumbens, alterat eam, subigit, sequestrat, & excretioni opportunam facit. Ea excretio non antè incidit, quàm illud operis prioris sit penitus absolutum, quod concoctionis nomine comprehendimus. Id verò tempus, quo ea fit excretio, status aegritudinis appellatur. Jam autem, si Medicus naturae, ut ille ait, minister est, ejusque per omnia insistere vestigiis (modò commodis ea ductibus moveat) debet, videtur profectò, non nisi vigentibus morbis, tutò purgare licere. Estque illud reverà praeceptum stabile, atque inconcussum, nisi aliud quid incidat, quod, causâ securitatis, mutare hanc purgandi legem universalem cogat, ut in febribus contingit (quas modò

*De idoneo
purgandi
tempore in
diversis
febribus.*

versamus) continuis, per quarum statum, impetus symptomatum purgandi locum tollit. De hisce nempe febribus acutis suum istum *Hippocrates Aphorismum* expressit. Per principia morborum, si quid movendum viderur, move: vigentibus autem quiescere multò præstat. Febribus intermittentibus ad vigorem jam provectis suum, tutò licet, quo die intermissio est, concoctum humorem medicamento tollere, naturâ jam tum nullis impeditâ symptomatis. In his etenim febribus, quia certus circuitus, & finis integer, & liberaliter quæta intervalla sunt, perpetuum esse præceptum temporis potest. At in continuarum statu, vigiliæ, deliria, ardores, sitis, inquietudines faciunt, quò minùs liceat his aerumnis afflictam, ac paene succumbentem naturam medicationum irritamentis laceßere. Ergo fugere ista tempora, atque purgatione antevertere convenit, & in ipsius incrementi provectiore parte medicamentum dare. Id enim tum neque materia morbi dehortatur, quæ plurimâ parte maturuit, neque symptomata impediunt, quæ nondum sunt maxima. Scilicet quæ juxta jecur, eique assistentes venas biliosa, utcumque extenuata, coctæque sunt, ductâ alvo subtrahuntur, reliquis intra remotiora contentis vasa, ac fortè nondum prorsus coctis, ipsi relictis naturæ, per proximam semel vacuandis judicationem. Commodèque *Celsus* dixit, minui tantum materiam superantem oportere, quæ naturaliter digeritur, ubi nihil novi accedit. Id quoque

què sapuisse *Avicennas* videtur, cum sic scribit: Scito minùs noxae fore, cum residuum materiae, quam necesse est evacuare, dimittitur, quàm cum exquisitissimè vacuatur, eoque pervenitur, ut vires periclitentur. Nam saepissime natura hoc resolvit residuum.

Ergo etiam (me iudice) ante omnia mite *Mitia* esse decet, quod per acutas febres datur, *purgan-* medicamentum, ut sunt myrobalana, & *tium me-* rhabarbarum, &, inter composita, electa- *dicamen-* rium ex prunis solutivum, itemque è succo *torum ge-* rosarum, & è psyllio, ejusque generis aliis, *nera fe-* quae cum sero lactis, vel oxyphoenici de- *bribus* cocto miscentur, additâque cassiâ, vel man- *conve-* nâ, vel electario lenitivo, tum etiam sera- *niunt.* pio ex multis confecto rosae macerationibus, ad formam mista potionis dantur. Rhabarbarum autem, itemque myrobalana rectiùs macerantur, quàm trita sumuntur. Sunt autem causae, uti videtur, duae, cur non liceat, acutâ in febris, effraenationibus medicamentis uti: primùm, quòd haec ista ca- leant, vel certè calorem corpore vehemen- ter permoto excitent, ac, consumptis vitae spiritibus, vires supra modum extenuent: secundò, quòd morbi incremento (in quo certè per has febres purgandum esse praecepi) ea sint inidonea medicamenta, quae mate- riam morbi ex toto corpore radicitus extra- hunt. Semicruda etenim ea ductum medi- camenti non sine summâ sequitur naturae molestiâ, ac febrilium ardorum incremento. Quinetiam violentiore medicinâ interrumpitur materiae instituta concoctio, confusis,

qui jam vinci, atque separari à benigno sanguine cœperant, humoribus. Id, puto, cogitavit *Avicennas*, cum scriberet evacuationem maturitati officere, misceréque cum benigno malignum, quoniam hoc ipsum concoctionis cassum moveretur. Adeò verò apparet, non nisi lenibus medicamentis in hoc morbo locum esse posse, quorum vi non omne perpurgetur corpus, sed prima ejus regio, itemque secundae ea pars, que jecoris convexa, venamque Cavam, atque illi comitem arteriam majorem continet, biliosâ colluvie exoneretur; idque non nisi in ipso fieri debere postremo incremento, cum tolerabilia utcunque sunt symptomata, & quae laedere videtur, materia, tantum non omni parte, concocta.

Ibi effervescit materia, Atque haec quidem purgandi tempora certa sunt, nisi materia protinus turgere cœperit, id est, effervesce, ac de loco in quàm prius locum mobilis rapi. Tum enim quàm primum humor, quamvis nondum coctus, gauda est. Auctore *Hippocrate*, auferri purgatione debet: idque, ne vel in partem delatus principem, lethalem ibi excitet inflammationem, vel repente, si venenatus est, naturae calorem opprimens, occidat. Illud quoque scire licet, interdum, & declinante febre, iterari purgationem posse, cum per imperfectam judicationem natura majorem quidem materiae partem exclusit, reliquam verò excludere potis non fuit, quae ipsa jam tum (ne possit iterum morbum faciat) rectè medicamento ducitur. Nam quae post judicationes

tiones (ut diligenter observat *Hippocrates*) relinquuntur in morbis, recidivas facere consueverunt. Adeo verò demiror inconsulta complurium judicia Medicorum, ex quibus cum multi, incipiente morbo, purgent, haud pauci etiam consistente, nonnulli quoque declinante, paucissimi tamen sint, qui incrementi proveciorem partem arripiant. Quasi, certè, datâ operâ, id tempus praeterierint, quod ad hanc curationem in acutis febribus est aptissimum.

Porro non loquor haecenus id medica- *Leniti-*
 menti genus, quod passim lenitivum appel- *vum, quo-*
 lant, sine vi, ullâve corporis turbâ, sordes *vis tem-*
 intestinorum expurgans. Id enim quibusvis *pore, po-*
 utile est, cum alvus parum respondet, morbi *test esse*
 temporibus. Datur autem modò per os, *utile, si*
 modò alvo injicitur. Simplicissimum ejus *moderatè*
 generis propinavit *Avicennas*, ex aquâ hor- *adhibe-*
 deaceâ, & serapio acetoso. Alii ex cassiâ *tur; ma-*
 parant, vel mannâ, vel diacatholico, vel *ximèque*
 electario, uti vocant, lenitivo, vel diapruno *alvo in-*
 simplici, cum decocto hordei, aut pruno- *jèctum.*
 rum, aut oxyphœnici. Clyster paratur ex
 malvae, lactucae, violarum, mercurialis, &
 hordei decocto, adjectâ cassiâ, oleoque vio-
 laceo. Haud leve commodum acutè febricitantibus ex hujusmodi accedit alvi ductio-
 nibus. Nam siccum oletum vacuatur, putredine offendens suâ, ardor febrilis mitescit, corruptaeque bilis colluvies, quae juxtâ est, eluitur. Verùm mitia planè haec esse debent, sic ut alvum semel, aut, ad summum bis, non amplius, si fieri potest, moveant.


veant. Inutilia penitus sunt, ubi in tantam evadunt dejectionis frequentiam, ut corpus turbent, naturaeque munus, in concoquendâ materiâ, remorentur. Quem errorem indies à multis committi video, qui nullum operæ pretium fecisse se putant, nisi crebris illis dejectionibus, vel quotidie repetitis, ventrem acutè febricitantium sollicitaverint; quâ in re ideo periculum vertitur, quòd virium inde contrahatur ingens imbecillitas, quae ut semper aliàs, ita, in hisce continuatis febribus, maximè reformidanda est.

Quaenam dies, atque hora dando Medicamento sit opportunum. Proximum nunc est, diem, horamque finire, quâ utiliter dari medicamentum possit. In quâ re, haud levis observatio est. Nam cum, in his malis, assidua sit febricitatio, neque antè ad integritatem (*ἀπυρεξίαν* Graeci dicunt) perveniatur, quàm per judicationem semel resolvatur morbus: quaeri non sine causâ potest, quae diei tempora opportunissima medicinae sint. Ergo genera febrium intueri oportet continuarum, sintne hae, vel quotidianae, vel tertianae, vel quartanae, an demum continentes, seu sanguineae; idque ideo videndum est, ut eâ semper die, eâque horâ, medicamentum detur, quâ maximè sese febres remittunt, quâque corpus tam integrum est, quàm maximè esse, in eo genere valetudinis, solet. In impetu enim febricitationis, quod datum est medicamen, corpus turbat, vires frangit, alvoque subinde, uti *Celsus* scribit, continetur, ac regeſtum in caput multò gravius periculum efficit. Jam itaque, si quotidiana urget

conti-

continua, quae certè brevissimo remittit tempore, praestare judicamus, principia medicinae à mitescente febre excipi, quàm ab invalescente. Quòd si tertiana est continua, quae altero die lenior est, altero gravior, dandum medicamentum post graviolem est. Semper autem graviolem febricitationem exhibent hi dies, qui judicandi vini habent (*κρίσις Graeci vocant.*) Itaque tum maximè temperandum quoquè à medicamento est. In continuâ etiam quartanâ, duo medii dies purgationibus sunt aptiores. Porro, si sic movetur perpetuò continens febris, ut maneat prorsus aequalis, aut si majore usque impetu, sine ullâ inclinatione crescit, aut paulatim decrescendo vim amittit suam (primam *Graeci ὁμότρονον*, alteram *ἐπακμαστικὴν*, tertiam *παρακμαστικὴν* appellaverunt) arripendum id fuerit diei tempus, quod naturâ suâ levissimum est. Tale matutinum esse constat, ipso jam micante diluculo. Quòd si idipsum, alicujus interventu rei novae, aut morbi vitio, gravius est, post mediam noctem utiliter medicamentum datur. Meridies, ipsèque vesper (quantùm in se est) nequaquam purgationibus sunt opportuna. Adeò ex his apparet comprehensis omnibus, temporis praeceptum, quod intermittendum non est, minimè perpetuum, in rebus multùm differentibus, esse posse.





CAP. II.

*Quid a Purgatione agendum, & quomodo
fervor acutae Febris temperandus sit.*

*Post pur-
gationem
corpus re-
frigeran-
dum est.*

DUCTâ jam sat abunde alvo, dejectione-
néque conquiescente, multi jusculum
pulli, aut tepidum hordei decoctum, addito
zaccharo, aegrotis propinant, ut scilicet in-
testina, transfluxu bilis siccata, humecten-
tur, simulque tenuiores medicamenti partes,
si quae fortè ductibus inhaesere communi-
bus, eluantur. Ea res quamquam magis
necessaria violentioribus est medicinis, ta-
men hîc quoquè minimè contemni debet,
humectationis potiùs gratiâ, quàm sumpti
medicamenti, quod, in acutâ febrî, leve esse
debere ostendi. Insequentibus hinc diebus,
donec morbus consistat, ardores imprimis
febriles (quò minùs affligatur natura) miti-
gare refrigerio convenit, cujus usus refrige-
rii ab iis petetur materiis, quae vel foris in-
cidunt, ut aër, & quae extrinsecus corpori
applicantur, vel intrò per os sumuntur, ut
cibi, atque potus, tum alentes, tum me-
dicinales.

Aëre.

Aër itaque, si vel temperatus est, vel ca-
lens, refrigerandus est, humi delecto quàm
maximo conclavi, quod non modò situ, ac
mediocri perflatione aurae sit frigidum, sed
& arte reddatur nostrâ frigidius, pavimento
aquâ,

aquâ, cui mistum fit acetum, asperso, ac vitium capreolis, salicisque frondibus instrato. Manibus etiam tractari febricitantium, & vitem, & salicem, conducit. Turba item hominum ingredi prohibenda est. Ea enim domum quoquè calefacit. Nonnulli, *Galenum* secuti, aquam frigidam de vasis in vasa transfundunt, quae res ad somnum etiam conciliandum facit. Porro ita refrigeratus aër, ut intrò spiretur, non ut in corpus incidat, quaeritur. Inspiratus enim cordis temperat incendium: at foris in corporis incumbens habitum, meatus claudit, parumque diffusi materiae febrilis per transpirationem finit. Cutem enim densando ipse sibi viam, quò minùs ad viscera penetret, praecludit. Itaque hic semper vitandus aër est frigidissimus, ut qui plus constipatione offendat cutis (nisi diligenter homo operimentis integatur) quàm cordis profit refrigeratione.

Post aërem arte castigatum, quaedam *Epithematis* etiam foris imponuntur (*ἐπιθέματα* Graeci dicunt) cordi potissimum, praecordiis, atque jecinori, ubi plurimum scilicet fervoris subesse deprehendetur. Accipiuntur liquores stillatitii, rosae, & buglossi, & cardui benedicti, his acetum additur rosaceum, itemque pulveratum santalum, corallium, margaritae, & quod ex his componitur margaritis electarium frigidum, ad haec momentum spodii, ac boli Armenii: tñque mistis omnibus Epithema, quo pannus madefactus, atque imbutus, modicèque expressus admove-
vetur.

vetur. Subtepidum id medicamentum esse decet, ne subito frigore meatus claudat, coactoque, atque in corpus retruso febris calore, partium incendia internarum adaugeat. Utile etiam est, post Epithemata, *Galen*i ceratum humidum, quod decimo libro *Methodi medendi* proponitur: fitque ex ceræ albae lotae parte unâ, rosacei ex oleo immaturo citra salem confecti partibus tribus, aut quatuor: utrumque hoc mistum duplici in vase liquatur, factoque humido cerato, ac post refrigerato, miscetur paulatim in mortario tantum aquae, quantum in se, dum cum eâ emollitur, accipere possit. Addi etiam momentum tenuis, atque clari aceti potest. Aquam autem frigidissimam esse oportet, & ceratum quàm maximè antè refrigeratum, quod fiet, cum vas, in quo illud inest, in fontem gelidissimum demittitur.

Quando, & in quibus refrigeratio non satis tuto est.


Scire autem licet, tutius semper refrigerationis quaeri beneficium intrò sumptis materiis, quàm foris admotis, maximè, cum plenum corpus nondum vel misso sanguine, vel purgatione fuit exinanitum. Facile enim hîc materia, usu foris refrigerantium, in viscera, magno periculo, impellitur, cohibitaque transpiratione, occasio maximae putredini, maximisque febricitationibus datur. Itaque tutius semper haec ipsa localia, post corporis vacuationem, posteriore incrementi parte, admoventur, cum gravius subest incendium, & bona materiae pars exhausta est. Praecipuus his ipsis est locus, cum maximis;

mis, ac periculum minantibus ardoribus homo perurit, qui ardores fat commodè, per ea, quae intrò sumuntur; extingui nequeant, vel quia stomachus haec ipsa respuit, vel quia aegri sumere detrectant. Eadem in corpore admodum extenuato, quoniam viscera promptè frigido offenduntur, inutilia sunt. Aequè etiam nocent, ubi commodus aliquis emergere sudor incipit, maximeque per statum judicatorius, qui febrem esset finiturus. Hic enim usu foris refrigerantium impeditur.

Utilis apprimè refrigeratio est, quae cibus, *Cibi, ac*
ac poculis quaeritur refrigerantibus, quorum *pocula op-*
materiam superioribus locis proposuimus. *timè re-*
Maximè etiam potiones valent medicinales, *frigerant.*
quae Zulapia vocantur, ad mitigandam febris acutae flammam. Accipiuntur stillatitii liquores, omnium intybi generum, buglossi, violarum, carduique, uti nominant, benedicti: his additur oxyzaccharum, vel serapium acetosum, vel violaceum, vel ex intybo factum, fiuntque potiones refrigerato-
riae clarissimae, gustui, atque aspectui aegrotantium gratae.

At meminisse convenit, moderationem *Nimia*
his aliquam esse oportere, ne nimia refrigeratione vel stomachum offendamus, vel materiae remoremur concoctionem, secretionem, atque resolutionem. Proclivius nimiae frigiditatis periculum est in corporibus naturâ frigidis, in stomacho infirmo, in sene, in hieme, & in cœlo frigido. Vidi equidem nostratum complures ita Zulapiis
illis

istis affiduè fartos, atque saginatos, temeritate Medicorum, alios difficillimo fuisse affectos singultu, alios, post curatam febrim, hydropè consumptos, omnes certè longâ febricitatione, atque difficili fuisse impeditos.



C A P. III.

*Quomodo gravioribus Symptomatis acutae
Febris occurrendum sit.*

QUoniam naturae vis maximè symptomatis sollicitatur, & in hujus imbecillitate summum periculum est, non sine causâ infringere, atque coërcere istorum impetum symptomatum, quantum fieri licet, convenit. Ea autem ferè haec sunt. Sitis, linguae asperitas, tussis, singultus, appetitus caninus, capitis dolor, vigilia, delirium, sopor, animi deliquium, vacuatio aliqua praeter modum, praetérque tempus effusa.

Sitis remedium.

Sitis pellitur usu refrigerantium, atque humectantium, quae superiùs proposui. Singulare est Zulapium, ac zaccharum violaceum. Conferunt etiam succi pomi limonii, & aurantii, addito zaccharo, itemque succus medicatus è ribes, ex oxyacanthâ, & hujusmodi. Siccata etiam pruna, fonte perfusa, ac macerata, juvant. Illud verò semper servandum, ut ne potitet aeger, neve nimium siti crucietur. Quâ in re, à multis delinqui video, quorum alii indulgenter ae-

gros

gros habent, biberéque ad voluptatem, quantum lubet, sinunt; alii durissimi tororis vicem exhibent, ne guttulam quidem humoris, tum, cum is necessarius est, concedentes. Prior error aegrotationem longiorem facit, alter ardoris affert incrementa, & corporis liquefactiones, ac vitae summa pericula.

Porro si, cum bibere inutile est, fauces *Faucium*, admodum inaruerunt, elui humore possunt. *linguae-* Commodéque *Erasistratum* dixisse *Celsus* re- *que affec-* fert, saepe inferiore parte humorem non *tuum*. requirente, os & fauces require. Sicca lingua prunis corrigitur, aquâ maceratis, atque in ore retentis. Confert os eluere aquâ per se, vel cum hordeo coctâ. Si viscido humore lingua, tanquam limo onusta, asperatur, aquae hordeaceae unciae quatuor miscentur unicae aceti mulsi, & sic os colluitur, post linteolo, vel spongiâ, quae hunc liquorem acceperunt, lingua repurgatur. Quod si scabrities multa eam occupat, detergere primum penicillo oportet, ex aquâ calidâ, ac dein psylli mucagine ungere.

Porro tussis interdum sicca per acutas fe- *Tussis*. bres incidit, arefactis nimium pulmonibus. Eam humectantibus, ac refrigerantibus licet corrigere, ut Zulapio violaceo, electario diatragacanthi frigidi, aquâ hordeaceâ, cui mistum sit zaccarum, catapotis bechicis ore retentis, & hujusmodi. Utile etiam est, pectus foris perungere oleo violaceo, adipéque gallinae, cum albâ cerâ mistis.

Singultus autem modò summam sequitur *Singultus*.
cor-

corporis, maximèque ventriculi (cujus is est affectus) siccationem, ab urentissimâ contractam feбри, qui certè lethalis est, & extra omnem posita medicinae opem, modò ab humore fiat acri, quo ventriculus est imbutus, contra quem casum medicamentum ex aloë factum valet. Non nunquam intemperatum sequitur Zulapiorum refrigerantium usum, quomodo affectos, inconsultâ temeritate Medicorum, complures vidimus, idque symptoma, contra omnium opinionem, vini potu sustulimus.

*Appetitus
canini.*

Porro appetitus, qui dicitur caninus, interdum nobis visus est per continuas febres, maximèque per inveteratas incidisse, adeò ut aegri unico subinde prandio integrum devoraverint capum. Gignitur is affectus, cum longae febris calor corpus nimium resolvit: quò fit, ut avidae, propter fomitis indigentiam, partes continenter alimentum trahant, cumque ejus tractionis stomachum pulsavit sensus, effraenata excitatur appetentia. Resolvens hic calor, non solum extimis in membris, verum etiam in ipso simul ventriculo subinde deprehenditur, ex quo is intemperanter redditur famelicus. Remedium est, corpus foris astringentibus oleis, vel lotionibus, ne nimium diffuat, durasse; ac pingues, lentos, ac frigidos, succi tamen non mali, cibos sumpsisse. Efficaces esse comperi vitulinos pedes, cum semine portulacae, vel lactucae, in aquâ coctos.

*Doloris in
capite.*

Caeterum, si caput propter febris magnitudinem, aspirantibus eò fervidis halitibus, aut

aut humoribus, dolet, post convenientes corporis exinanitiones, firmandum, ac temperandum est perfusione oxyrrhodini, vel olei crudi, cui incoctus sit polygoni succus. Fronti etiam haec ista panno excepta applicantur, sciréque licet, actu quoque frigida ea esse debere, maximè per aestatem: Hieme tepida esse licet, utique, si mitior subest febris. Inter haec tempora avertere impetum humorum convenit, clysteribus, vinculis, ac frictionibus infernarum partium, quantum per febrem licet, idoneis. Si corruptus in ventriculo humor dolorem capitis vel creat, vel auget, citâ vomitione expellendus est. Quòd si ex succorum multitudine, aliisve de causis, dolor in caput incidit, ejus protinus cognoscenda, tollendâque occasio est. Nulla verò curatio capiti debetur, quod, propter instantem judicationem permotis ad excretionem humoribus, dolet. Id enim salubre potius signum, quàm symptoma fuerit reputandum, estque inseparabilis nota fluxuri per judicationem è naribus sanguinis, aut vomitionis futurae.

Haud leve taedium à vigiliâ febricitantibus oritur. Nam, resolutis spiritibus, vires ea consumit, tandemque inquietudinem, delirium, vitaeque periculum affert. Sequitur autem vehementem cerebri siccitatem à flavae bilis contractam vaporibus. Itaque iis rebus corrigitur, quae simul humectent, atque frigefaciant. Inter has res pulticula est hordeacea, seu Ptisana non colata, adjectis feminibus refrigerantibus, tum majoribus

Vigiliae.

(ut vocant) tum minoribus. Non saepe autem cubituris, ubi pertinax vigilia insaniam minatur, serapium damus ex albo factum papavere. Quidam ad hanc rem haud incommode tempora, frontem, nares, & interdum pedes quoque oleo nymphaeae, vel unguento, quod ex populo fit, imbuunt. Alii papaveris laevigant capita, mistaque cum pane, ac rosaceo, fronti applicant. Nonnulli hyoscyami, atque menthae illitis succis somnum provocant. Verum scire licet, hujusmodi soporiferis cautiùs utendum esse, maximè, si caput naturaliter imbecillum est, aut humore intus aliquo, qui subinde distillet, grave. Tutiùs alii decoctis quibusdam refrigerantium rerum brachia, atque pedes lavant, eaque re somnum conciliari posse contendunt; verum haec ista sunt subtepidà, ne ascititio calore fervidum incendio corpus turbent, inflammentque. Magnas vires contra vigiliam aer cubiculi refrigeratus habet. Id fit sole excluso, ipsoque pavimento aspergine oxycrati, aut aquae rosaceae, cui mistum sit acetum, refrigerato. Quin etiam frondibus salicis, aut vitis, aut nymphaeae, area insternitur, eademque utiliter manibus tractantur aegrotantium, & per omnem lectuli partem sparguntur. Sonitus etiam scaturientis fontis, si quis commodo loco esse possit, itemque fusae perpetuo supra pelvim undae propensio-riorem hominem ad somnum reddunt. Non alienum etiam est, crura manusque vinculo aliquantisper excipere, colloquioque amico-
rum,

rum, ac mediocri strepitu vigilem aegrum distingere: idque eo tempore facere, quo maximè dormire is, & solet, & cupit, ac dehinc, subitò resolutis vinculis, sublatâque luce, altissimae eum quieti relinquere, ac sic dormire sinere.

Porro delirium (quod ferè pertinax antecedit vigilia) si per acutam febrem oritur, grave est, praecipuè, cum diutius id immoratur. Avertere ad inferiora biliosos halitus, atque humores caput tùm occupantes, tùm petentes oportet, perfriētis subinde pedibus, & cucurbitulis primùm supra nates, dein supra scapulas defixis, maximè autem injecto clysterio, quod libram accepit decocti lactucae, violarum, mercurialis, althaeae, hordei, seminumque frigidorum, uti vocant, majorum, adjectâ cassiae unciâ, diapruni solutivi drachmis admistis, quinque, aut sex, itemquē olei violacei unciis tribus, salisque scriptulis duobus. Jam verò id delirii genus, quod sub judicationem, vel per ipsam incidit, sequens nimirum materiae mox exiturae permotionem, nullâ curatione sollicitandum est, utpote suapte sponte post absolutam vacationem desitutum.

Gravissimum est, in acutâ febre, soporem delirio succedere, in quo casu vix ullum auxilii genus efficaxprehenditur. Quidam hîc, magnâ temeritate, ad validas prope rant purgationes, quae imbecillam vim prorsus dejiciunt. Itaque fit, ut jure dicatur homo medicamento periisse, quem post paulò tollere morbus debebat. Alii gallinaceos pul-

los, per medium dissectos, capiti à vitâ calentes admovent. Quod utique remedium nequaquam rejicerem, nisi plùs trahere materiae in caput, quàm ex eo resolvere videretur. Rectiùs (me iudice) hi pulli plantis subduntur pedum: quoniam sic efficaciter trahendo materiam à parte superiore revelunt. Itaque possunt ea etiam omnia tentari, quae adversùs dolorem capitis, causâ averfionis, suprà proposui.

Animi defectionis. Nunc de animi defectione dicam, quae nunquam sine gravi metu incidit, maximè, si immoderatam secuta est vacuationem. Tum vinum, aquâ frigidâ dilutum, dari potest, nisi si vel nimius ex febre subest calor, vel ingens urget capitis dolor, vel delirium, vel aliqua viscerum inflammatio internorum. Itaque tum quoquè odorari vinum aeger potest, bibere non potest. Frigida quoquè aqua utiliter in vultum spargitur, itemque nares, ac aures manibus veluntur; os denique ventriculi perfricatur, ac vomitus insertis in gulam digitis, vel pennis cietur. Vinciri autem manus debent, si quid inferiore parte corporis praeter modum effunditur, aut pedes, si superiore. Cum sanguis è naribus nimium fluens animi defectum intulit, vel cita alvus, vel copiosus sudor, ea conferenda praesidia sunt, quae mox, ubi de intemperatis agetur vacuationibus, proponam. Interdum impetente, atque rodente stomachum bile, deficere anima incipit: quod symptoma haud juxtà grave est. Ejecto enim humore, protinus homo ad se redit.

redit. Ergo oleum aquae miscere convenit, eoque affatim hausto, vomere. Huic etiam intinctus digitus, & in gulam datus, vomitum, qui, sumpto hydrelaeo, non sequitur, ciet. Post haec, si stomachus admodum manet imbecillus, corroborandus est, micâ panis devoratâ, quae mali punici succo sit imbuta, itemque foris admoto cataplasmate, quod ex palmulis, oleoque cotoneorum conficitur, cui succus etiam intybi, cucurbitae, uvarumque acerbarum addi potest, si aestu aliquo praecipuo stomachus uritur. Porro, ubi ita maligna est febris, ut animi inferat crebram defectionem, multâque extremorum frigora, validis uti oportet frictionibus, atque vinculis, hominemque nequaquam multum dormire sinere, nec cibo repleti. Cum ingens propter febris ardorem ficcitas defectum animi attulit, protinus afferendum humidum, frigidum, coctuque facile, ac saepius paucum alimentum: quod quanquam mitioribus temporibus tutius datur, ita tamen, re cogente, mediis etiam febris ardoribus dari potest. Utile quoque fuerit, frigidam tum inspergere, tum potui dare, itemque aegrum ventilabro reficere, atque aurae exponere.

Nunc de vacuationibus agendum est, quae *Sanguinis* intempestivè, ac praeter modum incidunt, *fluxus* meritoque sisti, ne naturae perdant vires, *praeter* debent. Ac primum quidem, si sanguis è *tempus, ac* naribus fertur, non judicatoriè, sed propter *modum.* ingentem succorum ebullitionem, cucurbitulae, averfionis causâ, oppositis corporis

locis sunt affigendae. Crura item pluribus, ac valentioribus vinculis stringenda, homoque collocandus est rectus atque sublimis. Cervices quoque, proximasque iis partes circumdare linteis oportet, oxycrato, aut solâ frigidâ imbutis aquâ. Id quod tunc minùs licenter faciundum est, cum imbecillitas capitis, vel destillatio, vel angina metum facit. Utiliter intra nares attrahitur aqua frigidissima, itemque sempervivi succus, aut hyoscyami, cui mistus sit bolus Armenius, aliufve, qui admodum astringat, pulvis; ut qui ex balauftio fit, acaciâ, cortice mali punici, hypocistide, & hujusmodi. Ad eandem rem quidam succo stercoreis asinini, aut ipso pulverato stercore, cum sanguine draconis utuntur. Caeterùm intrò sumenda sunt, quae sanguinem ferventem refrigerio temperent, eumque moderatâ quâdam inspissatione, ne ita sit fluxilis, cogant. Quales lactucae sunt coctae, itemque ex hordeo forbitiones, quibus violae, feminâque lactucae incocta sint. Serapium autem violaceum, cum succo lactucae, ac portulacae sumptum juvat.

Vomitûs.


Proximum est de vomitu dicere, qui, nisi judicatorius sit, saepe reprimi debet, ac tum maximè, cum, propter ventriculi imbecillitatem, continenter eò bilis influit. Corroborare itaque hanc partem, post rejectum humorem, convenit, usu astringentium, tum foris, tum intus adhibitorum, itemque corruptam bilem, subdito subinde clystere, in alvum avertere. Quòd si humor aliquis
in

in ventriculo gignitur, vomitumque crebrum facit, primùm is expellendus est, epotâ aquâ tepidâ cum serapio acetoso, dein ventriculi vitium idoneis materiis corrigendum.

Jam etiam fluens praeter modum alvus *Dejectionis.* multùm incommoda febricitantibus esse solet. Crebro enim defessu, multâque inanitione vires consumuntur. Quin etiam vigiliae comitantur, lethaliâque interdum tormenta, exulcerante tunicas intestinorum bile. Sistere hanc fluxionem, si neque temperata sit, neque judicatoria, convenit, aquâ hordeaceâ, in quâ candens ferrum extinctum fit, ac pòst decocta sit pyrola, intybus, plantago, myrtus, aut hujusmodi. Inutilia sunt omnia pingua, atque acida, ipsumque in primis acetum. Aër etiam cubiculi plurimùm refrigeratus nocet.

Per saepe copiosus sudor, qui judicatorius *Sudoris.* non est, peracutè febricitantes magnâ virium jacturâ laceffit, ideoque modis omnibus is est comprimendus. Primùm densare, ac refrigerare extimum corpus oportet cubiculi aëre refrigerato, virgultis salicis, vitium capreolis, ac rosis humo, quae oxycrato madeat, instratis. Perungere quoquè oleo corpus, ex myrto, aut salice, aut rosis facto confert. Quae ungi debent loca, haec sunt, frons, tempora, arteriae juxta carpum manûs, spina dorsalis. Cum verò effraenata sudatio istis invicta remediis persistit: *Avicennas* etiam nivem extremis admoveere membris non dubitavit. Nos easdem partes frigido fonte perfundimus, aut in eo ipso.

diu teneri deberi præcipimus. . Abstergere autem sæpius sudorem prorsus inutile est, inde enim is ipse magis fit copiosus. Nullus, qui judicatorius sit sudor, sistendus est, nisi immoderatè fluens vires exhauriat aegrotantis, ex quo animi deliquia consequantur. Qui per principia febrium acutarum venit, quamquam est illaudatus, nequaquam tamen comprimi debet. Copiam enim sequitur materiae, cujus si, propter stipatam cutem, prohiberetur diffusio, majoris putredinis ansam daret.



C A P. IV.

Quae Viētūs ratio per Incrementum Continuae Febris servanda sit.

Ut vigor morbi sustineri possit, in incremento victus liberalior rectè datur.

PAULò liberalior victus incremento febris acutae, quàm principio convenit. Nam viribus prospicere maturè oportet, ad summum morbi sustinendum vigorem, judicialibus notis, atque symptomatis gravem, cui vigori cibus est omnis inimicus; qui ideo rectè increscenti morbo tribuitur, quoniam tum symptomata haud ita gravia sunt, ut in statu, neque tanta adest virium facultas, vel materiae cruditas, vel plenitudo, quanta in principio. Siquidem alimentum haec omnia recusant, Symptomata (nisi cum evidenti virium periculo saeviant) materiae cruditas, vel repletio, virium per morbos robur,

robur. Symptomata statui affunt : reliqua principio. Itaque commodè dixit *Hippocrates* : Ubi morbi consistunt, gravissima esse omnia : ideoque tum subtrahi cibum oportere. Itidemque *Celsus* principia scripsit morborum famem, ac sitim desiderare. At verò incrementum, quia notam evidentis exhibet concoctionis, neque corpus aequè praestat plenum, utpote misso sanguine per initia vacuatum, neque prorsus symptomatis afflictum, summo jure liberaliorem cibum admittit. Quò fit etiam, ut cum principio abstinencia convenit, hìc pocula rectè dentur : ubi illic pocula, hìc tenues sorbitiones : ubi illic tenues, hìc utiles sint crassae. Meminisse tamen convenit, sub hâc crassiusculâ victûs ratione, partiri saepius cibum exiguum in multas vices oportere, ut ne is ipse, semel datus, naturam acutissimo afflictam morbo gravet. Id quod prudenter monuit *Avicennas*, noxae illius crassiusculi victûs succurrendum esse partitione, ita nimirum naturam meliùs tolerare. Scire autem licet, eò semper magis extenuari cibum debere, quò propiùs acceditur ad statum, occasione symptomatum alimenta respuentium, quae symptomata, incremente ad vigorem morbo, semper crescunt.





DE CURANDIS
FEBRIBUS
CONTINUIS,
SECTIO TERTIA,

Quæ earum complectitur Statum.



CAP. I.

De Vacationibus Judicatoriis.

*In statu
Febris, ad-
juvanda
est natu-
ra; atten-
dendum
autem,
quibus ea
viis mor-
bum ex-
pellere mo-
liatur.*



OMNIBUS, ita uti præcepi, di-
ligenter per febris principium,
incrementumque provisis, ubi ad
statum ventum est, videre im-
primis oportet, quibus natura
viis corruptum humorem pellere instituat,
eamque convenit parum firmam juvare. Ne-
que verò reclamationem, quod *Hippocrates* scribit.
Quæ judicantur, vel judicata sunt integrè,
ea nullis medicamentis, aliisve irritationi-
bus laceßenda, sed finenda esse. Scilicet hic
non

non laceſſimus, ſed quò materia vergit, eò leniter impellimus, laborantique naturæ tamquam manus auxiliares damus, rebus uſi moderatioribus, nec quidquam naturæ opus, more purgantium medicamentorum, turbantibus. Ut enim naturam rectè omnia per ſe abſolventem attingere neceſſe non eſt, ita fas eſt, laborantem, conatuque vacuantem difficiliore adjuvare; id quod in noſtro poſſiſſimùm cœlo obſervandum eſt frigidiore, ſub quo judicationes lentiùs, imperfectiùsque procedunt.

Ergo etiam ſi profluxurus è naribus eſt Sanguis, id quod interdum fit, promovere hunc, ſetis intra nares datis, licet. Fluxuri Sanguinis hæ notæ ſunt. Quidam veluti ſplendores obverſari viſui incipiunt, cum oculorum quâdam hebetudine, atque lacrymis. Ipſæ quoquè malæ, atque nares rubent, auresque obſurdeſcunt: hypochondria ſine dolore intenduntur: ſpiritus difficulter trahi repentè incipit: caputque inſolito, pulſante, atque diſtendente affectum dolore, exardeſcit. Nares quoquè, ſanguine jamjam fluxuro, pruriunt. Frequens eſt hæc vacuatio viſcerum inflammationibus internorum, febribus autem ſimplicibus non item.

Porro, ſi Vomitu materia excludi velle videtur, iſque haud promptè ſequitur, provocandus etiam eſt, atque incitandus, pingui digito intra gulam dato, aut certè hordei epoto decocto, quod olei, atque ſerapii acetofi bonam partem accepit. Inutilia ſunt eſtraenata vomitoria, quoniam ventriculum

*Quomodo
ſanguinis
è naribus
fluxus
promoveri
poſſit;
ejuſque
profluxuri
ſigna.*

*Quomodo
Vomitus
provocan-
dus eſt;
quæque
eum ante-
cedunt
ſigna.*

labefactant, nimiâque corporis agitatione mobilem humorem inflammant, atque febrem augment. Vomitionem haec antecedunt: Stomachi morsus: capitis dolor: vertigo: tenebrosa oculis objecta simulacra: nausea: labii inferioris tremor, saliva multa, tenuisque ex ore defluens.

Quomodo Urinae cieri possint; & purgationis per Vesicam futurae Signa. Ubi cum Urinis materia morbi effluet (id quod per continuas febres interdum incidit) medicamentis has cientibus utendum est. Longi enim hi, angustioresque itineris ductus omnino opem hanc Urinariam postulant. Quapropter potui datur calens hordei decoctum, cui semina incocta sunt melonum, & petroselini radix. Purgari autem incipere humorem per vesicam, ex eo constat, quod caeterarum corporis vacuationum judicia nulla sint, sola autem saepius reddi urina multa, crassâque cernitur.

Si per dejectionem Crisis fit, à medicationis temperandum est. Caeterum si in alvum propensus humor dejectione reddi cœpit, temperandum profectò ab omni medicamento purgante est; primum, quod id adeò necessarium non sit, quoniam haec itinera intestinorum ita latè patent, ut commodè his perpurgari materia sponte naturae possit: dein, quia Hippocrates quoquè praecepit, per acutae febris vigorem, penitus à medicationibus esse temperandum, ut quae vi, atque calore, tum proprio, tum eo, quem propter corporis excitant turbationem, hominem debilitant, incenduntque. Quin etiam, per medicamentum incitatâ nimium vacuatione, probos etiam exire succos contingit, dissipari-
que

que praeter modum spiritus vitales, quâ ex re quantum periculi sit, satis apparet, utique in eo corpore, quod assiduo, acutissimoque exercitum morbo, vix vires conservavit suas. Ut ne dicam interea metum lethaliū torminum (*δυσεντερίας Graeci vocant*) quae ex medicamento, in ventrem biliosum fluentem dato, haud difficillimè nasci consuevere. Aded verò constat, ut nunquam per vigorem febris acutae, ita minimè perfluente etiam jam tùm alvo, medicamentorum dari potiones licere. Quòd si parum sufficienter (quod saepe sub nostri coeli incidit tractu) natura humorem exclusit, id quidem non in statu, sed ipsâ in declinatione, corrigi purgationibus debet.

Nunc de judicatoriis Sudoribus dicam, *Sudorum* qui cunctis febribus, ac praecipuè acutis sunt *imminentium signa* propriissimi. Hos jamjam imminentes aliquis antecedit rigor, nunquam antè per totum animadversus morbum. Simul etiam *quomodo* tum vesica, atque alvus parum reddunt: *promovendi* ipsaque increscens febricitatio delirium *sint, & coërcendi.* ingens movet. Ad haec extimae corporis partes magis calent, magisque rubent, & ex his calidus, & insolitus quidam vapor emergit. Ipse arteriarum pulsus undosus est, & insigniter mollis. Sudores autem jam ortos tantisper excipere, donec sat multi promanaverint, convenit, & promovere etiam parum fluentes fotu tegumentorum mediocri, calido clystere, quiete, ipsoque, si fieri potest, somno. Eosdem etiam, si subinde tepefacto linteo absterges, adjuvas. Alius enim
alium

110 FEBRIS CONTINUÆ

alium abstersus provocat. Si nimius Sudor est, protinus cohibendus est, ne periculum incidat animi deficientis. Itaque corpus, operimentis partim demtis, partim sublevatis, exoneratur, reficiturque ad mediocris refrigerii temperamentum. Nudare quoque brachia, ac pedes utile est, totumque cubile suspensis vitis, aut salicis frondibus adornare, ac modis omnibus, uti superius praecepi, aërem aegro circumfusus frigidiorum facere. Facies quoque rectè permadescit spongiâ poscae plenâ; inutile est Sudorem saepius abstergere: relietus enim, ac foris in cute refrigeratus, ejus obstruit spiracula, exitumque secuturi novi Sudoris impedit. Cibus autem tum aegro detur siccior, viteturque potio multa, & creber clysteriorum usus. Et quidem, si vires permittunt, gestari etiam homo in loco subfrigido potest.

*Quid
agendum,
sit post
Crisin.*

Finitis Sudationibus, ubi jam venae penitus conquieverunt, integerque sine febre redditus homo est, aut tantum sanè, quantum minimum potest, febricitat, refici alimento humido, boni succi, ac mediocris materiae debet, atque hinc duabus, tribusve interpositis horis, somno se dare. Sunt nempe haec efficacissima contractae ariditatis remedia, & debiliùm adjumenta virium, quae sub assiduâ aegrotatione afflictæ, ac poene oppressæ fuere. Quae etiam praeceptio, post alias judicatorias inanitiones, servanda est.

*Quid
agendum,
si nulla
sit Crisis.*

Porro, ut optatissimum est, haec genera vacationum ex voto incipere, atque absolvi:

solvi : ita non usquequaque perpetuum est. Natura enim , etsi humorem concoctione vicit , haud aequè tamen faciliè expellit. Concoctio namque multo perficitur tempore : expulsio , brevissimo ; unde fit , ut quae illic vis hominis valuit , hìc laboret , adjumentumque , tamquam exordium vacuationis , arte praestitum nostrâ , requirat. Id adjumentum in aquâ positum est frigidâ , maxime ad vomitûs , dejectionis , atque sudoris provocationem. Quae res quomodo fiat , jam nunc proponetur.



C A P. II.

De Aquae frigidae potione.

VEntum nunc est ad frigidae poculum , *Varii in*
 quod quidem *Galenus* alterum esse *exhiben-*
 scripsit ex praecipuis continentium febrium *dâ Frigi-*
 remediis. Id alii aliis modis , atque tempo- *dâ errores*
 ribus exhibent , nec parum multi ex toto *recensentur.*
 praetereunt. Quid quisque erraverit , & quis
 verus sit Frigidae bibendae usus , proponam.
Avicennas adversus sitim , ac materiae bilio-
 sae concoctionem , continenter esse biben-
 dam frigidam , toto morbi decursu , jubet.
 Id jure , ut vanum , nobis licet repudiare.
 Cruda enim aqua maturationi officit humo-
 rum , ideoque non rectè dari , nisi in statu ,
 qui absolutam exhibet concoctionem , potest.
 Alii in ipso quoquè modo exhibendi , non
 solum

solùm in tempore peccant. Scilicet paucis
 sæpe portionibus aquam potui dant : vim
 nimirum frigidi fontis, ne quid is intus læ-
 dat, veriti. Nae isti hâc re parum profi-
 ciunt in temperandâ febris acutae flammâ;
 quin potius eam accendunt, superatâ aquâ
 caloribus, & in horum, ut sic dixerim, con-
 versâ alimentum. Neque enim sine causâ
Hippocrates dixit, in corporibus calore æ-
 stuantibus bilefcere aquam solere, ac mayo-
 rem sitim facere. Quae profectò res eò est
 proclivior, quò paucior aqua maximis igni-
 bus faciliùs superatur. Timidiore his sunt,
 qui aquam omnem rejiciunt (*ψυχροπόρος* *Ga-
 lenus* vocat) cruditatem horrentes, ac prin-
 cipum offensam viscerum. Primum, hi in-
 grati esse in rerum videntur naturam, quae
 efficax, quod ipsi praetereunt, remedium
 adversus humanae vitae inimicissimum mor-
 bum suppeditavit. Dein, inepte meticulosi
 sunt, quoniam parum vident, nihil laesio-
 nis ab aquâ oriri frigidâ visceribus posse, ceu
 maximo occupatis ardore, qui vim frigidi
 aequet elementi, aut certè ita ab eo vinca-
 tur, ut hujus tamen robur, facultatemque
 refrigerandi simul fregerit; neque tam victus
 esse à gelidâ aquâ dicatur, quàm simul cum
 eâ, dum contrariis pugnabatur viribus, con-
 cidisse, atque perisse.

Refelluntur Quoniam ergo salutare illud aquae frigi-
aliquae in dae praesidium negligendum per acutas fe-
eâdem re bres non est, certumque videtur *Galen* pla-
Authorum citum, duo in his morbis esse maxima re-
opiniones. media, -missionem sanguinis, & aquae fri-
 gidæ

gidae potum ; tùm etiam , sanguine per initia non misso , quia unicum , quod restet , auxilium in aquâ is Auctor ponit frigidâ , operae pretium me facturum putavi , si ejus legitimum usum , atque effectum omnem proponerem. Aqua , frigida est , atque humida , partiumque crassarum. Ea itaque , cum intrò sumitur , difficulter concoquitur , diuque in ventre , antequam per corpus digeratur , inhaerescit. Quare neque incîdit quidquam , neque terget , sed neque alvum ducit , neque urinam ciet , aut transpirationem , quae per cutem fit , impellit. Haec cum aqua habeat , videtur profectò pro materiâ concoquendâ dari nunquam posse ; adeoque nullum locum , incipientibus , incrementibusque febribus , habere. Neque enim refrigerii causâ (si non ob materiae concoctionem) tum rectè frigida datur ; quoniam hic refrigerationis fructus melius ab iis petitur rebus , quae simul refrigerent , simul incîdant , ac meatus abstergendo aperiant , quales superioribus locis proposui. Quin etiam ne refrigerare quidem aqua , exiguis data portionibus , potest , ut quae protinus à calore vincitur , & in ejus tum vertitur fomitem. At verò affatim saepe multum frigidi fontis , comprehensis temporibus , aliquis infundet , & sic calorem febris superabit. Nae ille parum intelligit , quaecumque forsan refrigerium visceribus sese praestare : verùm materiam morbi incrassando , atque intus includendo , longè facere concoctioni rebelliores , itemque meatus , quibus ea tandem vacuari debeat ,

H

ob-

obstruere; ad hæc, urinas, dejectiones, atque corporis cœca spiracula astringere, totum denique morbum, inductâ cruditate, pejorem, longioremque facere. Rectè enim *Hippocrates* judicavit, tardam morbi solutionem lentis concoctionibus significari. Itaque mirum non est, in exitii discrimine versari eum, qui diu, assiduèque ab atroci morbo pulsatur. Et quanquam, propter pollentes vires, interdum febris non occidit, sed utcunque forsan segnescit, longa tamen, dubiâque aegrotationis taedia, quæ vel ad quadragesimum etiam durent diem, acquirit. Quò magis improbanda est *Razis* sententia, qui numquam desistere debere aegrum ab usu aquæ frigidae scribit, eamque bibendi licentiam, quamquam judicationes remorantem, longè tamen censet esse abstinentiâ tutiorem. Id verò sese experimento ait comperisse, plures servatos esse qui biberint, quàm qui abstinerint. Ego verò haud tanti puto *Arabis* experimentum, exemplis nixum parum fidis, quanti duco *Hippocratis*, *Galen*i, *Æginetæ*, *Ætii*, *Tralliani*, *Celsi*, similiumque virorum, ratione, veroque usu comprobata sententiam. Omittere, inquit idem *Razes*, extinctionem, est proculdubio finire aegrum ad mortem tendere. Atqui, ô bone, ea extinctio tutius per ea perficitur, quæ præter quàm quòd efficaciter refrigerant, ad materiae faciunt etiam concoctionem, incisione, atque absterfione, quarum utraque frigidae aquæ deest. Jam verò sæpius hæc ipsa per totum

tum morbum sumpta Frigida, non solum maturationi officit materiae, verum etiam ita naturae fit familiaris, ut in vigore minus efficaciter agere possit; cum, uti mox ostendetur, liberaliter potari, ut humorem impellat ad excretionem, debeat. At enim, dicet aliquis, ingestâ affatim aquâ sudores moveri posse, vel incipiente etiam, incrementêve febre: pulso nimirum versus extrema corporis, propter frigidae occurrentis impetum, calore, ejusque subjectâ simul sequente materiâ. Atqui id cogere penitus est naturam invitam ad humoris expulsionem nondum cocti, aut separati. Quae res, ut longè abest ab ejusdem instituto naturae (quae suapte sponte nunquam quidquam, nisi concoxerit, movet) ita adeò non respondebit, ut contrâ potius cuncta sisti contingat corporis effluvia, coeptamque tardari concoctionem, atque universum denique naturae opus interturbari.

Quid ergo? Quibus demum febris continuâe temporibus, & in quem finem propinanda frigida aqua est? Id verò jam nunc sic expediam, ut doctis hominibus debeam, nisi fallor, videri satisfacisse. Quoniam cruditatem Frigida adauget, principio, incrementoque febrium inutilis est. Nam, iis temporibus, nondum absoluta maturitas humori accessit. Sed ne declinatio quidem exigere Frigidam ullo jure potest, cum morbi exhausta est materia, ac viscera, aegritudine debilia, neque ingentibus amplius affecta, munitaque ardoribus, frigidi fontis occursum

*Danda est
in ipso vi-
gore morbi
frigida.*

haud difficillimè laeduntur. Itaque unicum superest, quo dari utiliter aqua possit, vigoris tempus, non quidem causâ concoctionis promovendae, quae tum absoluta est, &, ut minimè sit, juvari tamen à Frigidâ nequit; sed ut haec ipsa Frigida principium faciat alicujus judicatoriae vacuationis, cum vomitûs, atque dejectionis, tum maximè sudoris.

Ut concocta materia excerni possit.

Quod si ita sit, videtur profectò tum danda aqua esse, cum maximè materia concocta est, in ipso scilicet aegritudinis statu: minimè autem, vel principio, vel incremento convenire, quòd tum nequaquam tutò pelli humor (quoniam concoctione caret) vel à naturâ, vel ab arte possit. In exhibendâ, inquit *Ætius*, Frigidâ, cavere principium, atque incrementum febris oportet, sed totius morbi, particularisque exacerbationis vigorem deligere. Siquidem eum vigoris articulum judico Frigidae idoneum potandae, qui febrem, ebullitionem, sitim, inquietudinem, cordis, arteriarumque pulsationem, omnia exhibet vehementissima. Ita enim minùs laeduntur frigido viscera, & acrior fit inter febrem, aquamque gelidam pugna; unde certior, pleniorque post insequitur vacuatio. Ergo etiam quòd haec ista fiant feliciùs, atque impensius, provocare etiam bibendi cupiditatem oportet, ut, cum aeger admodum exarserit, avidusque ostensum pellucido in vase fontem concupiverit, eo primùm aliquantisper denegato, donec anhelus toto corpore, totoque animo in
aquam

aquam inhiaverit, tandem, quantum haurire fontis volet, permittatur, ad ipsam usque satietatem. Post haec, si venter fluere coepit, aut vomitus erumpere, excipere convenit. Dein, stragulis diligenter intecto corpore, sudor oritur, qui semper, donec abunde fluxerit, abstergendus est.


Jam autem quae ratio sit vacuationis hujus, à gelido fonte introductae, dicere non alienum est. Cum febris vigorem adepta est suum, sicuti materia, quae laedit, concocta est, ita symptomata sunt gravissima. Vehementes dico corporis exustiones, capitis dolores, sitis, vigilias, deliria, inquietudines, & hujusmodi. His aerumnis supra modum afflicta natura pulsatur, atque distrahitur, adeò ut subinde non commodè auspicari judicationem possit. Quin etiam interdum hujusmodi succumbit assultibus, cum viscera caloribus usta immodicis, munus, roburque amittunt suum: ipsèque furens humor mobilis, atque ad vacuationem paratus, cum dirigi ad commodum exitum à naturâ, tot, tantisque symptomatis exercitâ, ac paene victâ, haud satis commodè potest, impetum saepe in principem partem facit, ac mortis causam praebet. Ut eo quoque nomine *Hippocrates* judicaverit, in morbis acutis, non esse omnino certas salutis, vel exitii notas. Ergo etiam, ut hujusmodi pravae humoris cocti, & ad exeundum parati, impetus praecaveamus, simul, ut undique afflictae naturae, dato bonae vacuationis exordio, salutarem opem praestemus, utile

*Ratio, cur
Frigida
vacuationes
promoveat.*

fuerit frigidissimum fontem maximâ copiâ ingerere, cujus appulsu haec oriuntur com-
moda. Viscera ardentissimae febris tosta ca-
loribus, temperamentum refrigerii sine noxâ accipiunt, eoque modo nativus solidarum
partium calor, recreatus novis jam quibus-
dam viribus, peccantem humorem aggredi-
tur ad expellendum. Quâ re accidit, ut
protinus is humor, jam tum coctus, & eva-
cuationi opportunus, vomitu, vel alvi de-
jectione, maximèque sudationibus affatim
excludatur. Ad quem naturae motum haud
parum etiam juvat Frigidae vis, quae natu-
raliter calorem pellit, fugatque. *Avicen-
nas*, etsi haec ipsa parum intellexit, usu ta-
men comperit certo, scripsitque, frigidam
aquam, consentientibus reliquis, rem opti-
mam adversus has febres esse: eamque saepe
ad materiae expulsionem juvare, cum solu-
tione, ut ejus loquitur interpres, naturae
per vomitum, alvi ductionem, aut sudores.
Scire autem licet, modò aliam, atque aliam
vacuationem solam, modò duas, & non
rarò omnes simul contingere. Vomitum
dico, dejectionem, sudores. Curavi equi-
dem hâc viâ aegros haud sanè paucos, qui,
cum ad statum pervenissent continuæ febris,
ac summâ siti, summisque ardoribus afflicta-
rentur, rogati biberéne cupiant, ostensum
(quò crescerent bibendi desideria) fontem,
ipsi in lympham intentissimi, ubi semel, at-
que iterum, ad libras *tres*, *quatuorve*, avidè
hausissent, paulò post dejicere, vel evomere
cœperunt flavissimam cum epotâ aquâ bilem.

Post

Post quae reclinati, ac probè operti, mox uberrimis sudoribus, totas noctes, vel etiam altissimè dormientes, defluerunt, quibus finitis, omnem in posterum amiserunt febricitationem. Adeò verò apparet, frigidam aquam, ut potum medicinalem, semel dari oportere, non item, ut *Arabes* profitentur, tum adversus sitim, tum ad bilis concoctionem, quotidianae vice potionis, frequenter sumi licere.



C A P. III.

Quae observationes bibentibus Frigidam sint necessariae.

FRigidam dare acutè febricitantibus, pæne vulgatum est: verùm commodis id temporibus, & corporibus, & modis dare, haud juxta proclive. Magni ea operis res est, summamque postulat observationem. Bibiturus itaque frigidam, non antè id facere potest, quàm ipsa febris, concocto humore, vacuationique idoneo, ad statum accesserit suum: jamque ipse homo, maximis affectus caloribus, summâque siti, die judicatorio, summum febricitationis impetum experitur. Scilicet tum maximè à naturâ oppugnatur humor, sollicitaturque ad excretionem, quem naturae conatum ipsa adjutans Frigida vacuationis felicitis dat principium. Minimè etiam per haec tempora

Frigidae vis, ut ne quid intus laedat, metuenda est: visceribus nimirum febrili ardore exaestuantibus, qui ardor, tanquam propugnaculum, contrario occurrens elemento, impetum ejus omnem debilitat. Quantum enim, inquit *Galenus*, calor à frigore patitur refrigeratus, tantum rursus calefaciendo in ipsum agit. Jam verò eâ copiam bibi aqua debet, quâ potis sit calorem febris superare, materiamque morbi, unâ cum naturae ope, extra corpus fugare, atque propellere. Itaque iterare etiam, eo tempore, Frigidae haustum licet, atque aegrum, ut *Galenus* docet, quantum libet, potare finire, donec notam exhibeat verisimilem alicujus futurae vacuationis. Si minus ejus, quam oportuit, bibitur, calore id vincitur febrili, & ad morbum addit. Sin vero plus justo sumitur, labefactat nimio refrigerio, tum ventriculum, tum jecur. Quare moderari ejus modum oportet, prout corpus est, & morbi magnitudo. Scilicet cujusque mensura remedii, quia nec dici, ut ille ait, nec scribi potest, Medicinam nostram maximè conjecturalem facit. Quidam quatuor aquae libras porrigunt. Alii tantisper bibere hominem sinunt, donec refrigerescat; ac tremat. Ego verò modum ejus censeo temperandum, pro cujusque aegri naturâ, atque febris vehementiâ. Ferè tamen ea, si adjutura est, bibi ad satietatem debet.

Quaenam res biben- Scire autem licet, quaedam interdum incidere, quae fiduciam addant Frigidae liberali-

raliter bibendae, quaedam etiam, quae, vel *dae Frigi-*
 cautiùs parciùsque bibendam esse, vel om- *dae fidu-*
 nino non bibendam doceant. Fiduciam ad- *ciam ad-*
 dunt, febris admodum urens: aetas juveni- *dant.*

lis: corpus boni habitùs, firmorumque vi-
 scerum: atque his (ut ferè fit) junctae vires:
 aestas media: consuetudo. Ingens febris ar-
 dor, sine noxâ, Frigidæ impetum sustinet.
 Juvenibus firmum obtigit robur, quod resi-
 stere, ac respondere frigidi fontis (ne quid
 is officiat) occursum possit, maximè, si cor-
 poris quoquè bene habitì viscera sanguine,
 carnibusque abunde munita sunt. Itaque vi-
 res quoquè adesse par est, valentemque na-
 turæ calorem, ne quid, propter hujus im-
 potentiam, frigida aqua intus violet. Sed
 &, quò impensius frangi vis aquae possit,
 aestas facit: quae, supra morbi ardorem,
 suos quoquè aestus ingerit in corpus, refri-
 gerio fontis temperandum. Quòd si, prae-
 ter haec, etiam assuetus Frigidæ, per se-
 cundam valetudinem, aeger fuit: confiden-
 ter eam ipsam bibet, experienciâ aliàs doctus
 gelidi occursum elementi familiariter viscera
 tolerare. Scilicet, si sine offensione aquam
 frigidam sanus, ac temperatus bibit, quantò
 magis id futurum est, ubi is ipse maximis
 caloribus intus forisque tantum non extorre-
 tur, cum calores praecipuum munimentum
 visceribus contra Frigidam praestant. Me-
 minisse etiam convenit, ita assuetis plus bi-
 bendum aquae, quàm aliis hominibus esse,
 quò efficacior sequatur actio, quae semper,
 inter res familiares, ac consuetas, imbecil-

lior est. Itaque, quod consuetudo détrahit, id copiâ fontis pensandum est.

Quaenam eam periculofam faciant. Proximum videatur ea proponere, quae gelidam potionem vel periculofam faciunt, vel omnino dehortantur. Obstructio humoris putridi nondum concocti: tumor, dolorque in viscere praecipuo: partis momentaneae imbecillitas, maximéque, ventriculi, jecinoris, atque lienis: corporis habitus nimium tenuis: infirmae vires. Quod cruditati humoris putris, atque obstructioni adversetur aqua frigida, ex ejus apparet viribus, quas suprà fusè expressimus. Scilicet cruda ea est, haerensque in viâ, omnia cogit, sistitque corporis effluvia. Itaque prohibet etiam, ne corruptus humor, obstructis venis, concoqui à naturâ, aut segregari à benigno commodè possit. Quare rectè *Galenus* vetuit, quibus obstructio, putridusve humor non concoctus incommodat, iis ne aqua frigida potui detur. Ergo exspectare concoctionem oportet, maximéque in Synochis, ex multo, ac crassiusculo natis sanguine, cum referatis, tersisque meatibus, putris humor victus, ac separatus excretioni patet.

Quaenam eam postulare videantur. Quanquam in febribus supra modum ardentibus, ac corpus eliquantibus, necessitas interdum cogit, per principia morbi, incrementaque, Frigidam propinare; ut temperamentum ardori, quod maximus est, praestetur: utque materia morbi refrigescens minùs furere, ac torrere hominem incipiat, meliùsque, ac citiùs idoneâ vacuatione expella-

pellatur. Quòd si propter incendium crassiuscula bilis est; tum quidem, ut sumptâ Frigidâ morbus producitur, ita periculo-sae exustionis retunditur impetus. Estque haec extraordinaria, atque coacta Frigidæ propinatio ad exitii avertendum metum. Id ita saepe feliciter respondisse *Averroës* testatur: praestabiliusque esse censet, febrem lentam, longamque frigido poculo facere, quae curari possit: quàm aegrum ardore, magnitudinèque morbi superari finire. Idem sic expressit *Avicennas*: Siquando timetur malitia caliditatis, ac sitis, ut ve-rearis secuturam inde marcidam ariditatem, atque consumptionem, ne prohibeas aquam frigidam. Cruditas enim optatior marcore est: qui subitò incumbens, liquefacto ardoribus corpore, hominem consumit. *Galenus* quoquè hujusmodi aegris Frigidam per initia porrigebat, antè Putridae cremore nutritis, idque ne in Hecticam inciderent. Extinctâ enim flammâ, rejectâque flavissimâ bile, saepe malum cedit. Tanti verò periculum is Auctor talium febrium fecit: ut, si inflammatio etiam adsit alia (*φλεγμονή* Graeci nominant) nihilo minùs tamèn aquam frigidam, quae huic est inimicissimâ, praebeat; praestare ratus, inflammationem in praesens augere, quàm hominem finire in hecticam febrem incurrere. Verùm id scire convenit, rarissimè nostratibus hujusmodi febres, ex tenuissimâ, ac sincerâ bile vehementer incensas, ac liquefactivas, accidere; quoniam, propter naturae tem-
pera-

peramentum, cœlique, ac victûs rationem, bona pituitae pars bili miscetur, unde febres nascuntur: minùs acres. *Gracciam* verò incolentibus, multóque magis *Arabiam*, propter contrarias causas, eadem genera febrium sunt frequentia; ideoque plus hìc licentiae bibendi Frigidam tribui potest. Crassamentum enim, quod hinc materiae conciliatur, non modò non nocet, verùm etiam, propter bilis tenuissimae mobilitatem, maximè conducit. Quae sola res *Avicennae*, *Razis*, atque *Averrois* confirmare sententiam potest, qui eo nomine in exhibendâ Frigidâ *Graecis* fuere indulgentiores.

*Febribus
intermittentibus
Frigidae
potus nunquam
convenit.*

Atque hætenus de febribus loquor continuis, non autem de intermittentibus: maximè, si has crassus, aut tenax humor creat. Siquidem iis, nullo unquam tempore, commodare frigida aqua potest: eò quòd crassa materia, quantumvis concocta, neque promptè, neque tutò possit impetu Frigidae ad excretionem impelli. Facile etiam viscera, haud tantis, ut acutâ in febre, ardoribus occupata, propter occursum gelidi fontis violantur. Et ipsa alioqui febris materia, ut modò dixi, non cedit; sed purgationibus, aliisque auxiliis efficacioribus, ut vacuetur, opus habet. Itaque commodè dixisse video *Galenum*: Aquam frigidam ipsius febris, prout febris est, semper esse remedium; quod vero ad alia spectat, non semper: veluti, cum ex obstructione tenacis, vel crassi humoris, putredo oritur.

Nunc de tumoribus dicam visceris alicujus
prae-

praecipui, qui usum Frigidae omnem dehortantur: utique si schirrus sit, aut phlegmone, aut oedema. Nam erysipelas, inquit *Galenus*, quod quidem genuinum sit, non aliter sanaveris. Si schirrus subest, in jecore potissimum, atque in liene: sumptâ Frigidâ, additur ad morbum; quia obstruit ea magis, ac refrigerando rebellio-rem duritiem facit. In phlegmone autem, ipsa quoque impeditur maturatio, parumque resolvi ab inflammato viscere, cum Frigida datur, potest. Oedema etiam Frigidâ laedi dubium non est; quoniam morbus, ejusque causa cum Frigidae consentiunt qualitatibus.

Sequitur partis internae, quae quidem momentanea sit, imbecillitas, quae periculose Frigidae poculum facit. Aliis enim gula Frigidâ ita laesa fuit, ut vix deglutiret; aliis ventriculus subfrigidus, & imbecillus, gravem singultum contraxit, maximèque eâ uti non solitis. Nonnullis jecur, aut colon, aut pulmo, aut septum transversum gravem offensam senserunt. Quibusdam, laeso genere nervorum, repente post Frigidae poculum, difficultas spirandi, & distentio nervorum, & tremor acciderunt. Verùm meminisse convenit, haec incommoda, etsi formidabilem aquam reddunt, nequaquam tamen eam semper per acutarum vigorem febrium prorsus posse dehortari. Praestat enim interdum, epotâ Frigidâ, infirmam partem facere aliquam, simulque hominem à gravissimo, maximèque dubio morbo vindicare, quàm, sub vitae ancipiti spe, tanti cassum auxi-


*Neque viscerum tumori-
bus.*

Imbecillitas partis momentaneae Frigidam raro adhiberi sinit.

auxilii, relinquere. Intueri utrinque incommoda, atque invicem conferre oportet, utra potius sequi conveniat, ad humanae vitae, vel commoditatem, vel conservacionem. Si nocumentum, inquit *Galenus*, ex aquâ frigidâ exiguum erit, confidenter ea potui offerenda est; sin magnum metuitur incommodum, ab hâc fuerit temperandum, aliisque utendum auxiliis.

Itemque macer habitus, viresque infirmæ. Jam etiam corporis habitum videre, priusquam Frigidam exhibeas, oportet; qui, si nimum macer, atque tenuis est, potior nem recusat. Etenim facilè viscera crudo elemento feriuntur, non sat probè adversus ejus occursum carnibus, & sanguine munita. Quamquam *Galenus* non usque adeò Frigidam formidat, certâ quâdam exhibitam mensurâ, in iis, qui tenuem habitum, ex lassitudine, irâ, vigiliâ, curis, similibusque animi affectibus contraxerunt, indèque inciderunt in febrem, quae aridam reddat cutem, ingentemque habeat calorem. Nimirum satius videtur, vel cum periculo viscerum aliquo, febrim gelido fonte extinguere, quàm aegrum in Heticam sinere incurrere: maximè, si aestas est, cœlumque calidum, & siccum. Jam autem vires quoquè adesse, ut tutò Frigida propinetur, necesse est; nam alioqui, debilitatis internis sedibus, superaret naturae calorem aqua, minimèque principium inanitionis judicatoriae faceret. Ejus rei metus facit, quò minùs confidenter decrepitis senibus, aliisque, crebrâ inanitione, vel longâ invaletudine exhaustis, gelidum fon-

fontem demus. Atque hætenus satis superque de frigidâ aquâ dictum videatur: id quod complures Medicos, & cognoscere velim, & semper sequi.




C A P. IV.

*Quis Victus Vigori Continuae Febris sit
necessarius.*

QUoniam in Statu natura potentissimè *In Statu,*
 morbum oppugnat, symptomataque *exacta ab-*
 omnium sunt molestissima, jure negari *stinentia*
 cibis, quantum fieri potest, omnis debet: *conducit,*
 idque, ne morbo intentam naturam, & in *nisi sum-*
 ancipiti vitae edomando periculo occupa- *ma sit vi-*
 tam, distrahamus ad cibi concoctionem. *rium im-*
 Melius enim soli humores, quam simul cum *becillitas.*
 his cibi evincentur. Quinetiam, propter
 vim symptomatum, parum commodè ali-
 mentum concoquitur; ideoque idipsum non
 modò naturam ab opere avertit suo, celeri-
 ter, nisi impediatur, victuram: verùm etiam,
 benignitate destitutum concoctionis, cor-
 rumpitur, & ad morbum addit. Jam etiam
 si, aegritudinis intuitu, parcius semper ali-
 mentum damus: sequitur planè, ut tum de-
 mus omnium parcissimum, cum is est vehe-
 mentissimus. Neque verò adeò metuere vi-
 ribus oportet, symptomatum impetu, ut
 quis existimet, periclitantibus. Nam hæc
 jam tum paene majores morbo evasere,
 con-

concoctâ, evictâque in totum ejus materiâ. Et quae judiciale inanitionem proximè antecedunt symptomata, ea parum periculorum, qua haud diu immorantur, exhibent; excluso enim maligno humore, protinus conquiescunt. Ergo etiam rectè sic scripsisse video *Hippocratem*: Cum morbi vis est summa, tum vel tenuissimo uti victu convenit. Et paulò pòst: Ipso vigoris tempore, pauloque ante eum, cibus est adimendus. Exacta itaque abstinencia, vel certè sola hìc conducunt pocula; nisi praecipua quaedam nata imbecillitas, necessitatem tenuis dandae forbitionis injecerit. Id dignitati ipsarum tribuitur virium, quibus periclitari incipientibus nunquam non alimento succurrendum est.






DE CURANDIS FEBRIBUS CONTINUIS,

SECTIO QUARTA,

Quâ harum comprehenditur Declinatio.



C A P. I.

De iis Corporibus, quae perfectè convalescunt.



Uaecunque continua febris per *Quid ex-*
absolutam judicationem, com- *pediat*
modis ortis vacuationibus, vigo- *agere in*
rem superavit suum, necessariò *Febris*
decrescens, melioris valetudinis, *Declina-*
certaeque salutis spem, atque principium *tione.*
facit. Estque id verum ejus decrementum,
in quo neminem unquam esse mortuum *Ga-*
lenus Auctor est: morbi dico occasione,
non novo aliquo Medentis, vel Ægrotantis
errore. Hic iste corporis convalescentis sta-
tus,

tus, quoniam morbo jam victo superior est, nullis præcipuorum remediorum irritamentis est sollicitandus, sed probâ ratione victûs, qui vires paulatim instauret, sustinendus. Inter quae tempora, rationem quoquæ æris: somni, ac vigiliae: exercitationis, atque otii: alvi ductionis, similiumque rerum habere convenit. Ad haec, viscera quoquæ subinde firmanda, quae, & morbo, & vacuationum remediis, fuere labefactata. Simul etiam, si quis ardor prioris febricitationis etiamnum insidet, idoneis rebus tollendus est. Adeò verò danda est opera, ut qui, naturae, artisque nostrae beneficio, longè valere meliùs homo cœpit, modis semel omnibus convalescens, quàm optimè valeat.

De Convalescentium Victu.

Incipiam de cibo dicere: qui mediae materiae esse debet, facilisque concoctu, temperatus (nisi residuus calor subfrigidum postulet) mediocriter humens, atque liquidus, succumque praebens bonum, qui vires facilitum tueatur, tum adjiciat; cujusmodi sunt, juscula pullorum gallinaceorum, atque caponum, vel magis ex his coctis, atque contusis, unâ cum jure factae sorbitiones. Cocta quoquæ hœdorum, atque vitulorum caro, ejusdemque juscula idonea sunt. Præfana item hordeacea, ex jure pulli confecta, convenit. Maximè autem studendum est, hujusmodi nutrimentis convalescentem reficere; quoniam is ipse exinanitus, spirituumque laborans inopiâ vitalium incrementa sanguinis, atque virium postulat. Siquidem
victum

victum in eo nimis tenuem meritò *Avicennas*, ut periculofam, damnavit: faepe inde malum corporis habitum, novamque febrem ait emerfiffe. Cibus tamen eâ moderatione fumi debet, ut ne quid copiâ oneret, quae res gravium faepe periculorum anfam praebet. Ferè autem qui fic victitat, ex fumpto alimento nihil, aut corpore, aut viribus proficit; tandemque (nifi abftinentiâ, aut inanitione fuccurritur) in febrem, vel priorem, vel in aliam novam incidit. Confultum (me iudice, testéque *Avicennâ*) fuerit, convalescentem minimè ad fatietatem effe finire: verùm, immorante etiamnum efutandi defiderio, epulis jubere defiftere. Illud quoque rectè praecipitur; quoniam vacuaturn corpus, atque extenuatum uberem inftaurationem postulat, eam tamen attritae vires non ferunt, cibum pauciozem, multis vicibus, dari oportere: femperque propius ad fecundam progressis valetudinem plus cibi, ac paucioribus intervallis indulgeri, donec ad pristinam sanorum hominum tùm valetudinem, tùm cibationem perventum fit. Quae tempora ita moderanda sunt, ut *Hippocrates* praecepit: Quae lentè, inquit, extenuata sunt corpora, lentè reficere oportet: quae contrà, breviter. Porro utile poculum, mediocris aetatis, atque substantiae, probè cocta cervisia est; itemque vinum album, ac tenue, vel odoriferum, aquae fontanae, aut hordeaceae miftum. Praefrigida autem aqua, quia visceribus officit extenuatis, rejicienda est. Ut in cibo, ita & in

potu intemperantia, atque nimia abſtinentia inutilia ſunt. Alterum enim recidivæ hominem exponit, alterum heſticae maciei. Illud appprimè cavendum eſt, ut ne quid nimis, cum cibus ſumitur, bibatur. Nam ſic is ipſe innataret, à ventriculi corpore, propter interpoſitum humorem, non comprehenſus. Itaque inter epulas contrahenda ſunt pocula, ac tantillum humoris indulgendum, quod & linguae moleſtiam ſoletur, & ſitim levet. Concocto autem cibo, fas eſt liberè aliquid bibere: nam celerrimè id per corpus digeritur.

De Aëre.

Proximum eſt de aëre dicere, qui temperatus eſſe debet, ne vel nimio calore ardore augeat, referatve febriles: vel ſuperfluo frigore extenuatis, atque inanitis viſceribus officiat. Parum tamen refrigerii accipere eum fas eſt, ſi quid ardoris etiamnum inhaereſcit.

De Somno.

Somnus convaleſcentibus apprimè eſt neceſſarius, utique noctu poſt ſumptum cœnae alimentum. Sic enim corpus efficaciter humectatur, ſuperiore ſiccatum febre, inſtauratiſque ſuccis, ac ſpiritibus, vires acquirit meliores. Itaque etiam vigilia, quia exſiccatur, ac vim hominis atterit, inimiciſſima eſt. Nunquam dormire is, qui convaleſcit, niſi poſt ſumptum cibum debet, quoniam qui vacuo ſomnus fit ventriculo, vacuiſque venis, corpus exhaurit, arefacitque.

De Exercitio.

Exercitii verò, atque otii moderata, ac viribus reſpondens viciffitudo eſt utilis. Exercitium tamen leve eſſe decet, putà, geſtationis,

tionis, aut lentae per cubile inambulationis. Molles quoquè extremorum frictiones membrorum juvant; implent enim corpus, ac naturae excitant calorem. Porro instauratio corporis (quia superioribus id aerumnis emacruit) vehementer necessaria est.

Inutilis autem omnis habetur inanitio, *De Purgatione,*
 praeter unicam dejectionem ventris, qui *caeteris-*
 convalescentibus, astringitur. Nequaquam *que va-*
 autem purgatorium esse medicamentum licet *cuatiori-*
 (quod *Graeci καθαρτικόν* appellant) sed leniti-
 vum, ac stercorearium (quod *ἐκκοπρωτικόν* di-
 cunt) cujusmodi recens extracta est cassia,
 juscule pullo gallinacei, vel hordei decocto
 soluta; itemque electarium lenitivum, dia-
 prunon solutivum, diacatholicon, manna,
 & id genus alia. Ad eandem rem emollien-
 tes etiam faciunt clysteres, ex pinguibus jus-
 culis, cassiâ, oleoque violaceo facti. Suos
Galenus ex sincero parabat oleo. Scire au-
 tem licet, minimè frequentem usum horum
 lenitivorum esse licere: maximè, quae mo-
 vendi ventris causâ, per os dantur, ne sci-
 licet crebrâ dejectione (quae tum certè inu-
 tilis est) corpus ali definat, defluente unâ
 succo meliore. Ut nulla non vacuatio,
 praeter moderatam, uti praecepi, dejectionem,
 convalescentibus incommoda est: ita
 maximè Veneris, quae affatim vitae spiritus
 profundit, viresque tenui in corpore dissipat.
 Porro jucundis etiam rebus occupari conva-
 lescentibus animus debet: unde vis naturae,
 spiritusque vitales eriguntur; tristis autem
 sollicitudo, quoniam siccatur, nocet.

*De fir-
mandis
visceribus.*

Nunc de firmandis dicam visceribus, quorum vis multum à morbo lacescita, laxatâque fuit. Materiae autem, mediocri praeditae astrictione, atque refrigeratione, ejus beneficium roboris praestant. In quo numero sunt electarium diarhodon, diacoralion, pastilli ex rosis, ex spodio, & hujusmodi. Saepe etiam ubi calores defunt, ipsæque, prioribus remediis refrigeratus, ventriculus parum concoquit, utile est aromaticum rosatum. Caeterum, nullo alio febris acutae tempore, talium materierum usus esto, quàm declinationis, idque metu astrictions, quae illis inest. Ea siquidem, ut convalescentibus (utpote morbi materiâ jam exoneratis, ac debilibus) utilis est: ita aliis, qui adhuc dum vim morbi experiuntur, retento humore corrupto, prorsus adversatur; nisi tamen effusae alicujus inciderit vacationis symptoma, quod sine modo vires resolvat: effraenatum dico vomitum, alvi fluxum, atque sudorem.

Atque huc usque de iis locuti sumus hominibus, qui, absolutam experti judicationem, integrè, atque plenè convalescunt. Quare posthac eorum proponam constitutionem, atque provisionem, qui, quoniam diminutè fuere judicati, non commodè convalescunt, inappetentiaeque, defectae nutritioni, ardoribus, recidivae, caeterisque vitiis sunt obnoxii.

que *Venæ sectionis* usum, ac *Rectionis* rationem exequens.

Quod ad *Sanguinis* attinet, *Rectionis* locum hunc tam dilucidè, & tam ample pertractavit, ut, qui in Medicina non sit versatissimus, haud gravibus sanè, & erroribus implicari posse videatur. Quod quidem leve videri non debet; cum Febricitantium plurimi, vel, neglecto per initia Morbi hoc Remedio, *Sanguinis* abundantia, atque impetu tandem obruantur: vel, juxta Vigorem præposterè adhibito, dejectis viribus ocysimè jugulentur. Sanè, quod ad hoc argumentum spectat, si vel *Recentiorum*, vel etiam *Veterum* scripta consulamus, invenietur nemo, qui *Venæ secandæ* leges, hâc in *Febrium* specie tenendas, judicio tam exquisito tradiderit.

Cæterùm, in instituendo *Victu*, quod Alimenti genus, tanquam apprimè conveniens, *Hippocratem* maximè secutus, proposuit, id etiam *Ægrotantibus* plerumque gratissimum esse contingit, nullique unquam non parabile. Porro refrigerantia pocula non parcâ manu porrigit; quæ quoniam, & Febrilem materiam diluunt, & æstum temperant, *Ægris* & tutam, & jucundam curationem præstant. Ita ut frustra sint ii, qui, recenti satis memoriâ, de *Sanguinis* missione, & de *Potionum* diluentium usu,

nova se quædam, ac priùs inaudita protulisse jactitarent; cum nihil in eorum scriptis de his rebus occurrat, quod non antea, vel ab *Hippocrate* præceptum, vel ab hoc ipso *Lommio* uberrimè fuerit explicatum.

Illud autem animadversione dignissimum est, quòd, in ultimo ferè Incremento Febris, novam, ut ipse prædicat, maximèque interdum efficacem secutus sit medendi rationem. *Lenem* scilicet *Purgationem*, appropinquante Morbi Vigore, cum judicio adhibuit; ita ut neque, in summo discrimine, intrò manentis materiæ corruptione opprimeretur Natura, neque vires tum, cum iis maximè opus esset, acrioribus Medicamentis labefactarentur. Id quod etiam, in *Variolis*, jam ad maturitatem provectis, præclarissimi nostræ Ætatis Medici, magno cum Ægrotantium commodo, sapienter imitati sunt.

Ad curanda Februm Symptomata, quæ Mortales gravissimè exercent, atque cruciant, Remedia tradit, uti admodum utilia, ita communia maximè, ac facilia; ubi illum, non solùm ad Ægrotantium salutem, sed etiam ad levationem, & solatium non parum attendisse reperiemus.


Jam, in ipso dimicationis puncto, Naturæ optimum sese adiutorem, atque socium adjungit; quam quidem, non, uti fidus fortasse,

tasse, sed hebes famulus, quocunque trahat, retrahatque, subsequitur: sed, tanquam vetus minister, & sagax, Magistræ suæ quasi nutum observans, viam illi, quamcunque ingredi velle videatur, interclusam aperit, impeditam explicat, laboranti novas ad assequendam metam vires opportunè suppeditat. Siquidem, quo tempore & Medentis Solertia præcipuè perspicitur, & desideratur ars, tùm diversarum evacuationum imminentium præfagia, tùm promovendarum rationes, cum admirabili brevitate, atque elegantia, descripsit.

Atqui per universum Operis tenorem summa ipsius prudentia, ac moderatio elucescit; quòd neque aliorum, neque suæ pertinaciter addictus opinioni, ubique servet mediocritatem quandam, ac modum. Hoc etiam *Authoris* nostri laudibus meritò adjici potest: quòd, sive Ætatem ejus, sive Gentem respicimus, tam disertum illum, tamque doctum extitisse, jure mirari valeamus. Etenim haud faciliè invenietur quispiam, inter Medicinam factitantes, qui quidem iisdem temporibus vixerit, nisi * Amicus ejus, *Fernelius*, qui vel ob lectionis varietatem, vel ob scriptionis excellentiam, ei ullo modo comparari possit. Suam nempe sententiam Veterum Medicorum, maximèque Hip-

poeratis, experientiâ, atque authoritate comprobatam, semper ferè munit, & corroborat. Quos quidem Authores celeberrimos, non solum ut exscriberet, perlegit, sed etiam ad examen revocavit. Eumque legendo multum profecisse sciet, quicumque artem illam eximiam, quâ Veterum Monumenta, hoc in Libro, aut lucem, aut ornatum accepere, perpenderit. Quod si ii nonnihil aliquando inter se dissidere videantur, eorum opiniones, exponendo, & dilucidando, quantum fieri potest, conciliat; si planè repugnent, collatis inter se diversis sententiis, ac fideliter, accuratèque pensitatis, suum cuique momentum tribuit. Hinc, quàm longè *Arabes* Medici *Græcis* inferiores fuerint, ex eo satis intelligemus. Neque verò suspicari quispiam poterit, quod, vel propter invidiam aliquam, vel partium studium, iniquus in hâc re iudex fuerit. Nam eundem inter *Arabas* Scriptorem, *Avicennam* scilicet, cuius præcepta sæpissime repudiat, quémque ex ipsius ore falsi nonnunquam arguit, aliàs collaudare non dubitat. Siquando *Veterum* ipse vestigia deserit, non in eos, tanquam erroris Authores, temere invehitur: sed id liquidò commonstrat, omnes, qui eundem sibi proponunt finem, non iisdem semper, præsertim ob diversarum Regionum disparem situm, viis debere insistere.

Haec,



CAP. II.

De iis, qui, propter diminutam Judicationem, haud probè convalesunt.

QUaecumque judicatio materiam morbi *Post im-*
 non exhaust, multâ ejus in corpore *perfectam*
 relictâ parte, imperfectam, atque *Crisin,*
 symptomatis molestant declinationem exhi- *nullâ ferè,*
 bet. Tum enim homo, assumptis etiam *nisi per*
 commodis, justisque epulis, neque alitur, *purgatio-*
 neque firmatur, ardores etiam experitur, *nem, va-*
 quàm par sit, majores. Protinus tum va- *cuatione*
 cuante medicamento, si humor idoneus est *utendum*
 purgationi, succurrere oportet, quod prio- *est.*
 ris morbi extrahat reliquias. Quod ni fiat,
 in foribus erit vel abscessus, vel recidiva.
 Semper medicamentum parari, pro mate-
 riae naturâ, ac virium modo, debet. Vo-
 mitus autem omnis inutilis est, nisi si cor-
 ruptus aliquis humor stomachum occupat.
 Saepe autem venae per ea medicamenta
 commodè repurgantur, quibus urinas ciendi
 facultas obtigit. Id quod tum sequendum
 est, cum naturae vi corruptus humor ad
 ductus urinarios impellitur: Sanguinis verò
 missio prorsus fugienda est, cum propter
 materiae rationem peccantis, tum propter
 vires, quae praeteritis vacuationibus vehe-
 menter fuere labefactatae. Quò magis *Avi-*
cennam demiror, qui etsi rectè dicit sangui-

nis missione parum egere convalescentes: in eo tamen fallitur, quòd venam, propter sanguinis vitium, tum incídat, propter id, quod, veluti assatum ex malis humoribus, in sanguine remansit; ideoque necesse esse ait, ut extrahatur sanguis ejus *malus*, & cumuletur bonus. Quasi verò humoris vitium non solâ tolli debeat purgatione, ac quasi promptum sit, atque in hominum positum manu, dissectâ venâ, corruptum humorem effluere sinere, meliore sanguinis particulâ intus manente. Neque verò hîc solùm, uti liquet, peccâsse *Arabem* constat: versùm in ipsarum etiam aestimatione virium, quae convalescentibus, propter debilitatem, mittendo sanguini sunt impares. Ut ne dicam etiam nequaquam tum magnum morbum (quod alter est secundae venae scopus) esse posse, ut cujus vehementior jam tum cessavit impetus.

Victus subtennis esse debet. Porro, quod ad victum pertinet eorum, qui imperfectè convalescunt, scire licet, subtenuem esse oportere, donec, exhausto humore, felicioris nutritionis praebeantur exordia. Rectè siquidem dixisse video *Hippocratem*: Impura corpora eò magis offendi, quò magis aluntur. Postquam materiis morbosus homo erit probè exoneratus, ita dein omnibus in rebus haberi, tractarique debet, uti suprà de iis, qui exactè convalescunt, praeceptum est.

I N D E X

C A P I T U M.

DE CURANDIS

FEBRIBUS CONTINUIS,

SECTIO I,

Quae earum continet Principium.

C A P. I.

- II. **D**E Missione Sanguinis. Pag. 3.
III. **Q**uâ Mensurâ acutè Febricitantibus Sanguis debeat mitti. 15.
IV. Quo Tempore per Febres Continuas Sanguis mitti debeat. 29.
V. Quae Vena per Febres Continuas secanda sit; quidque, inter Sectionem, &, post, agendum. 46.
VI. Quae Victûs ratio in genere Febrium Continuarum servanda sit. 49.
VII. Genera quaedam, itemque formae Alimentorum, quae acutè Febricitantibus dari possunt. 60.
VIII. De Potionibus acutè Febricitantium. 65.
IX. Quae Victûs ratio Principio Febris acutae conveniens sit. 68.
X. Quomodo Materia Februm Continuarum concoquenda sit. 72.

S E C.

SECTION II.

Quae Februm Continuarum comprehendit Incrementum.

CAP. I. De Materiae Purgatione. Pag. 80.

II. Quid à Purgatione agendum, & quomodo fervor acutae Febris temperandus sit. 90.

III. Quomodo gravioribus Symptomatis acutae Febris occurrendum sit. 94.

IV. Quae Viētus ratio per Incrementum Continuae Febris servanda sit. 104.

SECTION III.

Quae Februm Continuarum complectitur Statum.

CAP. I. De Vacuationibus Judicatoriis. 106.

II. De Aquae frigidae potione. 111.

III. Quae observationes bibentibus Frigidam sint necessariae. 129.

IV. Quis Viētus Vigori Continuae Febris sit necessarius. 127.

SECTION IV.

Quā Februm Continuarum comprehenditur Declinatio.

CAP. I. De iis, Corporibus, quae perfectè convalescunt. 129.

II. De iis qui, propter diminutam Judicationem, haud probè convalescunt. 135.







215

~~11~~

11 12

